

ПЕЧАТНИРЬ



Москва
2011

УДК 243
ББК 86.372
П 86

*Рекомендовано к публикации
Издательским Советом
Русской Православной Церкви
(ИС 11-025-2753)*

П 86 **Псалтирь.** — М.: Благовест, 2011. — 512 с.

УДК 243
ББК 86.372

ISBN 978-5-9968-0038-4

© Издательство «Благовест» — текст, оформление,
оригинал-макет, 2011

МОЛИТВЫ ПЕРЕД НАЧАЛОМ ЧТЕНИЯ ПСАЛТИРИ

*Разумно да будет,
како подобает особь пети
Псалтирь*

Аще иерей, глаголет: Благословен Бог наш, всегда, ныне и присно, и во веки веков.

*Аще ли ни, глаголи
умилебно:* Молитвами святых отцев наших, Господи

Иисусе Христэ Бóже наш,
помíлуй нас. Амíнь. Царю
Небéсный. Трисвятое. *И по*
Отче наш...

Тропарí сия, глас 6

Помíлуй нас, Гóсподи, помíлуй нас, всякаго бо отвéта недоумéюще, сию Ти моли́тву яко Влады́це грéшнии прино́сим: помíлуй нас.

Слава: Честно́е проро́ка Твоего́, Гóсподи, торжество́, Не́бо Це́рковь показá, с челове́ки ликуют А́нгели. Того́ моли́твами, Христэ́ Бóже, в ми́ре упрáви живóт наш, да поём Ти: Аллилу́иа.

И ныне: Мно́гая мно́жества мо́их, Богороди́це, прегрешéний, к Тебе́ прибего́х, Чíстая, спасéния трéбуя: посети́ немощствую́щую мою́ ду́шу и моли́ Сы́на Твоего́ и Бóга на́шего да́ти ми оставле́ние, яже соде́ях лю́тых, Еди́на Благословéнная.

Гóсподи, помíлуй (40).
И поклониеся, ели́ко ти мо́щно.

Та́же моли́тва Святе́й Живонача́льной Трóице

Всесвята́я Трóице, Бóже и Содéтелю всего́ ми́ра, поспеши́ и напра́ви се́рдце моё́ нача́ти с разумом и конча́ти де́-

лы благи́ми богодухнове́нными сия́ кни́ги, яже Святы́й Дух усты́ Дави́довы отры́гну, и́хже ны́не хошú глаго́лати аз, недосто́йный, разуме́я же своё невёжество, припа́дая молю́ся Ти, и е́же от Тебе́ по́мощи прося́: Го́споди, упра́ви ум мой и утверди́ се́рдце моё, не о глаго́лании устен стужа́ти си, но о ра́зуме глаго́лемых веселит́ся, и пригото́вится на творе́ние до́брых дел, яже учúся, и глаго́лю: да до́брыми де́лы просвещён, на суди́щи десны́я Ти стра́нны́ прича́стник бу́ду со все́ми избра́нными Твои́ми. И ны́-

не, Влады́ко, благослови́, да, воздохну́в от се́рдца, и язы́ком воспою́, глаго́ля си́це:

Прииди́те, поклони́мся Царе́ви на́шему Бо́гу.

Прииди́те, поклони́мся и припаде́м Христу́, Царе́ви на́шему Бо́гу.

Прииди́те, поклони́мся и припаде́м Само́му Христу́, Царе́ви и Бо́гу на́шему*.

Таже посто́й маю, донде́же утиша́тся вся чув́ства. Тогда́= сотвори= начаю́ не вско́ре, без ле́ности, со умиле́нием и

* «Прииди́те, поклони́мся...» чита́ется перед каждо́й кафисмо́й.

сокрушенным сердцем. Рысие: «Блажен муж...» тихо и разумно, со вниманием, а не борзяся, якоже и умом разумевати глаголемая.

∨ 7∨



ДАВИДА
ПРОРОКА И ЦАРЯ
ПЕСНЬ

Кафисма первая

**Псалом Давиду,
не надписан у еврей, 1**

¹Блажен муж, иже не иде на совет нечестивых и на пути грешных не ста, и на сядалищи губителей не седе, ²но в законе Господни воля его, и в законе Его поучится день и ночь. ³И будет яко древо насажденое при исходящих вод, еже плод свой даст во время свое, и лист его не от-

падёт, и вся, елика аще творит, успеет. ⁴Не тако нечестивии, не тако, но яко прах, егоже возметаёт ветр от лица земли. ⁵Сего ради не воскреснут нечестивии на суд, ниже грешницы в совет праведных. ⁶Яко весть Господь путь праведных, и путь нечестивых погибнет.

Псалом Давиду, 2

¹Вскую шаташася языцы, и людие поучишася тщетным? ²Предсташа цари земстии, и князи собрашася вкупе на Господа и на Христа Его. ³Расторгнем узы

их и отвёржем от нас йго их. ⁴Живый на Небесех посмеётся им, и Господь поругается им. ⁵Тогда возглаголет к ним гневом Своим и яростию Своєю смятёт я. ⁶Аз же поставлен есмь Царь от Него над Сионом, горюю святою Его, ⁷возвещаяй повеление Господне. Господь рече ко Мне: Сын Мой еси Ты, Аз днесь родих Тя. ⁸Проси от Мене, и дам Ти языки достояние Твое, и одержание Твое концы земли. ⁹Упасеши я жезлом железным, яко сосуды скудельничии сокрушиши я. ¹⁰И ныне, царие, ра-

зумейте, накажитесь вси судящие земли. ¹¹Работайте Господеви со страхом и радуйтесь Ему= с трепетом. ¹²Приимите наказание, да не когда прогневается Господь и погибнете от пути праведнаго, егда возгорится вскоре ярость Его. Блажени вси надёющиися Нань.

¹Псалом Давиду,
внегда отбегаше от лица
Авессалома, сына своего, 3

²Господи, что ся умножиша стужающие ми? Мнози востают на мя, ³мнози гложют души моей: несть спа-

сѣнія еմу в Бóзе егó. ⁴Ты же, Гóсподи, Застúпник мой есі, слава моя и возносьй главу мою. ⁵Гласом моім ко Гóсподу воззвах, и услыша мя от горы святыя Своея. ⁶Аз уснóх и спах, востах, яко Гóсподь застúпит мя. ⁷Не убоюся от тем людѣй, окрест нападающих на мя. ⁸Воскресні, Гóсподи, спасі мя, Бóже мой, яко Ты порази́л есі вся враждующыя ми всúе: зúбы грѣшников сокрушил есі. ⁹Гóсподне есть спасѣние, и на людех Твоих благословѣние Твоѣ.

Слава:

¹**В концѣ,**
в пѣснях, псалом Давиду, 4

²Внегда призвати ми, услыша мя Бог правды моея, в скорби распространил мя есі, ущедри мя и услыши молитву мою. ³Сынове чело́вечести, доколе тяжкосердци? Вскую любите суету и ищите лжи? ⁴И уведите, яко удиві́ Гóсподь преподобнаго Своегó: Гóсподь услышит мя, внегда воззвати ми к Нему. ⁵Гнѣвайтесь, и не согрѣшайте, яже глаголете в сердцах ваших, на ложах ваших умилітеся. ⁶Пожрите жѣртву правды и уповай-

те на Гóспода. ⁷Мно́зи глаго́лют: кто яви́т нам благáя? Зна́менася на нас свет лица́ Твоегó, Гóсподи. ⁸Дал еси́ весéлие в сéрдце моём: от плода́ пшени́цы, вина́ и елéа своего́ умно́жишася. ⁹В ми́ре вку́пе усну́ и почи́ю, я́ко Ты, Гóсподи, еди́наго на упова́нии всели́л мя еси́.

**¹О наслéдствующем,
псалóм Дави́ду, 5**

²Глаго́лы моя́ внуши́, Гóсподи, разумéй зва́ние моé. ³Вонми́ гла́су молéния моего́, Царю́ мой и Бóже мой, я́ко к Тебé помолю́-

ся, Гóсподи. ⁴Заўтра услы́ши глас мой, заўтра предста́ну Ти, и ўзриши мя. ⁵Я́ко Бог не хотя́й беззакóния, Ты еси́: не присели́тся к Тебé лука́внуяй, ⁶ниже́ пребу́дут беззакóнницы пред очима́ Твоима́: возненави́дел еси́ вся де́лающыя беззакóние. ⁷Погуби́ши вся глаго́лющыя лжу: му́жа кровей и льсти́ва гнуша́ется Госпо́дь. ⁸Аз же мно́жеством ми́лости Твоея́, вни́ду в дом Твой, поклоню́ся ко храму́ свято́му Твоему́, в стра́се Твоём. ⁹Гóсподи, наста́ви мя правдо́ю Твоею́, враг мои́х ра-

ди исправи пред Тобою путь мой. ¹⁰Яко несть во устех их истины, сердце их суетно, гроб отверст гортань их: языки своими льщаху. ¹¹Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. ¹²И да возвеселятся вси уповающие на Тя, во век возрадуются, и вселишися в них и похвалятся о Тебе любящие имя Твое. ¹³Яко Ты благословиши праведника, Господи: яко оружием благоволения венчал еси нас.

**¹В конец, в песнях о осмом,
псалом Давиду, 6**

²Господи, да не яростию Твоею обличиши мене, ниже гневом Твоим накажешо мене. ³Помилуй мя, Господи, яко немощен есмь, исцели мя, Господи, яко смятоса кости моя. ⁴И душа моя смятоса зело: и Ты, Господи, доколе? ⁵Обратися, Господи, избави душу мою: спаси мя ради милости Твоея. ⁶Яко несть в смерти поминаяй Тебе: во аде же кто исповестся Тебе? ⁷Утрудихся воздыханием моим, измыю на всяку ночь ложе мое, слезами моими пос-

тѣлю мою омочу. ⁸Смятѣся от ярости око мое, обетшах во всех вразѣх моих. ⁹Отступите от мене, вси дѣлающии беззаконие, яко услыша Господь глас плача моего: ¹⁰услыша Господь молѣние мое, Господь молитву мою прият. ¹¹Да постыдятся и смятутся вси врази мой, да возвратятся и устыдятся зело вскоре.

Слава:

¹Псалом Давиду, егѡже воспѣт Господеву о словесѣх Хусиевых, сына Иеменина, 7

²Господи Бѡже мой, на Тя уповах, спаси мя от всех го-

нящих мя и избави мя: ³да не когда похитит яко лев душу мою, не сущу избавляющу, ниже спасающу. ⁴Господи Бѡже мой, аще сотворих сие, аще есть неправда в руку мою, ⁵аще воздах воздающим ми зла, да отпаду убо от враг моих тощ. ⁶Да поженет убо враг душу мою и да постигнет, и поперет в землю живот мой, и славу мою в персть вселит. ⁷Воскресни, Господи, гнѣвом Твоим, вознесися в концах враг Твоих, и востани, Господи Бѡже мой, повелѣнием, имже заповѣдал еси. ⁸И сонм людѣй

обыдет Тя, и о том на высоту обратися. ⁹Господь судит людем: суди ми, Господи, по правде моей, и по незлобе моей на мя. ¹⁰Да скончается злоба грешных, и исправиши праведнаго, испытаяй сердца и утробы, Боже, праведно. ¹¹Помощь моя от Бога, спасающаго правыя сердцем. ¹²Бог — Судитель праведен и крепок, и долготерпелив, и не гнев наводяй на всяк день. ¹³Аще не обратитесь, оружие Свое очистит, лук Свой напряже и уготова и, ¹⁴и в нем уготова сосуды смертныя, стрелы Своя

стараемым содела. ¹⁵Се боле неправдою, зачат болезнь, и роди беззаконие: ¹⁶ров изры, и ископа и, и падет в яму, юже содела. ¹⁷Обратится болезнь его на главу его, и на верх его неправда его снидет. ¹⁸Исповемся Господеву по правде Его и пою имени Господа Вышняго.

**¹В концѣ, о точилех,
псалом Давиду, 8**

²Господи, Господь наш, яко чудно имя Твое по всей земли, яко взятся великолепие Твое превыше небес. ³Из уст младенец и ссущих

совершил еси хвалу, враг
Твоих ради, еже разрушити
врага и мѣстника. ⁴Яко уз-
рю небеса, дела перст Твоих,
луну и звезды, яже Ты осно-
вал еси. ⁵Что есть человек,
яко помниши его? Или сын
человѣчь, яко посещаети
его? ⁶Умалил еси его малым
чим от Ангел, славою и чѣс-
тию венчал еси его. ⁷И пос-
тавил еси его над дѣлы руку
Твоею, вся покорил еси под
нозе его. ⁸Овцы и волы вся,
еще же и скоты польскія,
⁹птицы небесныя, и рыбы
морскія, переходящыя стези
морскія. ¹⁰Господи, Господь

наш, яко чудно имя Твое по
всей земли.

Слава:

По 1-й кафисме:
Трисвятое, Пресвятая
Троице... Отче наш...

Тропари, глас 1: В беззакон-
ных зачався аз, блудный,
не дерзаю взирати на высоту
Небесную, но дерзая на чело-
веколюбие Твое, зову: Боже,
очисти мя, грешнаго, и спа-
си мя.

Аще праведник едва спаса-
ется, аз где явлюся, грешный?
Тяготы и зноя дневнаго

не понесóх, но с наёмники
единонадесятаго часа сопри-
чтí мя, Бóже, и спасí мя.

Слава: Объя́тия О́тча отвёр-
сти ми потщíся, блúдно моё
иждíх житíе, на богáтство
неиждивáемое взира́й щед-
ро́т Твои́х, Спа́се, ны́не об-
нищáвшее моё да не прёзри-
ши сёрдце. Тебé бо, Гóсподи,
умилéнием зовú: согрешíх на
Не́бо и пред Тобóю.

И ны́нѣ: Уповáние христи-
а́н, Пресвятáя Дéво, Егóже
родила́ еси́ Бóга па́че ума́ же
и сло́ва, непреста́нно моли
с гóрными сíлами да́ти ос-
тавлéние грехóв, нам всем

и исправление житíя, вé-
рою и любóвию прíсно Тя
чтúщим.

Гóсподи, помíлуй (40)

и моли́тва:

Влады́ко Вседержíтелю,
Непостижíме, нача́ло свé-
та и преумная сíло, И́же
Ипостáсного Сло́ва Оте́ц и
Единосíльного Твоегó Дúха
испустíтель: — милосёрдная
ради мíлости и неизречён-
ная бла́гости не презре́-
вый челове́ческаго естества́,
тьмо́ю грехá содержíмаго, но
Божéственными свéты свя-

щённых Твоих учений, законом и пророки светивый миру, последи же нам того Единородного Твоего Сына благоволивый плотию возсияти и ко осиянию нас Твоего просвещения наставить: да будут уши Твои внемлюще гласу моления нашего, и даруй нам, Боже, во бденном и трезвенном сердце всю настоящего жития ночь прейти, ожидающим пришествия Сына Твоего и Бога нашего, Судии всех, да не возлежаще и спяще, но бодрствующе и воздвижени в делание заповедей Твоих обрящем-

ся и в радость Его совнидем, идеже празднующих глас непрестанный, и неизреченная сладость зрящих Твоего лица доброту неизглаголанную. Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков, аминь.

v 7v

Кафисма вторая

**¹В конец, о тайных сына,
псалом Давиду, 9**

²Исповемся Тебе, Господи, всем сердцем моим, повем вся чудеса Твоя. ³Возвеселюсь и возрадуюся о Тебе, пою имени Твоему, Вышний. ⁴Внегда возвратится врагу моему вспять, изнемогут и погибнут от лица Твоего. ⁵Яко сотворил еси суд мой и прою мою, сел еси на Престоле, судяй

правду. ⁶Запретил еси языком, и погйбе нечестивый, имя его потребил еси в век и в век века. ⁷Врагу оскудеша оружия в конец, и грады разрушил еси, погйбе память его с шумом. ⁸И Господь во век пребывает, уготова на суд Престол Свой, ⁹и Той судити иматъ вселенней в правду, судити иматъ людем в правоте. ¹⁰И бысть Господь прибежище убогому, помощник во благовремениих, в скорбех. ¹¹И да уповают на Тя знающии имя Твое, яко не оставил еси взыскающих Тя, Господи. ¹²Пойте Господеви,

живущему в Сионе, возвестите во языцех начинания Его, ¹³яко взыска́яй кро́ви их помяну́, не забы́ зва́ния убо́гих. ¹⁴Помилуй мя, Го́споди, виждь смире́ние моё от враг мо́их, вознося́й мя от врат сме́ртных. ¹⁵Я́ко да возвещу́ вся хвалы́ Твоя́ во врата́х дщере Сио́ни, возра́дуемся о спасе́нии Твоём. ¹⁶Углебо́ша язы́цы в па́губе, ю́же сотвори́ша, в се́ти сей, ю́же скры́ша, увязе́ нога́ их. ¹⁷Зна́емь есть Го́сподь судьбы́ творя́й, в де́лах руку́ своею́ увязе́ грешник. ¹⁸Да возвратя́тся грешницы во ад, вси язы́цы за-

быва́ющи Бóга. ¹⁹Я́ко не до конца́ забвён бу́дет ни́щий, терпе́ние убо́гих не поги́бнет до конца́. ²⁰Воскресни́, Го́споди, да не кре́пится человек, да су́дятся язы́цы пред Тобо́ю. ²¹Поста́ви, Го́споди, законополо́жителя над ни́ми, да разуме́ют язы́цы, я́ко челове́цы суть. ²²Вскую́, Го́споди, отстоя́ далече́, презира́еши во благовре́мениих, в ско́рбех? ²³Внегда́ горди́тися нечестивому́, возгара́ется ни́щий, увязают в сове́тах, я́же помышля́ют. ²⁴Я́ко хвали́мь есть грешный в по́хотех души́ своея́, и оби́дйяй благослови́мь

есть. ²⁵Раздражи́ Го́спода грѣшный, по мно́жеству гнѣва своего́ не взы́щет, несть Бо́га пред ним. ²⁶Оскверня́ются пути́е его́ на всякое вре́мя, отъѣмлются судьбы́ Твоя́ от лица́ его́, все́ми враги́ свои́ми облада́ет. ²⁷Рече́ бо в се́рдце своем, не подви́жуся от ро́да в род без зла. ²⁸Его́же клятвы́ уста́ его́ по́лна суть, и го́рести и льсти, под язы́ком его́ труд и болѣзнь. ²⁹Присе́дит в лови́тельстве с богаты́ми в та́йных, е́же уби́ти непови́ннаго, о́чи его́ на ни́щаго призира́ете. ³⁰Лови́т в та́йне, я́ко лев во огра́де своей,

лови́т, е́же восхитити ни́щаго, восхитити ни́щаго, внегда́ привлещи́ и в се́ти своей. ³¹Смирит́ его́, прекло́нится и паде́т, внегда́ ему́ облада́ти убо́гими. ³²Рече́ бо в се́рдце своем: забы́ Бог, отврати́ лице́ Своё, да не ви́дит до конца́. ³³Воскресни́, Го́споди Бо́же мой, да вознесѣтся рука́ Твоя́, не забуди́ убо́гих Твои́х до конца́. ³⁴Чесó ра́ди прогнѣва́ нечестивы́й Бо́га? Рече́ бо в се́рдце своем: не взы́щет. ³⁵Ви́диши, я́ко Ты болѣзнь и я́рость сматря́еши, да пре́дан бу́дет в руже́ Твои́, Тебе́ оставленъ е́сть ни́щий, си́ру Ты бу́ди

Помощник. ³⁶Сокруши́ мышцу грешному и лукавому, взыщется грех его́ и не обрящется. ³⁷Господь — Царь во век и в век века, погибнете языцы от земли́ Его́. ³⁸Желание убогих услышал еси́, Господи, уготованию сердца их внят ухо Твое́. ³⁹Суди́ сиру и смирену, да не приложит ктому́ величаться человек на земли́.

В конец, псалом Давиду, 10

¹На Господа упова́х, како речете души́ мое́й: превитай по горам, яко птица? ²Яко се грешницы наляко́ша лук, уготоваша стрелы в ту-

ле, состреля́ти во мраце правья сердцем. ³Зане́ яже Ты совершил еси́, они́ разруши́ша, праведник же что сотвори́? Господь во храме святем Своем. ⁴Господь, на Небеси́ Престол Его́, очи Его́ на нищаго призира́ете, вежди Его́ испытáете сыны́ человеческия. ⁵Господь испытáет праведнаго и нечестиваго, любя́й же неправду ненавидит свою́ ду́шу. ⁶Одождит на грешники се́ти, огонь и жупел, и дух буре́н часть чаши их. ⁷Яко праведен Господь, и правды возлюбí, правоты́ ви́де лице́ Его́.

Слава:

**¹В концѣ,
о осмѣй, псалом Давиду, 11**

²Спаси́ мя, Гóсподи, яко оскудѣ преподóбный, яко умáлишася и́стины от сынóв человéческих. ³Сúетная глагóла кийждо ко и́скреннему своему́, устнѣ льстíвыя в сѣрдце, и в сѣрдце глагóлаша злáя. ⁴Потребíт Господь вся устнѣ льстíвыя, языкъ велерéчивый, ⁵рѣкшыя: языкъ наш возвеличим, устнѣ наша при нас суть, кто нам Господь есть? ⁶Страсти ради́ нищих и воздыхáния убóгих ныне воскресnú, глагóлет Господь, положúся во спасéние, не

обиню́ся о нем. ⁷Словеса́ Господня — словеса́ чíста, сребро́ разжжéно, искушéно землѣ, очищéно седмерицею. ⁸Ты, Гóсподи, сохрани́ши ны и соблюдѣши ны от рóда сегó и во век. ⁹Óкрест нечестíвии ходят, по высотѣ Твоѣй умно́жил еси́ сыны́ человéческия.

¹В концѣ, псалом Давиду, 12

²Докóле, Гóсподи, забудеши мя до концá? Докóле отвращáеши лице́ Твоѣ от менé? ³Докóле положú совѣты в душѣ моѣй, болéзни в сѣрдце моёмъ день и ночь? Докóле вознесётсá враг мой

на мя? ⁴Призри, услыши мя, Господи Боже мой, просвети очи мои, ⁵да не когда усну в смерть, да не когда речёт враг мой, укрепихся на него. ⁶Стужающие ми возрадуются, аще подвижуся. ⁷Аз же на милость Твою уповах, возрадуется сердце моё о спасении Твоём, воспою Господеви, благодéявшему мне, и пою имени Господа Вышняго.

В конéц, псалóм Давíду, 13

¹Речé безúмен в сéрдце своём: несть Бог. Раствлéша и омерзíшася в начинáниих: несть творяй благостýню.

²Госпóдь с Небесé принíче на сыны человекéския, видети, аще есть разумева́яй или́ взыска́яй Бóга. ³Вси уклонíшася, вку́пе неключíми бы́ша: несть творяй благостýню, несть до едíнаго. ⁴Ни ли уразуме́ют вси дéлающие беззакóние, снадáющие люди́ моя в снeдь хлéба? Госпóда не призвáша. ⁵Тáмо убоя́шася стра́ха, идéже не бе страх, я́ко Госпóдь в рóде праведных. ⁶Совет нíшаго посрамíсте, Госпóдь же упováние его́ есть. ⁷Кто даст от Сиóна спасéние Израíлево? ⁸Внегда́ возвратíт Госпóдь пленéние людéй

Своих, возрадуется Иаков, и
возвеселится Израиль.

Слава:

В концѣ, псалом Давиду, 14

¹Господи, кто обитает в жилищи Твоём? Или кто вселится во святую гору Твою?
²Ходяй непорочен и делающий правду, глаголяй истину в сердце своём. ³Иже не ульсти языком своим и не сотвори искреннему своему зла, и поношения не прият на ближния своя. ⁴Уничженъ есть пред ним лукавнуй, боящя же ся Господа славит, кленыйся искреннему своему и

не отменяяся. ⁵Сребра своего не даде в лихву и мзды на неповинных не прият. Творяй сия не подвижится во век.

Столпописание Давиду, 15

¹Сохрани мя, Господи, яко на Тя уповах. ²Рех Господеви: Господь мой еси Ты, яко благих моих не требуеши. ³Святым, иже суть на земли Его, удивил Господь вся хотения Своя в них. ⁴Умножишася немощи их, по сих ускориша: не соберу соборы их от кровей, ни помяну же имен их устнама моима. ⁵Господь — часть достояния моего и чаши

моея, Ты еси устраяяй достояние мое мне. ⁶Ужа нападóша ми в держáвных моих, íбо достояние мое держáвно есть мне. ⁷Благословлю Гóспода, вразумívшаго мя, ещё же и до нóщи наказáша мя утрóбы моя. ⁸Предзрѣх Гóспода предó мною вѣну, яко одеснóю менé есть, да не подвижуся. ⁹Сегó ради возвеселись сѣрдце мое, и возрадовася язык мой, ещё же и плоть моя вселится на уповáнии. ¹⁰Яко не оставиши дóшу мою во áде, ниже дáси преподóбному Твоему видети ислѣния. ¹¹Сказáл ми еси пути животá,

исполниши мя весѣлия с лицем Твоим, красотá в деснице Твоей в конѣц.

Моли́тва Дави́ду, 16

¹Услыши, Гóсподи, правду мою, вонми молѣнию моему, внуши молитву мою не во устнах льстивых. ²От лица Твоего судьба моя изыдет, очи мои да видита правоты. ³Искусил еси сѣрдце мое, посетил еси нóщию, искусил мя еси, и не обрѣтеся во мне неправда. ⁴Яко да не возглаголют уста моя дел человеческих, за словеса устен Твоих аз сохраних пути жестоки.

⁵Соверши́ стопы́ моя во сте-
зя́х Твои́х, да не подвѣжуются
стопы́ моя. ⁶Аз воззва́х, яко
услы́шал мя еси́, Бо́же, при-
клоні́ у́хо Твое́ мне и услы́ши
глаго́лы моя. ⁷Удиві́ мѣлости
Твоя́, спаса́яя упова́ющыя на
Тя от протѣвлящихся десни́це
Твое́й. ⁸Сохрані́ мя, Го́споди,
яко зе́ницу о́ка, в кро́ве кри-
лу́ Твое́ю покрѣеши мя. ⁹От
лица́ нечестѣвых остра́ст-
ших мя, врази́ мой ду́шу мою́
одержаша. ¹⁰Тук свой затво-
ри́ша, уста́ их глаго́лаша гор-
ды́ню. ¹¹Изгоня́щи мя ны́не
обыдо́ша мя, о́чи свой воз-
ложи́ша уклоні́ти на зе́млю.

¹²Объя́ша мя яко лев гото́в
на лов и яко скі́мен обита́-
яй в та́йных. ¹³Воскресни́,
Го́споди, предвари́ я́ и зап-
ни́ им, изба́ви ду́шу мою́ от
нечестѣваго, ору́жие Твое́ от
враг ру́ки Твоея́. ¹⁴Го́споди,
от ма́лых от землі́, разделі́ я́
в животé их, и сокровенных
Твои́х исполнися чре́во их,
насы́тишася сынóв, и оста́ви-
ша оста́нки младенцем сво-
и́м. ¹⁵Аз же правдо́ю явлю́ся
лицу́ Твоему́, насы́щуся, вне-
гда́ явити́ ми ся сла́ве Твое́й.

Сла́ва:

По 2-й кафисме:

Трисвятоѣ. Пресвятаяѣ
Троице... Отче наш...

Тропари, глас 2: Аз сый древо неплодное, Господи, умиления плода не ношу отнюд и посечения страшуся, и огня онаго боюся негасимаго. Темже Тя молю: прежде оныя нужды обрати и спаси мя.

Яко волны морския, на мя восташа беззакония моя, яко кораблец в пучине, аз един обуреваюся от прегрешений многих, но в тихое пристанище настави мя, Господи, покайнием и спаси мя.

Слава: Помилуй мя, рече Давид, и аз Тебе зову: согрешших, Спасе, грехи моя очисти покайнием, помилуй мя.

И ныне: Предстательство теплого христиана, Сына Твоего моли, Богородице, всякаго злодействия и лютоги избавити нас ратника, и дати прощение нам, о нихже согрешихом, милосердия ради щедрот, Твоими молитвами, Мати Дево.

Господи, помилуй (40)

и молитва:

Владыко Вседержителю, Отче Господа нашего Иисуса

Христá, Единорóднаго Твое-
гó Сына, даждь ми тѣло не-
сквѣрное, сѣрдце чѣстное, ум
бодр, рáзум незаблúдный,
Дúха Святаго нашѣствие, к
стяжáнию и доволъству йсти-
ны во Христѣ Твоём: с Нѣмже
Тебѣ слава подобáет, честь
и поклонѣние, со Святы́м
Дúхом, ны́не и прѣсно, и во
вѣки векóв, амѣнь.

∨ 7∨

Кафисма третья

**¹В концѣ, óтроку Госпóдню
Давѣду, яже глагола Гóсподеви
словеса пѣсни сея, в день, вóньже
избáви егó Госпóдь от руки всех
враг егó, и из руки Саули,
и речѣ: 17**

**²Возлюблю́ Тя, Гóсподи,
крѣпосте моя. ³Госпóдь ут-
верждѣние моѣ и прибѣжи-
ще моѣ, и Избáвитель мой,
Бог мой, Помóщник мой, и
уповаю на Негó, Защи́титель**

крышася основанія вселенныя, от запрещенія Твоего, Господи, от дохновения духа гнева Твоего. ¹⁷ Низпосла с высоты, и прият мя, восприят мя от вод многих. ¹⁸ Избавит мя от врагов моих сильных и от ненавидящих мя, яко утвердишася паче мене. ¹⁹ Предваривша мя в день озлобления моего, и бысть Господь утверждение мое. ²⁰ И изведе мя на широту, избавит мя, яко восхотел мя. ²¹ И воздаст ми Господь по правде моей и по чистоте руку мою воздаст ми. ²² Яко сохраних пути Господни и

не нечествовах от Бога моего. ²³ Яко вся судьбы Его предо мною и оправдания Его не отступивша от мене. ²⁴ И буду непорочен с Ним, и сохранюся от беззакония моего. ²⁵ И воздаст ми Господь по правде моей и по чистоте руку мою пред очима Его. ²⁶ С преподобным преподобен будеши, и с мужем непорочным непорочен будеши, ²⁷ и со избранным избран будеши, и со строптивым развратиши. ²⁸ Яко Ты люди смиренные спасеши и очи гордых смириши. ²⁹ Яко Ты просветиши светильник мой,

Господи Боже мой, просветиши тму мою. ³⁰Яко Тобою избавлюся от искушения и Богом моим преяду стену. ³¹Бог мой, непорочен путь Его, словеса Господня разжжена, Защититель есть всех уповающих на Него. ³²Яко кто бог, разве Господа? Или кто бог, разве Бога нашего? ³³Бог препоясуяй мя силою, и положи непорочен путь мой. ³⁴Совершаяй нозе мой, яко елени, и на высоких поставляяй мя. ³⁵Научаяй рuce мой на брань, и положил еси лук медян мышца моя. ³⁶И дал ми еси защищение спасения, и

десница Твоя восприят мя, и наказание Твое исправит мя в конец, и наказание Твое то мя научит. ³⁷Уширил еси стопы моя подо мною, и не изнемогосте плесне мои. ³⁸Пожену враги моя, и постигну я, и не возвращуся, дондеже скончаются. ³⁹Оскорблю их, и не возмогут стати, падут под ногама мойма. ⁴⁰И препоясал мя еси силою на брань, спял еси вся востающыя на мя под мя. ⁴¹И врагов моих дал ми еси хребет, и ненавидящыя мя потребил еси. ⁴²Воззваша, и не бе спасаая: ко Господу, и не услыша их. ⁴³И истню

я́ яко прах пред лицём вѣтра, яко брѣние путѣй поглажду́ я́. ⁴⁴Избáвиши мя от пререкáния людѣй, поста́виши мя во главú языков. Людие, ихже не вѣдех, работаша ми. ⁴⁵В слух уха послушаша мя. Сынове чуждїи солгáша ми. ⁴⁶Сынове чуждїи обетшáша и охромóша от стезь своих. ⁴⁷Жив Господь, и благословѣн Бог, и да вознесѣтся Бог спасѣния моего. ⁴⁸Бог дай мнѣ отмщѣние мне и покоривый люди под мя. ⁴⁹Избáвитель мой от враг моих гневливых, от востающих на мя вознесѣши мя, от мужа неправед-

на избáвиши мя. ⁵⁰Сего́ ради исповѣмся Тебѣ во языцех, Господи, и имени Твоему́ пою: ⁵¹величáяй спасѣния царева, и творяй мѣлость христу́ Своему́ Давиду, и семени его́ до вѣка.

Слава:

**¹В концѣ,
псалом Давиду, 18**

²Небесá повѣдают славу Божію, творѣние же руку́ Его́ возвѣщает твердь. ³День дни отрыгáет глагол, и ночь но́щи возвѣщает разум. ⁴Не суть рѣчи, ниже словеса́, ихже не слышатся гла́си их. ⁵Во

всю зѣмлю изыде вещание их
и в концѣ вселенныя глаголы их. В солнце положи селение
Свое, ⁶и Той, яко Жених
исходяй от чертога Своего,
возрадуется, яко Исполн
тещи путь. ⁷От края небес
исход Его, и сретение Его до
края небес, и несть иже ук
рыется теплоты Его. ⁸Закон
Господень непорочен, об
ращаяй души, свидетельство
Господне верно, умудряю
щее младенцы. ⁹Оправдания
Господня права, веселящая
сердце, заповедь Господня
светла, просвещающая очи.
¹⁰Страх Господень чист, пре-

бываяй в век века: судьбы
Господни истинны, оправда
ны вкупе, ¹¹вожеленны паче
злата и камене честна многа
и слаждша паче меда и сота.
¹²Ибо раб Твой хранит я, вне
гда сохранить я, воздаяние
многое. ¹³Грехопадения кто ра
зумеет? От тайных моих оч
исти мя, ¹⁴и от чуждых пошад
раба Твоего, аще не облада
ют мною, тогда непорочен б
ду и очышуся от греха вели
ка. ¹⁵И будут во благоволение
словеса уст моих, и поучение
сердца моего пред Тобою
вину, Господи, Помощниче мой
и Избавителю мой.

**¹В концѣ,
псалом Давиду, 19**

²Услышит тя Господь в день печали, защитит тя имя Бога Иаковля. ³Послет ти помощь от Святаго и от Сиона заступит тя. ⁴Помянет всяку жертву твою, и всесожжение твое тучно буди. ⁵Даст ти Господь по сердцу твоему и весь совет твой исполнит. ⁶Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. ⁷Ныне познах, яко спасе Господь Христа Своего, услышит его с Небесё Святаго Своего, в

силах спасение десницы Его. ⁸Сии на колесницах, и сии на конех, мы же во имя Господа Бога нашего призовём. ⁹Тии спяти быша и падоша, мы же востяхом и исправихомся. ¹⁰Господи, спаси царя и услыши ны, воньже аще день призовём Тя.

¹Псалом Давиду, 20

²Господи, силою Твоею возвеселится царь и о спасении Твоём возрадуется зело. ³Желание сердца его дал еси ему, и хотения устну его неси лишил его. ⁴Яко предварил еси его благословением

благосты́нным, положи́л еси́ на главѣ егѡ венѣц от ка́мене чѣстна. ⁵Животá проси́л есть у Тебѣ, и дал еси́ ему́ долготу́ дний во век вѣка. ⁶Вѣлія сла́ва егѡ спасѣнием Твои́м, сла́ву и велелѣпие возложи́ши на него́. ⁷Яко да́си ему́ благословѣние во век вѣка, возвесели́ши егѡ радостію с лицѣм Твои́м. ⁸Яко царь упова́ет на Го́спода, и мѣлостію Вы́шняго не подви́жится. ⁹Да обря́щется рука́ Твоя́ всем врагѡм Твои́м, десни́ца Твоя́ да обря́щет вся ненави́дящія Тебѣ. ¹⁰Яко положи́ши их яко пещь о́гненную во вре́мя лица́ Твоегѡ, Го́сподь

гнѣвом Свои́м смятѣт я́, и снесть их огонь. ¹¹Плод их от земли́ погуби́ши, и се́мя их от сынѡв челове́ческих. ¹²Яко ук-лони́ша на Тя злáя, помы́слиша совѣты, ихже не возмо́гут соста́вити. ¹³Яко положи́ши я́ хребѣт, во избы́тцех Твои́х уго́товиши лице́ их. ¹⁴Вознеси́ся, Го́споди, си́лою Твоею́, воспоём и поём си́лы Твоя́.

Слава:

**¹В концѣ, о заступлѣнии
утреннем, псалом Давиду, 21**

²Бо́же, Бо́же мой, вонми́ ми, вску́ю оста́вил мя еси́? Далече́ от спасѣния мое-

гó словеса́ грехопадéний мо-
их. ³Бóже мой, воззову́ во
дни, и не услы́шиши, и в но-
щí, и не в безúмие мне. ⁴Ты
же во Святéм живéши, хвалó
Изра́илева. ⁵На Тя уповáша
отцы́ нáши, уповáша и из-
бáвил еси́ я́. ⁶К Тебé воззвá-
ша, и спасóшася, на Тя упо-
вáша, и не постыдéшася. ⁷Аз
же есмь червь, а не человек,
поношéние человекóв и уни-
чижéние людéй. ⁸Вси видя-
щии мя поругáша ми ся, гла-
голаша устнáми, покивáша
главóю: ⁹уповá на Гóспода,
да избáвит егó, да спасёт егó,
я́ко хóщет егó. ¹⁰Я́ко Ты еси́

истóргий мя из чрéва, уповá-
ние моé от сосцú мáтере мо-
ея́. ¹¹К Тебé привёржен есмь
от ложесн, от чрéва мáте-
ре моея́ Бог мой еси́ Ты. ¹²Да
не отстúпиши от менé, я́ко
скорбь близ, я́ко несть по-
могáяй ми. ¹³Обыдóша мя
тельцы́ мнóзи, юнцы́ тóчнии
одержáша мя. ¹⁴Отверзóша
на мя уста́ своя́, я́ко лев вос-
хищáяй и рыкáяй. ¹⁵Я́ко водá
излияхся, и разсы́пашася вся
кóсти моя́, бысть сёрдце моé
я́ко воск, тáяй посередé чрéва
моегó. ¹⁶И́зсше я́ко скудэль
крéпость моя́, и язык мой
прильпé гортáни моему́, и в

персть смёрти свел мя еси.
¹⁷Яко обыдо́ша мя пси мно́зи, сонм лука́вых одержа́ша мя, ископа́ша рúце мой и но́зе мой. ¹⁸Исчето́ша вся ко́сти моя, тii же смотре́ша и презре́ша мя. ¹⁹Раздели́ша рiзы моя себе́, и о оде́жди мое́й мета́ша жре́бий. ²⁰Ты же, Го́споди, не удали́ по́мощь Твою́ от мене́, на заступле́ние моё вонми́. ²¹Изба́ви от ору́жия ду́шу мою́, и из ру́ки пёсии единоро́дную мою́. ²²Спаси́ мя от уст льво́вых и от рог единоро́жь смире́ние моё. ²³Пове́м iмя Твое́ бра́тии мое́й, посреде́ церк-

ве воспую́ Тя. ²⁴Бо́ящиися Го́спода, восхвалите́ Его́, все се́мя Иа́ковле, просла́вите Его́, да убойт́ся же от Него́ все се́мя Изра́илево. ²⁵Яко не уничи́жи, ниже́ негодова́ моли́твы ни́щаго, ниже́ отврати́ лице́ Своё от мене́, и егда́ воззва́х к Немú, услы́ша мя. ²⁶От Тебе́ похвала́ моя́, в це́ркви вели́цей испове́мся Тебе́, моли́твы моя́ возда́м пред бо́ящимися Его́. ²⁷Ядýт убо́зии и насы́тятся, и восхва́лят Го́спода взыска́ющии Его́, жива́ бóдут сердца́ их в век ве́ка. ²⁸Помяну́тся и обратя́тся ко Го́споду вси кон-

ці землі, и поклóняться пред Ним вся отéчества язык. ²⁹Яко Госпóдне есть цáрствие, и Той обладаёт языки. ³⁰Ядоша и поклонішася вси тóчнии землі, пред Ним припадóт вси низходящіи в зéмлю, и душá моя Томú живёт. ³¹И сéмя моё поработáет Емú, возвестіт Гóсподеви род грядúщий. ³²И возвестят правду Егó людем рóждшымся, яже сотвори Госпóдь.

Псалóm Давіду, 22

¹Госпóдь пасёт мя, и ничтóже мя лишіт. ²На мéсте злáчне, тамó вселі мя, на

водé покóйне воспитá мя. ³Дúшу моюó обрати, настáви мя на стезі правды, імене рáди Своегó. ⁴Аще бо и пойду́ посреде́ сени смёртныя, не убою́ся зла, яко Ты со мною еси́, жезл Твой и пáлица Тво́я, та мя утэшиста. ⁵Уготóвал еси́ предó мною трапéзу сопротів стужáющим мне, умастил еси́ елём главú мою, и чáша Тво́я упоывáючи мя, яко держáвна. ⁶И мілость Тво́я поженёт мя вся дни животá моего, и ёже вселіти ми ся в дом Госпóдень, в долготу́ дней.

**Псалом Давиду,
единыя от суббот, 23**

¹Господня земля, и исполнение ея, вселенная и вси живущии на ней. ²Той на морях основал ю есть, и на реках уготовал ю есть. ³Кто взыдет на гору Господню? Или кто станет на месте святем Его? ⁴Неповинен руками и чист сердцем, иже не прият всеу душу свою, и не клятса лестию искреннему своему. ⁵Сей примет благословение от Господа, и милостыню от Бога, Спаса своего. ⁶Сей род ищущих Господа, ищущих лице Бога Иаковля. ⁷Возмите

врата князи ваша, и возмיתесь врата вечная, и внидет Царь славы. ⁸Кто есть сей Царь славы? Господь крепок и силен, Господь силен в брани. ⁹Возмите врата князи ваша, и возмיתесь врата вечная, и внидет Царь славы. ¹⁰Кто есть сей Царь славы? Господь сил, Той есть Царь славы.

Слава:

По 3-й кафисме:
Трисвятое. Пресвятая
Троице... Отче наш...

*Таже тропари, глас 3: Жи-
вущи на земли, душе моя,*

покайся: персть во гробе не поёт, прегрешений не избавляет. Возопий Христу́ Бо́гу: Сердцеведче, согреших, прежде да́же не осудиши мя, помилуй мя.

Докóле, душе́ моя, пребываеши в прегрешениях? Докóле приёмлещи покаяния преложение? Приими во умé суд грядущий и возопий Гóсподу: Сердцеведче, согреших, прежде да́же не осудиши мя, помилуй мя.

Слава: На Страшном судиши без оглагольников обличаюся, без свидетелей

осуждаюся, кни́ги бо сове́стные разгибаются, и дела́ сокровенная открыва́ются. Пре́жде не́же во о́ном всенаро́дном позóрищи имаши испытáти, я́же мно́ю соде́янная, Бо́же, очисти мя и спаси́ мя.

И ныне: Недоразумевáемое и непостижímое есть, Влады́чице Богоблагодáтная, соде́янное о Тебé страшное та́инство: Необъёмлемаго бо, зачénши, родила́ еси́, плóтию обложеннаго от чистых кровей Твоих: Егóже, Чистая, я́ко Сы́на Твоего́, моли́ спасти́ вся пою́щая Тя.

Господи, помилуй (40)

и молитва:

Господи Вседержителю, Слове Пребезначальнаго Отца, самосовершенный Боже Иисусе Христе, милосердия ради безприкладнаго милости Твоея, никакоже разлучаяйся Твоих рабов, но присно в них почиваяй, не остави мя, раба Твоего, Всесвятый Царю, но даждь мне, недостойному, радование спасения Твоего и просвети мой ум светом познания Евангелия Твоего, душу мою любовью Креста Твоего обяжи, тело же мое

Твоим безстрастием украси, мысли умири и нозе мой сохрани от поползновения, и не погуби мя со беззаконными моими, благий Господи, но искуси мя, Боже, и вразуми сердце мое, испытай мя и увеждь стези моя, и увеждь, аще путь беззакония во мне, и отврати от него, и настави мя на путь вечен. Ты бо еси Путь, и Истина, и Живот, и Тебе славу возсылаем со Безначальным Твоим Отцем и Пресвятым, и Благим, и Животворящим Духом ныне и присно и во веки веков, аминь.

Кафисма четвёртая

Псалом Давиду, 24

¹К Тебѣ, Господи, воздвигох душу мою, Бóже мой, на Тя уповах, да не постыжуся во век, ниже да посмеют ми ся врази мой, ²ибо вси терпящии Тя не постыдятся. ³Да постыдятся беззаконующии вотще. ⁴Пути Твоя, Господи, скажи ми, и стезям Твоим научи мя. ⁵Настави мя на истину Твою, и научи мя, яко Ты еси

Бог Спас мой, и Тебѣ терпѣх весь день. ⁶Помяни щедроты Твоя, Господи, и милости Твоя, яко от века суть. ⁷Грех юности моея, и неведения моего не помяни, по милости Твоей помяни мя Ты, ради благаго Твоея, Господи. ⁸Благ и прав Господь, сего ради законоположит согрешающим на пути. ⁹Наставит краткия на суд, научит краткия путем Своим. ¹⁰Вси пути Господни милость и истина, взыскающим завета Его, и свидения Его. ¹¹Ради имени Твоего, Господи, и очисти грех мой, мног бо есть. ¹²Кто

есть человек бояйся Господа? Законоположит ему на пути, егоче изволи. ¹³Душа его во благих водворится, и семя его наследит землю. ¹⁴Держава Господь боящихся Его, и завет Его явит им. ¹⁵Очи мои вину ко Господу, яко Той исторгнет от сети нозе мой. ¹⁶Призри на мя и помилуй мя, яко единород и нищ есмь аз. ¹⁷Скорби сердца моего умножишася, от нужд моих изведи мя. ¹⁸Виждь смирение мое, и труд мой, и остави вся грехи моя. ¹⁹Виждь враги моя, яко умножишася, и ненавиждением неправедным возне-

навидеша мя. ²⁰Сохрани душу мою, и избави мя, да не постыжуся, яко уповах на Тя. ²¹Незлюбивии и правии прилепляхуся мне, яко потерпех Тя, Господи. ²²Избави, Боже, Израиля от всех скорбей его.

Псалом Давиду, 25

¹Суди ми, Господи, яко аз незлобою моею ходих, и на Господа уповая, не изнемогу. ²Искусй мя, Господи, и испытай мя, разжзи утробы моя и сердце мое. ³Яко милость Твоя пред очима моима есть, и благоугодих во истине Твоей. ⁴Не седох с

сонмом суетным, и со законопреступными не вниду. ⁵Возненавидех церковь лукавнующих, и с нечестивыми не сяду. ⁶Умыю в неповинных руже мой, и обыду жертвенник Твой, Господи. ⁷Еже услышати ми глас хвалы Твоея, и поведати вся чудеса Твоя. ⁸Господи, возлюбих благолепие дому Твоего и место селения славы Твоея. ⁹Да не погубиши с нечестивыми душу мою, и с мужи кровей живот мой. ¹⁰Ихже в руку беззакония, десница их исполнися мзды. ¹¹Аз же незлобою моею ходих, избави мя, Господи, и

помилуй мя. ¹²Нога моя ста на правоте: в церквах благословлю Тя, Господи.

**Псалом Давиду,
прежде помазания, 26**

¹Господь просвещение мое и Спаситель мой, кого убоюся? Господь Защититель живота моего, от кого устрашуся? ²Внегда приближатися на мя злобующим, еже снести плоти моя, оскорбляющи мя, и врази мой, тии изнемогаюша и падоша. ³Аще ополчится на мя полк, не убоится сердце мое, аще востанет на мя брань, на Него аз уповаю.

⁴Едино просих от Господа, то взыщу: еже жити ми в дому Господни вся дни живота моего, зрети ми красоту Господню и посещати храм святыи Его. ⁵Яко скры мя в селении Своём в день зол моих, покры мя в тайне селения Своего, на камень вознесе мя. ⁶И ныне се вознесе главу мою на враги моя: обыдох и пожрох в селении Его жертву хваления и воскликновения, пою и воспую Господеви. ⁷Услыши, Господи, глас мой, имже воззвах: помилуй мя и услыши мя. ⁸Тебе рече сердце мое, Господа взыщу. Взыска

Тебе лице мое, лица Твоего, Господи, взыщу. ⁹Не отврати лица Твоего от мене и не уклонися гневом от раба Твоего: помощник мой буди, не отрини мене, и не остави мене, Боже Спасителю мой. ¹⁰Яко отец мой и матери моя остависта мя, Господь же восприят мя. ¹¹Законоположи ми, Господи, в пути Твоём и настави мя на стезю правую враг моих ради. ¹²Не предаждь мене в души стужающих ми, яко восташа на мя свидетеле неправеднии и солга неправда себе. ¹³Верую видети благая Господня на

землі живых. ¹⁴Потерпі Гóспода, мужайся и да крепітся сёрдце твоё, и потерпі Гóспода.

Слава:

Псалом Давіду, 27

¹К Тебё, Гóсподи, воззову, Бóже мой, да не премолчіши от менё, да не когда премолчіши от менё: и уподоблюся низходящым в ров. ²Услыши, Гóсподи, глас молёния моего, вневгда моліти ми ся к Тебё, вневгда воздети ми рúце мой ко храму святому Твоему. ³Не привлёцы менё со грёшники и с дёлающими неправду не

погуби менё, глаголющими мир с ближними своими, злая же в сердцах своих. ⁴Даждь им, Гóсподи, по делом их, и по лукавству начинаний их: по делом руку их даждь им: воздаждь воздаяние их им. ⁵Яко не разумёша в дела Господня и в дела руку Его: разориши я, и не созиждёши я. ⁶Благословён Господь, яко услыша глас молёния моего. ⁷Господь Помощник мой, и Защититель мой: на Него уповá сёрдце моё, и помóже ми, и процветё плоть моя, и волею мою исповёмся Ему. ⁸Господь — утверждёние лю-

дѣй Свои́х, и Защи́титель спасе́ний христа́ Своего́ есть.
 9Спаси́ люди Твоя́ и благо-
 слови́ достоя́ние Твое́, и упаси́ я́, и возми́ я́ до ве́ка.

**Псаломъ Дави́ду,
 исхо́да ски́нии, 28**

¹Принесите́ Го́сподеви, сы́нове Бо́жию, принесите́ Го́сподеви, сы́ны о́вни, принесите́ Го́сподеви сла́ву и честь.
²Принесите́ Го́сподеви сла́ву и́мени Его́, поклоните́ся Го́сподеви во дво́ре святе́м Его́.
³Глас Го́споде́нь на вода́х, Бог сла́вы возгреме́, Го́споде́нь на вода́х мно́гих.
⁴Глас Гос-

по́де́нь в кре́пости, глас Го́споде́нь в великолѣ́пии.
⁵Глас Го́спода, сокруша́ющаго ке́дры, и стры́ет Го́споде́нь ке́дры Лива́нскія: ⁶и истни́тъ я́ко тельца́ Лива́нска, и возлюбленны́й я́ко сын единоро́жь.
⁷Глас Го́спода, пресеца́ющаго пла́мень огня.
⁸Глас Го́спода, стряса́ющаго пусты́ню, и стрясе́тъ Го́споде́нь пусты́ню Ка́ддийскую.
⁹Глас Го́споде́нь сверша́ющій елѣ́ни, и откри́ет дубра́вы, и в хра́ме Его́ вся́кий глаго́лет сла́ву.
¹⁰Го́споде́нь потопъ насе́ляет, и сядет Го́споде́нь Царь в век.
¹¹Го́споде́нь кре́пость лю́дем

Своім даст, Господь благословит люди Своя миром.

**¹Псалом пѣсни,
обновлѣния дому Давидова, 29**

²Вознесу Тя, Господи, яко подъял мя еси, и не возвеселил еси врагов моих о мне. ³Господи Боже мой, воззвах к Тебе, и исцелил мя еси. ⁴Господи, возвел еси от ада душу мою, спасл мя еси от низходящих в ров. ⁵Пойте Господеву, преподобнии Его, и исповедайте память святыхни Его. ⁶Яко гнев в ярости Его, и живот в воли Его: вечер водворится плачь, и за-

утра радость. ⁷Аз же рех во обилии моем: не подвижуся во век. ⁸Господи, волею Твоею подаждь доброте моей силу. Отвратил же еси лице Твое, и бых смущен. ⁹К Тебе, Господи, воззову, и к Богу моему помолюся. ¹⁰Какая польза в крови моей, вегда сходити ми во истление? Еда исповестся Тебе персть, или возвестит истину Твою? ¹¹Слыша Господь и помилова мя: Господь бысть Помощник мой. ¹²Обратил еси плачь мой в радость мне: растерзал еси ретище мое, и препоясал мя еси веселием. ¹³Яко да воспо-

ёт Тебѣ слава моя, и не умилюся: Господи Бóже мой, во век исповѣмся Тебѣ.

Слава:

**¹В концѣ, псалом Давиду,
изступлѣния, 30**

²На Тя, Господи, уповахъ, да не постыжуся во век: правдою Твоею избави мя и изми мя. ³Приклони ко мне ухо Твое, ускори изъяти мя, буди ми в Бóга Защитителя, и в дом прибежища, еже спасти мя. ⁴Яко держава моя и прибежище моѣ еси Ты, и имене Твоего ради наставиши мя, и препитаеши мя. ⁵Изведеши

мя от сѣти сея, юже скрѣша ми, яко Ты еси Защититель мой, Господи. ⁶В руке Твоей предложу дух мой: избавил мя еси, Господи Бóже истины. ⁷Возненавидел еси хранящия суеты вотще: аз же на Господа уповахъ. ⁸Возрадуюся и возвеселюся о милости Твоей, яко призрел еси на смирение моѣ, спасл еси от нужд душу мою, ⁹и неси мене затворил в рукахъ вражиихъ, поставил еси на простране нозе мой. ¹⁰Помилуй мя, Господи, яко скорблю: смятѣся яростию око моѣ, душа моя и утроба моя. ¹¹Яко исче-

зѣ в болѣзни живѳт мой и лѣта моя в въздыханіих, изнеможе нищетою крѣпость моя и кѳсти моя смятошася. ¹²От всех враг моих бых поношеніе, и сосѣдом моим зелѳ, и страх знаемым моим: видящии мя вон бежаша от мене. ¹³Забвен бых яко мертв от сѣрдца, бых яко сосѳд погублен. ¹⁴Яко слышаш гажденіе многих, живѳщих ѳкрест, внегода собратися им вкупе на мя, пріяти дѳшу мою совещаша. ¹⁵Аз же на Тя, Гѳсподи, уповах, рех: Ты еси Бог мой. ¹⁶В руку Твоюю жрѣбии мой: избави мя из руки враг моих

и от гонящих мя. ¹⁷Просвети лице Твое на раба Твоего, спаси мя милостию Твоею. ¹⁸Гѳсподи, да не постыжѳся, яко призвах Тя: да постыдятся нечестивии и снѳдут во ад. ¹⁹Немы да бѳдут устны льстивыя, глаголющыя на праведнаго беззаконіе, гордынею и уничиженіем. ²⁰Коль многое множество благности Твоея, Гѳсподи, юже скрыл еси боящимся Тебѣ, соделал еси уповающим на Тя пред сыны человеческими. ²¹Скрыеши их в тайне лица Твоего от мятѣжа человека, покрыеши их в крове от пререканія язык.

²²Благословѣн Господь, яко удиві мѣлость Свою во градѣ ограждѣнія. ²³Аз же рех во изступлѣнии моемъ: отвѣржен есмь отъ лица очию Твоею: сего ради услышалъ еси гласъ молитвы моея, внигда възвахъ къ Тебѣ. ²⁴Возлюбите Господа, вси преподобнии Его, яко истины възскаѣтъ Господь, и въздаѣтъ излише творящимъ гордыню. ²⁵Мужайтесь, и да крепится сердце ваше, вси уповающии на Господа.

Псаломъ Давиду, разума, 31

¹Блаженни, ихже оставишася беззаконія и ихже при-

крышася гресѣи. ²Блажен мужъ, емуже не вменитъ Господь греха, ниже есть во устѣхъ его леть. ³Яко умолчахъ, обещаша кости моя, отъ еже звати ми весь день. ⁴Яко день и ночь отяготѣ на мене рука Твоя, возвратихся на страсть, егда унзе ми тернъ. ⁵Беззаконіе мое познахъ и греха моего не покрыхъ, рехъ: исповѣмъ на мя беззаконіе мое Господеву, и Ты оставилъ еси нечестіе сердца моего. ⁶За то помолится къ Тебѣ всякъ преподобный во время благопотребно: обаче в потопѣ водъ многихъ къ нему не

прибли́жятся. ⁷Ты еси́ при-
бе́жище моё от ско́рби обде-
ржа́щая мя: ра́досте моя́, из-
ба́ви мя от обыше́дших мя.
⁸Вразумлю́ тя и наста́влю тя
на путь сей, во́ньже по́йде-
ши, утвержу́ на тя о́чи Мой.
⁹Не бу́дите яко конь и меск,
ймже несть ра́зума: брозда́-
ми и уздо́ю че́люсти их вос-
тя́гнеши, не приближа́ю-
щихся к тебе́. ¹⁰Мно́ги ра́ны
грешному, упова́ющаго же
на Го́спода ми́лость обы́дет.
¹¹Веселите́ся о Го́споде, и
ра́дуйте́ся, пра́веднии, и хва-
лите́ся, вси пра́вии се́рдцем.

Слава:

По 4-й кафисме:

Трисвятоѣ. Пресвятая
Троице... Оче наш...

Таже тропари, глас 7:
Смирённую мою́ ду́шу по-
сетí, Го́споди, во гресéх все-
житиé иждíвшую: ймже о́б-
разом блудни́цу, приими́ и
мене́ и спаси́ мя.

Препла́вая пучи́ну настоя-
щаго жити́я, помышля́ю
бе́здну мно́гих моих зол, и
не имéяй окорми́теля по-
мышлénий, Петро́в прове-
щава́ю Ти глас: спаси́ мя,
Христé, спаси́ мя, Бо́же, яко
Человеколю́бец.

Слава: Скорó совнѣдем в невестник Христóв, да вси услышим блаженный глас Христа́ Бóга нашего: приидѣте, любящии Небесную славу, сопричастницы бѣвше мѹдрых дев, уяснѣвше свещѣ наша верою.

И ныне: Душѣ, покайся прѣжде исхода твоегó, суд неумѣтен грѣшным есть и нестерпимый. Возопѣй Гóсподу во умилѣнии сѣрдца: согрѣшихъ Ти в ведении и не в ведении, Щѣдрый, молитвами Богородицы ущѣдри и спаси́ мя.

Гóсподи, помѣлуй (40)
и молитва:

Тебѣ, Гóсподи, единому благому и непамятозлóбному, исповѣдаю грехи́ моя, Тебѣ припадаю вопи́я, недостóйный: согрѣшихъ, Гóсподи, согрѣшихъ и несмь достóин воззрѣти на высóту небесную от мно́жества неправд моихъ. Но, Гóсподи мой, Гóсподи, даруй ми слѣзы умилѣния, единый Блаже и мѣлостивый, яко да ѣми Тя умолю́, очѣстится прѣжде концá от всякаго грехá: страшно бо и грóзно мѣсто ѣмам проити́, тѣла разлучѣвсья, и

множество мя мрачное и безчеловечное демонов срящет, и никтоже в помощь спутствуяй или избавляяй. Тем припадаю Твоей благодати, не предаждь обидящим мя, ниже да похвалятся о мне врази мои, благий Господи, ниже да рекут: в руки наша пришел еси, и нам предан еси. Ни, Господи, не забуди щедрот Твоих и не воздаждь ми по беззаконием моим, и не отврати лица Твоего от мене: но Ты, Господи, накажи мя, обаче милостию и щедротами. Враг же мой да не возрадуется о мне, но угаси его на мя прещения и все упраздни его дей-

ство, и даждь ми к Тебе путь неукорный, благий Господи: занеже и согрешив, не прибегах ко иному врачу, и не прострох руки моя к богу чуждому. Не отрини убо моления моего, но услыши мя Твоею благодатию и утверди мое сердце страхом Твоим, и да будет благодать Твоя на мне, Господи, яко огонь попяляяй нечистыя во мне помыслы. Ты бо еси, Господи, свет, паче всякаго света; радость, паче всякия радости; упокоение, паче всякаго упокоения; жизнь истинная и спасение, пребывающее во веки веков, аминь.

Кафисма пятая

Псалом Давиду,
не надписан у еврей, 32

¹Радуйтесь, праведнии, о Господе, правым подобает похвалá. ²Исповедайтесь Господеви в гуслах, во псалтири десятиструннем пойте Ему. ³Воспойте Ему песнь нову, добре пойте Ему со восклицанием. ⁴Яко право слово Господне, и вся дела Его в вере. ⁵Любит милос-

тыню и суд Господь, милости Господни исполнь земля. ⁶Словом Господним небеса утвердишася, и духом уст Его вся сила их. ⁷Собираяй яко мех воды морския, полагаяй в сокровищах бездны. ⁸Да убойтся Господа вся земля, от Негоже да подвижутся вси живущии по вселенней. ⁹Яко Той рече, и быша, Той повеле, и создашася. ¹⁰Господь разоряет советы языков, отметаает же мысли людей, и отметаает советы князей. ¹¹Совет же Господень во век пребывает, помышления сердца Его в род и род. ¹²Блажен

язык, ему же есть Господь Бог его, люди, яже избра в наследие Себе. ¹³С Небесе призре Господь, виде вся сыны человеческия. ¹⁴От готоваго жилища Своего призре на вся живущия на земли. ¹⁵Создавый наедине сердца их, разумеваяй на вся дела их. ¹⁶Не спасется царь мноюю силою, и исполин не спасется множеством крепости своея. ¹⁷Лож конь во спасение, во множестве же силы своея не спасется. ¹⁸Се очи Господни на боящияся Его, уповающия на милость Его. ¹⁹Избавити от смерти души их, и препитати

я в глад. ²⁰Душа же наша чаает Господа, яко Помощник и Защититель наш есть. ²¹Яко о Нем возвеселится сердце наше, и во имя святое Его уповахом. ²²Буди, Господи, милость Твоя на нас, якоже уповахом на Тя.

¹Псалом Давиду, вегда измени лице свое пред Авимелехом, и отпусти его, и отыде, 33

²Благословлю Господа на всякое время, вину хвала Его во устех моих. ³О Господе похвалится душа моя, да услышат кратцыи и возвеселятся. ⁴Возвеличите Господа

со мною и вознесём имя Его вкупе. ⁵Взысках Господа и услыша мя, и от всех скорбей моих избави мя. ⁶Приступите к Немю и просветитесь, и лица ваша не постыдятся. ⁷Сей нищий воззва, и Господь услыша и, и от всех скорбей его спасе и. ⁸Ополчится Ангел Господень окрест боящихся Его, и избавит их. ⁹Вкусите и видите, яко благ Господь; блажен муж, иже уповает Нань. ¹⁰Бойтесь Господа, вси святии Его, яко несть лишения боящимся Его. ¹¹Богатии обнищаша и взалкаша, взыскающие же Господа не лишат-

ся всякаго блага. ¹²Приидите, чада, послушайте мене, страху Господню научу вас. ¹³Кто есть человек хотяй живот, любяй дни видети блага? ¹⁴Удержи язык твой от зла, и устне твой, еже не глаголати лести. ¹⁵Уклонися от зла и сотвори благо. Взыщи мира, и пожен и. ¹⁶Очи Господни на праведныя, и уши Его в молитву их. ¹⁷Лице же Господне, на творящыя злая, еже потребити от земли память их. ¹⁸Возваша праведнии, и Господь услыша их, и от всех скорбей их избави их. ¹⁹Близ Господь сокрушенных серд-

цем и смиренныя духом спасёт. ²⁰Многи скорби праведным, и от всех их избавит я Господь. ²¹Хранит Господь вся кости их, ни единая от них сокрушится. ²²Смерть грешников люта, и ненавидящих праведнаго прегрешат. ²³Избавит Господь души раб Своих, и не прегрешат вси, уповающие на Него.

Слава:

Псалом Давиду, 34

¹Суди, Господи, обидящая мя, побори борущая мя. ²Приими оружие и щит, и востани в помощь мою.

³Изсуди мечь, и заключи сопротив гонящих мя. Рцы души моей: спасение твое есмь аз. ⁴Да постыдятся и посрамятся ищущи душу мою, да возвратятся вспять и постыдятся мыслящие ми злая. ⁵Да будут яко прах пред лицом ветра, и Ангел Господень оскорбляя их. ⁶Да будет путь их тма и ползок, и Ангел Господень погоняя их: ⁷яко туне скрыша ми пагубу сети своя, все поносиша души моей. ⁸Да придет ему сеть, юже не весть, и ловитва, юже скры, да объмет и, и в сеть да впадёт в ню. ⁹Душа же

моя возрадуется о Господе, возвеселится о спасении Его. ¹⁰Вся кости моя рекут: Господи, Господи, кто подобен Тебе? Избавляяй нища из руки крепльших его, и нища, и убога от расхищающих его. ¹¹Воставше на мя свидетеле неправеднии, яже не ведех, вопрошаху мя. ¹²Воздаша ми лукавая воз благая, и безчадие души моей. ¹³Аз же, внегда они стужаху ми, облачахся во вретище, и смирях постом душу мою, и молитва моя в недра мое возвратится. ¹⁴Яко ближнему, яко брату нашему, тако угождах, яко

плача и сетуя, тако смиряхся. ¹⁵И на мя возвеселишася и собращася: собращася на мя раны, и не познах, разделишася, и не умилишася. ¹⁶Искусиша мя, подражниша мя подражением, поскрежеташа на мя зубы своими. ¹⁷Господи, когда узриши? Устрой душу мою от злодеяства их, от лев единородную мою. ¹⁸Исповемся Тебе в церкви мнозе, в людех тяжцех восхваляю Тя. ¹⁹Да не возрадуются о мне враждующии ми неправедно, ненавидящии мя туне и помизающии очима. ²⁰Яко мне убо мирная глаго-

лаху и на гнев лести помышляху. ²¹Разшириша на мя уста своя, реша: благоже, благоже видеша очи наши. ²²Видел еси, Господи, да не премолчиши. Господи, не отступи от мене. ²³Востани, Господи, и вонми суду моему, Боже мой и Господи мой, на прю мою. ²⁴Суди ми, Господи, по правде Твоей, Господи Боже мой, и да не возрадуются о мне. ²⁵Да не рекут в сердцах своих: благоже, благоже души нашей, ниже да рекут: пожрохом его. ²⁶Да постыдятся и посрамятся вкупе радующиися злом моим, да облекутся в

студ и срам велеречующии на мя. ²⁷Да возрадуются и возвеселятся хотящии правды моея, и да рекут выну: да возвеличится Господь, хотящии мира рабу Его. ²⁸И язык мой поучится правде Твоей, весь день хвалé Твоей.

¹В концé,

отроку Господню Давиду, 35

²Глаголет пребеззаконный согрешати в себе: несть страха Божия пред очима его. ³Яко ульсти пред ним обрести беззаконие свое и возненавидети. ⁴Глаголы уст его беззаконие и лесть, не вос-

хотé разумéти е́же ублажи́ти. ⁵Беззако́ние помы́сли на ло́жи своéм: предста́ всяко́му пути́ небла́гу, о зло́бе же не негодова́. ⁶Го́споди, на Небеси́ ми́лость Твоя́ и и́стина Твоя́ до о́блак. ⁷Пра́вда Твоя́, я́ко го́ры Бо́жия, судьбы́ Твоя́ бездна мно́га. Челове́ки и скоты́ спасе́ши, Го́споди. ⁸Я́ко умно́жил еси́ ми́лость Твою́, Бо́же, сынове же челове́чести и в кро́ве крилу́ Твоею наде́яться и́мут. ⁹Упию́тся от ту́ка до́му Твоего́, и пото́ком сла́дости Твоея́ напои́ши я́. ¹⁰Я́ко у Тебе́ исто́чник живота́, во све́те Твоем у́зрим свет.

¹¹Проба́ви ми́лость Твою́ ве́дущым Тя и пра́вду Твою́ пра́вым се́рдцем. ¹²Да не прии́дет мне нога́ горды́ни, и рука́ грешни́ча да не подвиги́т мене́. ¹³Та́мо падо́ша вси де́лающии беззако́ние: изринове́ни бы́ша, и не возмо́гут ста́ти.

Слава:

Псалом Давиду, 36

¹Не ревну́й лука́внующым, ниже́ зави́ди творя́щим беззако́ние. ²Зане́ я́ко трава́ ско́ро и́зсхут, я́ко зе́лие зла́ка ско́ро отпаду́т. ³Упова́й на Го́спода и твори́ благосты́ню, и населі́ зе́млю, и упасе́ши-

ся в богатстве ея. ⁴Насладися Господеви, и даст ти прошения сердца твоего. ⁵Открой ко Господу путь твой и уповай на Него, и Той сотворит: ⁶и изведет, яко свет, правду твою и судьбу твою, яко полудне. ⁷Повинися Господеви и умоли Его. Не ревнуй спешущему в пути своем человеку, творящему законопреступление. ⁸Престани от гнева и остави ярость, не ревнуй еже лукавновати. ⁹Зане лукавнующии потребятся, терпящии же Господа, тии наследят землю. ¹⁰И еще мало, и не будет грешника, и взыще-

ши место его, и не обрящещи. ¹¹Кротцыи же наследят землю и насладутся о множестве мира. ¹²Назирает грешный праведнаго и поскрежет нань зубы своими. ¹³Господь же посмеется ему, зане прозирает, яко приидет день его. ¹⁴Мечь извлекоса грешницы, напрягоса лук свой, низложити убога и нища, заклати правыя сердцем. ¹⁵Мечь их да внидет в сердца их, и лугцы их да сокрушатся. ¹⁶Лучше малое праведнику, паче богатства грешных многа. ¹⁷Зане мшцы грешных сокрушатся, утверждает же праведныя

Госпóдь. ¹⁸Вестъ Госпóдь путí непорóчных, и достояние их в век бóдет. ¹⁹Не постыдятся во время лютое, и во днех глáда насытятся, яко грéшницы погíбнут. ²⁰Вразí же Госпóдни, кúпно прослáвится им и вознестíся, исчезающе яко дым исчеза́ша. ²¹Заёмлет грéшный и не возвратít, праведный же щéдрит и даёт. ²²Яко благословя́щи Егó наследят зéмлю, клену́щи же Егó потребя́тся. ²³От Гóспода стопы́ чело́вэку исправляю́тся, и путí егó восхо́щет зело́. ²⁴Егда́ падёт, не разбиётся, яко Госпóдь подкрепля́ет рúку егó.

²⁵Юне́йший бых, íбо соста-рехся, и не вíдех праведника оста́влена, ниже́ сэмени егó просяща хлéбы. ²⁶Весь день мíлует и взаím даёт праведный, и сэмя егó во благословéние бóдет. ²⁷Уклонíся от зла и сотвори́ блага́, и всели́ся в век вéка. ²⁸Яко Госпóдь любит суд и не оста́вит преподо́бных Сво́их, во век сохраня́тся. Беззакóнницы же изжену́тся, и сэмя нечестíвых потребíтся. ²⁹Праведницы же наследят зéмлю и вселя́тся в век вéка на ней. ³⁰Уста́ праведнаго поуча́тся премúдрости, и язы́к егó возлагóлет суд. ³¹Закóн

Бога его в сердце его, и не запнутся стопы его. ³²Сматрѣет грѣшный праведнаго и ищет еже умертвити его. ³³Господь же не оставит его в руку его, ниже осудит его, егда судит ему. ³⁴Потерпи Господа и сохрани путь Его, и вознесет тя, еже наследити землю, в негда потреблятися грѣшником узриши. ³⁵Видех нечестиваго превозносящася и высящася, яко кедры Ливанския. ³⁶И мимо идох, и се не бе, и взысках его, и не обретеса место его. ³⁷Храни незлобие и виждь правоту, яко есть останок человеку миру. ³⁸Беззаконницы

же потребятся вкупе: останцы же нечестивых потребятся. ³⁹Спасение же праведных от Господа, и Защититель их есть во время скорби. ⁴⁰И поможет им Господь, и избавит их, и измет их от грешник, и спасет их, яко уповаша на Него.

Слава:

По 5-й кафисме:

Трисвятое. Пресвятая
Троице... Отче наш...

Таже тропари, глас 5.
Страшный Твой Престол,
лукавое мое житие. И кто

мя изба́вит тогда́шняя ну́жды, а́ще не Ты поми́луеши мя, Христе́ Бо́же, я́ко щедр и Человеколю́бец?

Слава: Попече́ние жития́ изгна́ мя ра́я, и что сотворю́, отча́янный? Сего́ ра́ди толку́ во врата́ и зову́: Го́споди, Го́споди, отве́рзи ми пока́нием и спаси́ мя.

И ныне: Кий наре́чем храм Твой, Богоро́дице? Приста́нице ли духо́вное? Или́ рай сла́дости Небе́сныя, хода́тайствен жи́зни неконча́емая? Вся бо́ имаши до́брая, всегда́ моли́ся Христу́ спасти́ся душа́м на́шим.

Го́споди, поми́луй (40)

и моли́тва:

Бо́же пра́ведный и хва́льный, Бо́же вели́кий и кре́пкий, Бо́же преве́чный, услы́ши грешна́го му́жа моли́тву в час сей; услы́ши мя, обеща́вый услы́шати во и́стине Тя призыва́ющих, и не омерзи́ мя, нечи́стыя устне́ иму́ща и во гресе́х содержи́ма, упова́ние всех конце́в земли́ и страна́ствующих дале́че. Приими́ ору́жие и щит и воста́ни в по́мощь мою́: изле́й мечь и заключи́ сопроти́в гоня́щих мя. Запрети́ нечи́с-

тым духовом от лица безумия моего, и да отлучится от моей мысли дух ненависти и злопомнения, дух зависти и лести, дух боязни и уныния, дух гордости и всякия инья злобы; и да угаснет всякое разжжение и движение плоти моея, от диавольскаго действия составляемое, и да просветится моя душа и тело, и дух светом Твоего Божественнаго познания: да множеством щедрот Твоих достигну соединения веры, в мужа совершенна, в меру возраста, и прославлю со Ангелы и всеми святыми Твоими всечест-

ное и великолепое имя Твое, Отца и Сына и Святаго Духа, ныне и присно, и во веки веков, аминь.

∨ 7∨



Кафисма шестая

¹Псалом Давиду,
в воспоминание о субботе, 37

²Господи, да не яростию Твоею обличиши мене, ниже гневом Твоим накажешо мене. ³Яко стрелы Твоя уязвоша во мне, и утвердил еси на мне руку Твою. ⁴Несть исцеления в плоти моей от лица гнева Твоего, несть мира в костех моих от лица грех моих. ⁵Яко беззакония моя пре-

вздышаша главу мою, яко бремя тяжкое отяготеша на мне. ⁶Возсмердеша и согнишаша раны моя от лица безумия моего. ⁷Пострадах и слякохся до конца, весь день сетуя хождах. ⁸Яко лядвия моя наполнишася поруганий, и несть исцеления в плоти моей. ⁹Озлоблен бых и смирихся до зела, рыках от воздыхания сердца моего. ¹⁰Господи, пред Тобою все желание мое и воздыхание мое от Тебе не утайся. ¹¹Сердце мое смятется, остави мя сила моя, и свет очию моею, и той несть со мною. ¹²Друзи мой и искреннии мой

прямо мне приближишася и ста́ша, ¹³и ближнии мой отда́лече менé ста́ша и нужда́хуся и́щущии ду́шу мою́, и и́щущии зла́я мне глаго́лаху су́етная и льсти́вным весь день поуча́хуся. ¹⁴Аз же яко глух не слы́шах и яко нем не отверза́й уст свои́х. ¹⁵И бых яко человек не слы́шай и не имьй во устéх свои́х обличéния. ¹⁶Яко на Тя, Гóсподи, упова́х, Ты услы́шиши, Гóсподи Бóже мой. ¹⁷Яко рех: да не когда́ порáдуют ми ся врази́ мой: и внегда́ подвижа́тися нога́м моим, на мя велеречева́ша. ¹⁸Яко аз на ра́ны гото́в, и

болéзнь моя́ предо мно́ю есть вь́ину. ¹⁹Яко беззакóние моé аз возвещу́ и попеку́ся о гресé моём. ²⁰Врази́ же мой живу́т и укрепя́шася па́че менé, и умно́жишася ненави́дящии мя без правды. ²¹Воздаю́щии ми зла́я воз благо́ая оболга́ху мя, занé гоня́х благосты́ню. ²²Не оста́ви менé, Гóсподи Бóже мой, не отступи́ от менé. ²³Вонми́ в по́мощь мою́, Гóсподи спасéния моего́.

**¹В концé, Идифу́му,
песнь Дави́ду, 38**

²Рех: сохранию́ пути́ моя́, е́же не согрешáти ми язы́ком мо-

йм: положи́х усто́м мо́им хра-
ни́ло, внегда́ воста́ти грѣш-
ному́ прѣдо мно́ю. ³Онемѣх
и смири́хся, и умолча́х от
благ, и болѣзнь моя́ обновися.
⁴Согрея́ся се́рдце моё во мне,
и в поучѣнии моём разгорѣт-
ся огонь. Глаго́лах язы́ком мо-
им: ⁵скажи́ ми, Го́споди, кон-
чи́ну мою́ и число́ дней мо́их,
ко́е есть? Да разумѣю, что ли-
ша́юся аз? ⁶Се пяди́ положи́л
еси́ дни моя́, и состав мой́ яко
ничто́же пред Тобо́ю, обаче
вся́ческая суе́та всяк человек
живы́й. ⁷Убо́ о́бразом ходит
человек, обаче́ все́е мятѣтся:
сокро́вищствует, и не вестъ,

кому́ собере́т я. ⁸И ны́не кто
терпѣние моё, не Го́сподь ли?
И состав мой от Тебе́ есть. ⁹От
всех беззако́ний мо́их изба́-
ви мя, поноше́ние безу́мно-
му дал мя еси́. ¹⁰Онемѣх и не
отверзо́х уст мо́их, яко Ты со-
твори́л еси́. ¹¹Отста́ви от мене́
ра́ны Твоя́: от кре́пости бо ру-
ки́ Твоея́ аз исчезо́х. ¹²Во об-
личѣниих о беззако́нии нака-
за́л еси́ человека́ и иста́ял еси́,
яко паучи́ну, ду́шу его́: обаче́
все́е всяк человек. ¹³Услы́ши
моли́тву мою́, Го́споди, и мо-
ле́ние моё́ внуши́, слез мо-
их не премолчи́: яко пресель-
ник аз есмь у Тебе́ и пришле́ц,

якоже вси отцы мой. ¹⁴Ослаби ми, да почию, прежде даже не отыдú, и ктому не бúду.

**¹В концé,
псалом Давíду, 39**

²Терпя, потерпéх Гóспода, и внят ми, и услыша молítву мою. ³И возведé мя от рóва страстéй, и от брénия тíны, и поста́ви на ка́мени но́зе мой, и испра́ви стопы́ моя, ⁴и вложи́ во уста́ моя́ песнь но́ву, пéние Бóгу нашему. У́зрят мно́зи и убоя́тся, и упова́ют на Гóспода. ⁵Блажéн муж, е́му́же есть íмя Господне упова́ние егó,

и не призре́ в суеты́ и неистовлénия лóжная. ⁶Мно́га сотвори́л еси́ Ты, Гóсподи Бóже мой, чудеса́ Твоя́ и помышлénием Твоím несть кто уподóбится Тебé: возвестíх и глаго́лах, умно́жишася па́че числа́. ⁷Жéртвы и приношénия не восхотéл еси́, тéло же сверши́л ми еси́, всесожжéний и о гресé не взыска́л еси́. ⁸Тогда́ рех: се приидú, в главíзне кни́жне пи́сано есть о мне: ⁹е́же сотвори́ти волю́ Твою́, Бóже мой, восхотéх, и закóн Твой посреде́ чрэва моего́. ¹⁰Благовестíх правду́ в цéркви вели́цей, се устна́м

моим не возбраню: Господи, Ты разумел еси. ¹¹Правду Твою не скрех в сердце моем, истину Твою и спасение Твое рех, не скрех милость Твою и истину Твою от сонма многа. ¹²Ты же, Господи, не удали щедрот Твоих от мене: милость Твоя и истина Твоя выну да заступите мя. ¹³Яко одержаша мя злая, имже несть числа, постигоша мя беззакония моя, и не возмогох зрети, умножишася паче влас главы моея, и сердце мое остави мя. ¹⁴Благоволи, Господи, избавити мя: Господи, во еже по-

мощи ми вонми. ¹⁵Да постыдятся и посрамятся вкупе ищущии душу мою изъяти ю, да возвратятся вспять и постыдятся хотящие ми злая. ¹⁶Да примут абие студ свой глаголющии ми: благоже, благоже. ¹⁷Да возрадуются и возвеселятся о Тебе вси ищущии Тебе, Господи, и да рекут выну: да возвеличится Господь, любящии спасение Твое. ¹⁸Аз же нищ есмь и убог, Господь попечется о мне. Помощник мой и Защититель мой еси Ты, Боже мой, не закосни.

Слава:

¹В концѣ, псаломъ Давиду, 40

²Блаженъ разумеваѣй на нѣща и убѣга, в день лют избавит его Господь. ³Господь да сохранит его и живит его, и да ублажит его на земли, и да не предаст его в руки врагов его. ⁴Господь да поможет ему на одре болезни его: все ложе его обратил еси в болезнь его. ⁵Аз рех: Господи, помилуй мя, исцели душу мою, яко согреших Ти. ⁶Врази мои рѣша мне злая: когда умрет и погибнет имя его? ⁷И входаше видети, все глаголаше сердце его, собравъ беззаконие себе, исхождаше вон и глаго-

лаше вкупе. ⁸На мя шептаху вси врази мой, на мя помышляху злая мне. ⁹Слово законопреступное возложаша на мя: еда спяй не приложит воскреснути? ¹⁰Ибо человек мира моего, на негоже уповах, ядый хлеба моя, возвеличи на мя запинание. ¹¹Ты же, Господи, помилуй мя и возстави мя и воздам им. ¹²В сем познах, яко восхотел мя еси, яко не возрадуется враг мой о мне. ¹³Менѣ же за незлобие приял и утвердил мя еси пред Тобою в век. ¹⁴Благословен Господь Бог Израилев от века и до века: буди, буди.

**¹В конѣц,
в разум сынѡв Корѣовых,
псалѡм Давиду, не надписан
у еврей, 41**

²Имже образом желает елень на источники водныя, сице желает душа моя к Тебѣ, Бѡже. ³Возжада душа моя к Бѡгу Крѣпкому, Живѡму: когда прииду и явлюся лицу Бѡжию? ⁴Быша слѣзы моя мне хлеб день и ночь, внигда глаголатися мне на всяк день: где есть Бог твой? ⁵Сия помянух и излих на мя душу мою, яко пройду в мѣсто селѣния дивна, даже до дому Бѡжия, во глаسه радования и исповѣ-

дания шума празднующаго. ⁶Вскую прискорбна еси, душе моя? И вскую смущаеши мя? Уповай на Бѡга, яко исповѣмся Ему, спасѣние лица моего, и Бог мой. ⁷Ко мне самому душа моя смятѣся: сего ради помянух Тя от земли Иордански и Ермонийски, от горы малыя. ⁸Бѣздна бѣздну призывает во глаسه хлябий Твоих, вся высоты Твоя и волны Твоя на мне преидоша. ⁹В день заповѣсть Господь милость Свою, и нощию песнь Его от мене, молитва Бѡгу живота моего. ¹⁰Реку Бѡгу: Заступник мой еси, почто мя

забыл еси? И вскую сетуя хожду, внегда оскорбляет враг?
¹¹Внегда сокрушати костем моим, поношаху ми врази мой, внегда глаголати им мне на всяк день: где есть Бог твой? ¹²Вскую прискорбна еси, душе моя? И вскую смущаеши мя? Уповай на Бога, яко исповемся Ему, спасение лица моего, и Бог мой.

**Псалом Давиду,
не написан у еврей, 42**

¹Суди ми, Боже, и рассуди прю мою, от языка не преподобна, от человека неправедна и лстива избави

ви мя. ²Зане Ты еси, Боже, Крепость моя, вскую отринул мя еси? И вскую сетуя хожду, внегда оскорбляет враг? ³Посли свет Твой и истину Твою, та мя настаवि ста и введоста мя в гору святую Твою и в селения Твоя. ⁴И вниду к жертвеннику Божию, к Богу веселящему юность мою, исповемся Тебе в гуслах, Боже, Боже мой. ⁵Вскую прискорбна еси, душе моя? И вскую смущаеши мя? Уповай на Бога, яко исповемся Ему, спасение лица моего, и Бог мой.

Слава:

¹В концѣ,

сынѡв Корѣовых, в рѣзум, 43

²Бѡже, ушима нашими услышахом, и отцы наши возвестиша нам дело, еже соделал еси во днех их, во днех древних. ³Рука Твоя языки потреби, и насадил я еси, озлобил еси люди и изгнал еси я. ⁴Не бо мечем своим наследуша землю, и мѣшца их не спасе их, но десница Твоя, и мѣшца Твоя, и просвѣщение лица Твоего, яко благоволил еси в них. ⁵Ты еси Сам Царь мой и Бог мой, заповѣдай спасения Иаковля. ⁶О Тебѣ враги наша избодѣм роги, и о

имени Твоем уничижим востающыя на ны. ⁷Не на лук бо мой уповаю, и мечь мой не спасет мене. ⁸Спасл бо еси нас от стужающих нам, и ненавидящих нас посрамил еси. ⁹О Бѡзе похвалимся весь день и о имени Твоем исповемся во век. ¹⁰Ныне же отринул еси и посрамил еси нас, и не изыдеши, Бѡже, в силах наших. ¹¹Возвратил еси нас вспять при вразѣх наших, и ненавидящих нас расхищаху себе. ¹²Дал еси нас яко овцы снѣди, и во языцех разсеял ны еси. ¹³Отдал еси люди Твоя безценны, и не бе множество в вос-

клицаниих наших. ¹⁴Положил еси нас поношение соседом нашим, подражение и поругание сущим окрест нас. ¹⁵Положил еси нас в притчу во языцех, покиванию главы в людех. ¹⁶Весь день срам мой предо мною есть, и студ лица моего покры мя ¹⁷от гласа поношающего и оклеветającego, от лица вражия и изгонящего. ¹⁸Сия вся придоса на ны, и не забыхом Тебе, и не неправдовахом в завете Твоем. ¹⁹И не отступил вспять сердце наше, и уклонил еси стези наша от путей Твоего. ²⁰Яко смирил еси нас

на месте озлобления, и прикры ны сень смертная. ²¹Аще забыхом имя Бога нашего и аще вздохом руки наша к богу чуждему. ²²Не Бог ли взыщет сих? Той бо вест тайная сердца. ²³Зане Тебе ради умерщвляемся весь день, вменихомся яко овцы закления. ²⁴Востани, вскую спиши, Господи? Воскресни и не отрини до конца. ²⁵Вскую лице Твое отвращаеши? Забываеши нищету нашу и скорбь нашу? ²⁶Яко смирился в персть душа наша, прильпе земли утроба наша. ²⁷Воскресни, Господи, помо-

зи нам и избáви нас имене
ради Твоего.

**¹В концé, о изменяемых сынóм
Корéовым, в разум, песнь
о возлюбленном, 44**

²Отрыгну сердце моё слово
блага, глаголю аз дела моя ца-
реви: язык мой трость книж-
ника скорописца. ³Красён
добро́тою пáче сынóв че-
ловéческих, изли́йся благо-
да́ть во устна́х Твои́х, сего́ ра-
ди благослови́ тя Бог во век.
⁴Препо́яши меч Твой по бед-
ре́ Твое́й, Си́льне. ⁵Красото́ю
Твое́ю и добро́тою Твое́ю, и
наля́цы, и успева́й, и ца́р-

ствуй истины ради и кро́то-
сти, и правды, и наста́вит Тя
дивно десница Твоя. ⁶Стрелы
Твоя́ изошрёны, Си́льне, лю́-
дие под Тобо́ю паду́т в се́рд-
цы враг царёвых. ⁷Престо́л
Твой, Бо́же, в век ве́ка: жезл
правости, жезл Ца́рствия
Твоего́. ⁸Возлюбил еси́ прав-
ду и возненавидел еси́ безза-
ко́ние, сего́ ради пома́за Тя,
Бо́же, Бог Твой елеем радо-
сти, пáче прича́тник Твои́х.
⁹Сми́рна и ста́кти и касси́а от
риз Твои́х, от тяжестей сло-
но́вых, из ни́хже возвесели́-
ша Тя. ¹⁰Дщери́ царей в че́сти
Твое́й, предста́ Цари́ца одес-

ную Тебѣ, в рѣзах позлащённых одѣяна преиспещрена.

¹¹Слыши, Дщи, и виждь, и приклони́ у́хо Твое́, и забуди лю́ди Твоя́, и дом отца́ Твоего́.

¹²И возжелает Царь доброты Твоея: зане́ Той есть Господь Твой и поклони́шися Ему́.

¹³И дщи Тірова с да́ры, лицу́ Твоему́ помолѣтся богати́и лю́дстии.

¹⁴Вся сла́ва Дщѣре Царѣвы внутрь, рясны златы́ми одѣяна и преиспещрена.

¹⁵Приведутся Царю́ дѣвы в след Ея́, искренни́я Ея́ приведутся Тебѣ.

¹⁶Приведутся в весѣлии и радовании, введутся в храм Царѣв.

¹⁷Вместо отец

твои́х бѣша сынове твой: поста́виши я́ князи по всей землі. ¹⁸Помяну́ имя Твое́ во всяком ро́де и ро́де. Сего́ ради лю́дие исповѣдятся Тебѣ в век и во век ве́ка.

**¹В конец, о сынѣх Корѣовых,
о тайных, псалом 45**

²Бог нам прибѣжище и сила, Помощник в скорбѣх, обрѣтших ны зело́.

³Сего́ ради не убоймся, внигда́ смущается земля́ и прелага́ются го́ры в сердца́ морская́.

⁴Возшумѣша и смято́шася воды их, смято́шася го́ры крепостию Его́.

лѣнія веселят град Божий: освятѣл естъ селѣние Своѣ Вѣшній. ⁶Бог посреде егѡ, и не подвижится: помѡжет ему Бог утро заутра. ⁷Смятѡшася язѣцы, уклонѣшася царствія: даде глас Свой Вѣшній, подвижется земля. ⁸Господь сил с нами, Застѣпник наш Бог Иаковль. ⁹Приидите и видите дела Божія, яже положи чудеса на земли: ¹⁰отъемля брани до конец земли, лук сокрушит и слѡмит оружие, и щиты сожжет огнем. ¹¹Упразднитеся и разумѣйте, яко Аз есмь Бог: вознесуся во язѣцех, вознесуся на

земли. ¹²Господь сил с нами, Застѣпник наш Бог Иаковль.

Слава:

По 6-й кафисме:

Трисвятое. Пресвятая
Троице... Отче наш...

Таже тропари, глас 3: Хвалу приношу Ти, Господи, прегрешения моя вся возвещаю Ти, Боже, обратив помилуй мя.

Слава: Спаси мя, Боже мой, якоже иногда мытаря спасл еси, и блудницы слез не презревый, и мое воздыхание прими, Спасе мой, и спаси мя.

И ныне: Ра́бски ны́не при-
тека́ю к покрóву Твоему́,
Пренепоро́чная: изба́ви мя,
Богороди́тельница, слия́ния
страсте́й, я́ко безстрастия
Вино́внаго ро́ждшая.

Го́споди, поми́луй (40)

и моли́тва:

Благодарим Тя, Го́споди
Бо́же наш, о всех благодея́-
ниях Твои́х, я́же от пер́ва-
го во́зраста до настоя́щаго
в нас, недостóйных, б́ыв-
ших, о их́же ве́мы и не ве́мы,
о явлéнных и неявлéнных,
я́же де́лом б́ывших, и сло́-

вом: возлюбивый нас, я́ко-
же и Единоро́днаго Твоего́
Сы́на о нас да́ти изво́ливый.
Сподóби и нас достóйны бы́-
ти Твоея́ любве́. Дажь сло́-
вом Твои́м му́дрость и стра́-
хом Твои́м вдохни́ кре́пость от
Твоея́ си́лы, и а́ще что хотя́ще
или́ не хотя́ще согреша́хом,
прости́, и не вмени́, и сохрани́
ду́шу на́шу святу́, и пред-
ста́ви ю́ Твоему́ Престо́лу,
со́весть иму́щу чи́сту, и ко-
не́ц досто́ин человеколю́бия
Твоего́. И помяни́, Го́споди,
всех призыва́ющих и́мя Твое́
во и́стине; помяни́ всех, бла́-
га или́ сопроти́вная нам хотя́-

ших: вси бо человецы есмѣ,
и всѹе всяк человекъ. Тѣмже
мóлимся Тебѣ, Господи: по-
даждь нам Твоегó благоутрó-
бия вѣлию мѣлость.

∨ 7∨

Кафисма седмая

¹В концѣ, о сынѣх Корѣовых,
псалом 46

²Вси язѣцы воспещите ру-
ка́ми, воскликните Бо́гу гла́-
сом ра́дования. ³Я́ко Господь
Вѣшнїй стра́шен, Царь вѣ-
лий по всей землѣ. ⁴Покорѣ
лю́ди нам и язѣки под но́-
ги на́ша: ⁵избра́ нам достоя́-
ние Своѣ, доброту Иа́ковлю,
ю́же возлюбѣ. ⁶Взы́де Бог в
воскликновѣнии, Господь во

гласе тру́бне. ⁷По́йте Бо́гу на́шему, по́йте, по́йте Царéви на́шему, по́йте. ⁸Я́ко Царь всея́ земли́ Бог, по́йте разумно. ⁹Воцарíся Бог над язы́ки, Бог седíт на Престо́ле святе́м Своём. ¹⁰Кня́зи лю́дстии собра́шася с Бо́гом Авраа́млим, я́ко Бо́жии держа́внии земли́ зело́ вознесо́шася.

¹Псалом, пэ́сни сыно́в

Коре́вых, вторы́я суббо́ты, 47

²Вели́й Госпо́дь и хва́лен зело́ во гра́де Бо́га на́шего, в горе́ святе́й Его́. ³Благокорénным ра́дованием всея́ земли́: го́ры Сио́нския,

ре́бра се́верова, град Царя́ Вели́каго. ⁴Бог в тяжестех его́ зна́емь есть, егда́ заступáет и́. ⁵Я́ко се ца́рие зёмстии собра́шася, снисдо́шася вку́пе. ⁶Ти́и ви́девше та́ко, удиви́шася, смято́шася, подвиго́шася. ⁷Тре́пет при́ят я́: та́мо болéзни я́ко ражда́ющия. ⁸Ду́хом бу́рным сокруши́ши корабли́ Фарси́йския. ⁹Я́коже слы́шахом, та́ко и ви́дехом во гра́де Го́спода сил, во гра́де Бо́га на́шего, Бог осно́ва и́ в век. ¹⁰Прияхом, Бо́же, ми́лость Твою́ посреде́ люде́й Твои́х. ¹¹По́ имени Твоему́, Бо́же, та́ко и хвала́ Твоя́ на конца́х

земли, правды исполнь десница Твоя. ¹²Да возвеселится гора Сионская и да возрадуются дочери Иудейския судеб ради Твоих, Господи. ¹³Обыдите Сион и обымите его, поведите в столпах его. ¹⁴Положите сердца ваша в силу Его и разделите дома Его, яко да повеете в роде ином. ¹⁵Яко Той есть Бог наш во век и в век века, Той упасет нас во веки.

**¹В конец, сыном Кореевым,
псалом 48**

²Услышите сия вси языцы, внушите вси живущии

по вселенней: ³земнороднии же и сынове человечести, вкупе богат и убог. ⁴Уста моя возглаголют премудрость, и поучение сердца моего разум. ⁵Приклоню в притчу ухо мое, отверзу во псалтири ганаение мое. ⁶Вскую боюсь в день лют? Беззаконие пяти моя обидет мя. ⁷Надеющийся на силу свою и о множестве богатства своего хвляющийся, ⁸брат не избавит, избавит ли человек? Не даст Богу измены за ся, ⁹и цену избавления души своей, и утрудися в век. ¹⁰И жив будет до конца, не узрит

па́губы. ¹¹Егда́ уви́дит пре-
му́дрыя умира́ющыя, вку́пе
безу́мен и несмы́слен поги́б-
нут и оста́вят чужди́м бога́т-
ство свое́. ¹²И грóби их жи-
ли́ща их во век, селéния их
в род и род, нареко́ша именá
сво́я на земля́х. ¹³И челове́к
в че́сти сый не разуме́, при-
ложис́я ското́м несмы́слен-
ным и уподо́бися им. ¹⁴Сей
пу́ть их собла́зн им, и по сих
во усте́х сво́их благоволя́т.
¹⁵Я́ко о́вцы во а́де положéни
суть, смерть упасе́т я́, и об-
лада́ют ими́ пра́вии зау́тра, и
по́мощь их обетша́ет во а́де,
от сла́вы свое́я изринове́-

ни бы́ша. ¹⁶Оба́че Бог изба́-
вит ду́шу мою́ из руки́ а́до-
вы, егда́ прие́млет мя. ¹⁷Не
убо́йся, егда́ разбогате́ет че-
ловéк или́ егда́ умно́жится
сла́ва до́му егó: ¹⁸я́ко внегда́
умре́ти ему́, не во́змет вся,
ниже́ снидет с ним сла́ва егó.
¹⁹Я́ко душа́ егó в животé егó
благослови́тся: испове́тся
тебе́, егда́ благосотвори́ши
ему́. ²⁰Вни́дет да́же до ро́-
да оте́ц сво́их, да́же до ве́ка
не у́зрит све́та. ²¹И челове́к в
че́сти сый не разуме́, прило-
жис́я ското́м несмы́сленным
и уподо́бися им.

Слава:

Псалом Асафу, 49

¹Бог богов Господь глагола и призвал землю от восток солнца до запад. ²От Сиона благолепие красоты Его. ³Бог яве придет, Бог наш, и не премолчит: огонь пред Ним возгорится, и окрест Его буря зельна. ⁴Призовет Небо свыше и землю разсудити люди Своя. ⁵Соберите Ему преподабныя Его, завещающыя завет Его о жертвах. ⁶И возвестят небеса правду Его, яко Бог Судия есть. ⁷Услышите, людие Мои, и возглаголю вам, Израилю, и засвидетельствую тебе: Бог, Бог твой есмь

Аз. ⁸Не о жертвах твоих обличу тебя, всесождения же твоя предо Мною суть вину. ⁹Не приму от дому твоего тельцов, ниже от стад твоих козлов. ¹⁰Яко Мои суть вси зверие дубравнии, скоти в горах и волове. ¹¹Познах вся птицы небесныя, и красота сельная со Мною есть. ¹²Аще взалчу, не реку тебе: Моя бо есть вселенная и исполнение ея. ¹³Еда ям мяса юнча или кровь козлов пию? ¹⁴Пожри Богу жертву хвалы и воздаждь Вышнему молитвы твоя. ¹⁵И призови Мя в день скорби твоея, и изму тебя, и просла-

виши Мя. ¹⁶Грѣшнику же рече Бог: вскую ты повѣдаеши оправдания Моя и восприѣмлеши завет Мой усты твоими? ¹⁷Ты же возненавидел еси наказание и отвергнул еси словеса Моя вспять. ¹⁸Аще видел еси тата, текл еси с ним, и с прелюбодеем участие твоѣ полагал еси. ¹⁹Уста твоѣ умножиша злобу, и язык твой сплеташе льщения. ²⁰Седя, на брата твоего клеветал еси и на сына матери твоея полагал еси соблазн. ²¹Сия сотворил еси и умолчах, вознепщевал еси беззаконие, яко буду тебе подобен. Обличу ты и пред-

ставлю пред лицом твоим грехи твои. ²²Разумейте убо сия, забывающии Бога, да не когда похитит, и не будет избавляяй. ²³Жертва хвалы прославит Мя, и тамо путь, иже явлю ему спасение Моѣ.

**¹В конец, псалом Давиду,
всегда вни́ти к нему́ Нафану,
пророку, егда вни́де к Вирсавии,
женѣ Уриеве, 50**

³Помилуй мя, Боже, по велицей милости Твоей, и по множеству щедрот Твоих очисти беззаконие моѣ.
⁴Наипаче омый мя от беззакония моего, и от греха мо-

его очисти мя. ⁵Яко беззаконие мое аз знаю и грех мой предо мною есть вина. ⁶Тебе Единому согреших, и лукавое пред Тобою сотворих, яко да оправдишися во словесах Твоих и победиши, внегда судити Ти. ⁷Се бо в беззакониих зачат есмь, и во гресех роди мя мати моя. ⁸Се бо истину возлюбил еси, безвестная и тайная премудрости Твоея явил ми еси. ⁹Окропиши мя иссопом, и очищуся, омыеши мя, и паче снега убелюся. ¹⁰Слуху моему даси радость и веселие, возрадуются кости смиренные. ¹¹Отврати лице

Твое от грех моих и вся беззакония моя очисти. ¹²Сердце чисто созижди во мне, Боже, и дух прав обнови во утробе моей. ¹³Не отвержи мене от лица Твоего, и Духа Твоего Святого не отыми от мене. ¹⁴Воздаждь ми радость спасения Твоего, и Духом Владычним утверди мя. ¹⁵Научу беззаконных путем Твоим, и нечестивии к Тебе обратятся. ¹⁶Избави мя от кровей, Боже, Боже спасения моего, возрадуется язык мой правде Твоей. ¹⁷Господи, уста мои отверзеши, и уста моя возвестят хвалу Твою. ¹⁸Яко

аще бы восхотёл еси жёртвы,
 дал бых ўбо, всесожжéния
 не благоволиши. ¹⁹Жёртва
 Бóгу дух сокрушён, сёрд-
 це сокрушённо и смирённо
 Бог не уничижит. ²⁰Ублажи,
 Гóсподи, благоволением Тво-
 им Сиóна, и да созиждут-
 ся стéны Иерусали́мския.
²¹Тогда благоволиши жёртву
 правды, возношéние и всесо-
 жегаемая: тогда возложат на
 олтарь Твой тельцы.

Слава:

¹В конéц, рáзума Дави́ду,
²внегда приити́ Дои́ку Идумейску,
 и возвестити Са́улу, и рещи́ ему́:
 при́иде Дави́д в дом
 Авимелéхов, 51

³Что хва́лишися во злóбе,
 сильне? Беззакóние весь день.
⁴Неправду умы́сли язык твой,
 я́ко бритву изошрёну сотво-
 рил еси́ лесть. ⁵Возлюбил еси́
 злóбу пáче благосты́ни, не-
 правду нéже глаго́лати прав-
 ду. ⁶Возлюбил еси́ вся глаго́лы
 потóпныя, язык льстив. ⁷Сего́
 рáди Бог разрушит́ тя до кон-
 ца́, востóргнет тя, и преселит́
 тя от селéния твоего́ и кóрень
 твой от земли́ живых. ⁸Узрят

праведнии и убоятся, и о нем возсмеются и рекут: ⁹се человек, иже не положи Бога Помощника себе, но упова на множество богатства своего, и возможе суетою своею. ¹⁰Аз же яко маслина плодоваита в дому Божии, уповах на милость Божию во век и в век века. ¹¹Исповемся Тебе во век, яко сотворил еси, и терплю имя Твое, яко благо пред преподобными Твоими.

**¹В конец, о Маелёфе,
разума Давиду, 52**

²Рече безумен в сердце своем: несть Бог, растлеша и

омерзятся в беззаконных, несть творяй благое. ³Бог с Небесё приниче на сыны человеческия, видети, аще есть разумеваая или взыскаая Бога? ⁴Все уклоняся, вкупе непотребни быша, несть творяй благое, несть до единого. ⁵Ни ли уразумеют все делающие беззаконие, снедающие люди моя в снедь хлеба, Господа не призваша. ⁶Тамо устрашаша страха, идеже не бе страх, яко Бог разсыпа кости человекоугодников: постыдешася, яко Бог уничижи их. ⁷Кто даст от Сиона спасение Израилево?

Внегда возвратит Бог пленение людей Своих, возрадуется Иаков и возвеселится Израиль.

¹В конец, в пѣснях разума Давиду, ²внегда приити Зифеем, и рещи Саулови: не се ли Давид скрыся в нас? 53

³Бóже, во имя Твое спаси мя, и в силе Твоей суди ми. ⁴Бóже, услыши молитву мою, внуши глаголы уст моих. ⁵Яко чуждии восташа на мя и крепцыи взыскаша душу мою, и не предложаша Бóга пред собою. ⁶Се бо Бог помогает ми, и Господь Заступник души мо-

ей. ⁷Отвратит злая врагом моим, истиною Твоею потреби их. ⁸Волею пожру Тебе, исповемся имени Твоему, Господи, яко благо, ⁹яко от всякия печали избавил мя еси, и на враги моя воззрѣ око мое.

¹В конец, в пѣснях разума Асафу, псалом 54

²Внуши, Бóже, молитву мою и не презри молѣния моего. ³Вонми ми и услыши мя: возскорбѣх печалию моею и смятохся. ⁴От гласа вражия и от стужения грѣшника, яко уклониша на мя беззаконие и во

гнѣве враждоваху ми. ⁵Сѣрдце моѣ смятѣся во мне, и боязнь смѣрти нападѣ на мя. ⁶Страх и трѣпет прииде на мя, и покрѣя тьма. ⁷И рех: кто даст ми крилѣ, яко голубѣне? И полещу, и почию? ⁸Се удалѣхся бѣгая, и водворѣхся в пустыни. ⁹Чаях Бѣга, спасающаго мя от малодушїа и от бѣри. ¹⁰Потопѣ, Господи, и разделѣ язьки их: яко видѣх беззаконїе и пререканїе во граде. ¹¹Днем и нощїю обѣдет ѣ по стенам егѣ. Беззаконїе и труд посреде егѣ и неправда. ¹²И не оскуде от стогн егѣ лихва и леть. ¹³Яко аще бы враг по-

носѣл ми, претерпѣл бых ѹбо, и аще бы ненавѣдѣя мя на мя велеречевал, укрѣл бых ся от негѣ. ¹⁴Ты же, человекѣ равнодушне, владыко мой и знѣемый мой, ¹⁵ѣже купно наслаждался еси со мною брашен, в домѣ Бѣгии ходѣхом единомышленїем. ¹⁶Да приидет же смерть на ня, и да снѣдут во ад живи, яко лукавство в жилищах их, посреде их. ¹⁷Аз к Бѣгу воззвах, и Господь услыша мя. ¹⁸Вѣчер и заутра, и полудне повѣм, и возвещу, и услышит глас мой. ¹⁹Избавит миром душу мою от приближающихся мне, яко во мнозе бяху со

мною. ²⁰Услышит Бог и смирит я Сый прежде век. Несть бо им изменения, яко не убояшася Бóга. ²¹Простре руку свою на воздаяние, оскверниша завет Его. ²²Разделишася от гнева лица Его, и приближишася сердца их, умякнуша словеса их паче елѣа, и та суть стрѣлы. ²³Возвѣрзи на Господа печаль твою, и Той тя препитаѣт, не даст в век молвы праведнику. ²⁴Ты же, Бóже, низведѣши их во студенец исслѣния, мужие кровей и лести не преполовят дней своих. Аз же, Господи, уповаю на Тя.

Слава:

По 7-й кафисме:

Трисвятое. Пресвятая
Троице... Отче наш...

Таже тропари=глас 5: Судий сядящему, и Ангелом стоящим, трубѣ гласящей, пламени горящу, что сотвориши, душе моя, ведома на суд? Тогда бо лютая твоя предстанут, и тайная обличатся согрешения. Тѣмже прежде конца возопий Судий: Бóже, очисти мя и спаси мя.

Слава: Все побдим, и Христа устрѣшим со множеством елѣа и свещами светлыми, яко да чертога внутрь

сподобимся, иже бо вне дверей постигнувый, бездельно Бóгови воззовет: помилуй мя.

И ныне: На одре лежа согрешений многих, окрадаемь есмь в надежди спасения моего, ибо сон моея лениности ходатайствует души моей муку. Но Ты, Бóже, рождейся от Девы, воздвигни мя к Твоему пению, да славлю Тя.

Гóсподи, помилуй (40)

и молитва:

Гóсподи Бóже мой, яко Благ и Человеколюбец, многия милости сотворил еси со мною,

яже не чаях видети, и что воздам Твоей благасти, Гóсподи мой, Гóсподи? Благодарю Твое многопетое имя, благодарю Твое неисповедимое на мне благоутрбие, благодарю безприкладное Твое долготерпение. И отныне заступи, и помози мне, и покрый мя, Владыко, от всех, еже не кому согрешати пред Тобою: Ты бо вси естества моего удобоползновенное, Ты вси безумие мое, Ты вси мною содеянная, яже в ведении и не в ведении, яже вольная и невольная, яже в нощи и во дни, и во уме, и мысли, яко

Благ ѹбо и Человеколюбец
Бог, очисти я росюю мѣлости
Твоея, Преблагій Гóсподи, и
спаси нас ѣмене рáди Твоегó
святаго, ѣмиже вѣси судьба-
ми. Ты бо еси Свет и Їстина,
и Живóт, и Тебѣ славу возсы-
лаем, Отцѹ и Сѣну и Святому
Дѹху, ныне и прѣсно и во вѣки
векóв, амѣнь.

∨ 7∨

Кафисма осмая

¹В концѣ,
о люóдах, от святѹх удаленных,
Давѣду в столпописание, вневгда
удержаша ѣ иноплемѣнницы
в Гѣфе, псалом 55

²Помѣлуй мя, Бóже, ѣко
попра мя человек, весь день
боря стужѣ ми. ³Попраша
мя врази мой весь день, ѣко
мнóзи борющии мя с высо-
ты. ⁴В день не убоюся, аз же
уповаю на Тя. ⁵О Бóзе похва-

лю́ словеса́ моя́, на Бо́га упова́х, не убою́ся, что сотвори́т мне плоть? ⁶Весь день словес мо́их гнуша́хуся, на мя вся помышлѣния их на зло. ⁷Вселя́тся и скрѣют, ти́и пѣту мою́ сохра́нят, якоже потерпѣша ду́шу мою́. ⁸Ни о чемъже отринѣши я́, гнѣвом лю́ди низведѣши. ⁹Бо́же, живот мой возвестѣх Тебѣ́, положи́л еси́ слѣзы моя́ пред Тобо́ю, яко и во обетовани́и Твоѣм. ¹⁰Да возвратѣтся вразѣ́ мой вспя́ть, вонъже а́ще день призову́ Тя, се позна́х, яко Бог мой еси́ Ты. ¹¹О Бо́же похвалю́ глаго́л, о Го́споде по-

хвалю́ сло́во. ¹²На Бо́га упова́х, не убою́ся, что сотвори́т мне человекъ? ¹³Во мне, Бо́же, моли́твы, яже возда́м хвалы́ Твоея́, ¹⁴яко избавил еси́ ду́шу мою́ от сме́рти, о́чи мой от слез, и но́зе мой от поползновѣ́ния, благоугожду́ пред Го́сподем во свѣте живѣ́х.

**¹В конѣ́ц, да не растли́ши,
Дави́ду в столпописа́ние, внегда́
ему́ отбѣга́ти от лица́ Сау́лова
в пещѣ́ру, 56**

²Поми́луй мя, Бо́же, поми́луй мя, яко на Тя упова́ душа́ моя́, и на сень крилу́ Твоею́ надѣю́ся, донде́же пре́йдет

беззаконіе. ³Воззову́ к Бо́гу Вы́шнему, Бо́гу, благоде́явшему мне. ⁴Посла́ с Небесе́ и спасе́ мя, даде́ в поноше́ние попира́ющыя мя, посла́ Бог ми́лость Свою́ и и́стину Свою́, ⁵и изба́ви ду́шу мою́ от среды́ скі́мнов. Поспа́х смущен, сы́нове челове́чести, зу́бы их ору́жия и стрéлы, и язы́к их меч остр. ⁶Вознесі́ся на Небеса́, Бо́же, и по всей землі́ сла́ва Твоя́. ⁷Сеть угото́ваша нога́м мо́им и сляко́ша ду́шу мою́, ископа́ша пред лицем мо́им я́му и впадо́ша в ню. ⁸Гото́во се́рдце моё, Бо́же, гото́во се́рдце моё,

воспою́ и пою́ во сла́ве моёй. ⁹Воста́ни сла́ва моя́, воста́ни псалти́рю и гу́сли, воста́ну ра́но. ¹⁰Испове́мся Тебе́ в лю́дех, Го́споди, воспою́ Тебе́ во язы́цех, ¹¹я́ко возвели́чися до Небе́с ми́лость Твоя́, и да́же до о́блак и́стина Твоя́. ¹²Вознесі́ся на Небеса́, Бо́же, и по всей землі́ сла́ва Твоя́.

**¹В ко́нec, да не растлі́ши,
Дави́ду в столпоиса́ние, 57**

²А́ще вои́стинну у́бо пра́вду глаго́лете, пра́вая суди́те, сы́нове челове́чести. ³И́бо в се́рдце беззаконіе де́лаете на землі́, непра́вду ру́ки ва́-

ша сплетают. ⁴Очуждишася грѣшницы от ложесн, заблудиша от чрева, глаголаша лжу. ⁵Ярость их по подобию змиину, яко аспида глуха и затыкающаго уши свой, ⁶иже не услышит гласа обавяющих, обаваемь обавается от премудра. ⁷Бог сокрушит зубы их во устех их, членовныя львов сокрушил есть Господь. ⁸Уничжатся яко вода мимо текущая, напряжет лук Свой, дондеже изнемогут. ⁹Яко воск растаяв отымутся, падет огонь на них и не видеша солнца. ¹⁰Прежде еже разумети терния вашего рамна, яко

живы, яко во гнѣве пожрет я. ¹¹Возвеселится праведник, егда увидит отмщение, рuce свой умьет в крови грешника. ¹²И речет человек: аще убо есть плод праведнику, убо есть Бог судя им на земли.

Слава:

**¹В конец, да не растлиши,
Давиду в столпописание, внегда
посла Саул, и стрже дом его,
еже умервити его, 58**

²Измй мя от враг моих, Боже, и от востающих на мя избави мя. ³Избави мя от делющих беззаконие и от муж кровей спаси мя. ⁴Яко

се улови́ша ду́шу мою́, на-
падо́ша на мя крѣпцыи, ни-
же беззакóние моѐ, ниже́ грех
мой, Го́споди. ⁵Без беззакó-
ния текóх и испрáвих, вос-
та́ни в срѣтение моѐ и виждь.
⁶И ты, Го́споди Бо́же сил,
Бо́же Изра́илев, вонми́ посе-
ти́ти вся язы́ки, да не уще́дри-
ши вся де́лающыя беззакóние.
⁷Возвратя́тся на ве́чер и взáл-
чут, я́ко пес, и обы́дут град.
⁸Се тии́ отвещáют усты́ сво-
и́ми, и меч во устна́х их, я́ко
кто слы́ша? ⁹И Ты, Го́споди,
посме́ешия им, уничижи́ши
вся язы́ки. ¹⁰Держáву мою́ к
Тебе́ сохраню́, я́ко Ты, Бо́же,

Засту́пник мой еси́. ¹¹Бог мой,
ми́лость Его́ предвари́т мя,
Бог мой, яви́т мне на вразѣх
мои́х. ¹²Не убий их, да не ког-
да забúдут закóн Твой, расто-
чи́ я́ си́лою Твоею́ и низведи́
я́, Защи́тнице мой, Го́споди.
¹³Грех уст их, сло́во устен их, и
я́ти да бúдут в горды́ни своѐй,
и от кля́твы и лжи возвестя́т-
ся в кончи́не. ¹⁴Во гнѣве кон-
чи́ны, и не бúдут и увѣдят, я́ко
Бог вла́дычествует Иа́ковом
и концы́ земли́. ¹⁵Возвратя́тся
на ве́чер, и взáлчут, я́ко пес, и
обы́дут град. ¹⁶Тии́ разы́дутся
я́сти. А́ще ли же не насы́тят-
ся, и порóпшут. ¹⁷Аз же вос-

пою силу Твою и возрадуюся
заўтра о мѣлости Твоей, яко
был еси Заступник мой и при-
бежище мое в день скорби мо-
ей. ¹⁸Помощник мой еси, Тебе
пою: яко Бог Заступник мой
еси, Бже мой, мѣлость моя.

¹В конец, о изменитися хотящих,
в столпописание Давиду,
в научение, ²внегда сожже
средоречие Сирийское, и Сирию
Совальскую, и возвратися
Иоав, и поразит Едома в дебри
Солей дванадесять тысяч, 59

³Бже, отринул ны еси и
низложил еси нас, разгне-
вался еси, и ущедрил еси нас.

⁴Стрясл еси землю и смутил
еси ю, исцели сокрушение ея,
яко подвижеся. ⁵Показал еси
людем Твоим жестокая, на-
поил еси нас вином умиле-
ния. ⁶Дал еси боящимся Тебе
знамение, еже убежати от
лица лука. ⁷Яко да избавят-
ся возлюбленнии Твои, спа-
си десницею Твоею и услыши
мя. ⁸Бог возглагола во святем
Своем: возрадуюся и разделю
Сикиму, и юдоль жилищ раз-
мерю. ⁹Мой есть Галаад, и Мой
есть Манассий, и Ефрем —
крепость главы Моея, Иуда —
царь Мой. ¹⁰Моав — коноб
упования Моего, на Идумею

простру́ сапо́г Мой, Мне иноплемённицы покорíша-ся. ¹¹Кто введёт мя во град ограждёния? Или́ кто наста́вит мя до Идуме́и? ¹²Не Ты ли, Бо́же, отрíнувший нас? И не изы́деши, Бо́же, в силах на́ших? ¹³Даждь нам по́мощь от ско́рби, и су́етно спасе́ние челове́ческо. ¹⁴О Бо́зе со-творим́ си́лу, и Той уничижи́т стужа́ющыя нам.

**¹В ко́нec, в пёcнec,
Дави́ду, псалом 60**

²Услы́ши, Бо́же, моле́ние моё, вонми́ моли́тве моёй. ³От ко́нec земли́ к Тебе́ воззва́х,

внегда́ уны́ се́рдце моё, на ка́мень вознёсл мя еси́, наста́вил мя еси́. ⁴Я́ко был еси́ упова́ние моё, столп крёпости от лица́ вра́жия. ⁵Вселю́ся в селе́нии Твоём во ве́ки, покрýюся в кро́ве крил Твои́х. ⁶Я́ко Ты, Бо́же, услы́шал еси́ моли́твы моя́, дал еси́ достоя́ние боя́щимся и́мене Твоего́. ⁷Дни на дни ца́ревы приложи́ши, ле́та его́ до дне ро́да и ро́да. ⁸Пребу́дет в век пред Бо́гом, ми́лость и и́стину Его́ кто взы́щет? ⁹Та́ко воспою́ и́мени Твоему́ во ве́ки, возда́ти ми моли́твы моя́ день от дне.

Слава:

¹В конѣц,
о Идифуме, псалом Давиду, 61

²Не Богу ли повинѣтся душа моя? От Того бо спасѣние мое. ³Ибо Той Бог мой и Спас мой, Заступник мой, не подвижуся наипаче. ⁴Докóле належитѣ на человека? Убиваете вси вы, яко стѣне преклонѣне, и оплоту возриновѣну. ⁵Обаче цѣну мою совещаша отринути, текóша в жажди, усты своими благословляху и сердцем своим кленяху. ⁶Обаче Богу пови́нися, душе моя, яко от Того терпѣние мое. ⁷Ибо Той Бог мой и Спас мой, Заступник

мой, не преселюся. ⁸О Бóзе спасѣние мое и слава моя, Бог по́мощи моея, и упованіе мое на Бóга. ⁹Уповайте на Него весь сонм людѣй, излийте пред Ним сердца ваша, яко Бог Помощник наш. ¹⁰Обаче суетни сынове чело́вечести, лживи сынове чело́вечести в мѣрилах еже неправдовати, тии от суеты вкупѣ. ¹¹Не уповайте на неправду и на восхищѣние нежелайте. Богатство аще течѣт, не прилагайте сердца. ¹²Единою глагола Бог, двоя сия слышах, занѣ держава Бóжия, ¹³и Твоя, Гóсподи,

милость, яко Ты воздаси кому́ждо по делом егó.

**¹Псалом Давиду,
внегда быти ему́ в пустыни
Иудейстей, 62**

²Бóже, Бóже мой, к Тебé у́тренюю, возжада́ Тебé душа́ моя́, коль мно́жицею Тебé плоть моя́, в земли́ пúсте и непроходне, и безводне. ³Тако во святém явixся Тебé, видети́ силу́ Твою́ и сла́ву Твою́. ⁴Яко́ лúчши милость Твоя́ па́че живóт, устне́ мои́ похва́лите Тя. ⁵Тако́ благословлю́ Тя в животé моём, о́ имени Твоём воздежу́ рúце мои́. ⁶Яко́ от ту́-

ка и ма́сти да испóлнится душа́ моя́, и устна́ма ра́дости восхва́лят Тя уста́ моя́. ⁷Аще помина́х Тя на постéли моёй, на у́тренних поуча́хся в Тя. ⁸Яко́ был еси́ Помóщник мой, и в крове́ крилу́ Твоею́ возра́дуюся. ⁹Прильпé душа́ моя́ по Тебé, менé же прият десни́ца Твоя́. ¹⁰Тии́ же всúе иска́ша дúшу мою́, вни́дут в преиспóдня земли́, ¹¹предадýтся в рúки ору́жия, ча́сти ли́совом бúдут. ¹²Царь же возвеселит́ся о́ Бóзе, похва́лится всяк кленый́ся Им, яко́ заградíшася уста́ глаго́лющих неправедная́.

¹В концѣ, псаломъ Давиду, 63

²Услыши, Бóже, глас мой, внигда моли́ти ми ся к Тебѣ, от стра́ха вра́жия изми́ ду́шу мою́. ³Покрый́ мя от со́нма лука́внующих, от мно́жества де́лающих неправду. ⁴Иже изо́стри́ша, я́ко мечь, язы́ки своя́, наприяго́ша лук свой, вещь го́рьку, ⁵состреля́ти в та́йных непоро́чна, вниза́пу состреля́ют его́ и не убо́ятся. ⁶Утверди́ша себѣ сло́во лука́вое, поведа́ша скрýти сеть, рѣша: кто у́зрит их? ⁷Испыта́ша беззакóние, исчезо́ша испытáющии испытáния, присту́пители челове́к, и се́рдце глубо-

ко́, ⁸и вознесѣтся Бог. Стрѣлы младе́нец бы́ша я́звы их, ⁹и изнемо́гоша на ня язы́цы их. Смути́шася вси ви́дящии их, ¹⁰и убо́ятся всяк челове́к, и возвести́ша дела́ Бóжия, и творѣния Его́ разумѣша. ¹¹Возвеселит́ся пра́ведник о Го́споде и упова́ет на Него́, и похва́лят́ся вси пра́вии се́рдцем.

Слава:

По 8-й кафисме:

Трисвятое. Пресвятая
Троице... Отче наш...

Таже тропари, глас 5: Во
глубины́ мя греха́ поплзша-

ся, треволнение обуреваёт отчаяния, но предвари, Христэ, яко всесылен, Управителю всех, и ко пристанищу тихому устремі безстрастия, за благоутробию, Спасе, и спасі мя.

Слава: Душе, яже zde привременна, тамо же вечна, зрю судилище, и на Престоле Судию, и трепещу изречения; прочее, душе, обрати́ся, суд непрощаемь.

И ныне: Надежде ненадежных, помощи беспомощных, заступление на Тя уповающих, святая Владычице Богородице, помощь Твою низпосли́ нам.

Господи, помилуй (40)

и молитва:

Господи щедрый и милостивый, Долготерпеливе и Многомилостиве, внуши́ молитву и вонми́ гласу моления моего: сотвори́ со мною знамение во благо, настави́ мя на путь Твой, еже ходити во истине Твоей, возвесели́ сердце мое, во еже бояться имене Твоего святого, занеже велий еси́, и творя́й чудеса. Ты еси́ Бог еди́н, и несть подобен Тебе́ в бозех, Господи, сильный в милости, и благий в крепости, во еже помогати

и утешáти, и спасáти вся упо-
вáющыя на íмя Твое, Отцá
и Сýна и Святаго Дýха, ны-
не и прýсно, и во вéки векóв,
амíнь.

∨ 7∨

Кафисма девятая

¹В концé,
псалóм пéсни Давíду,
песнь Иеремíева и Иезекíилева,
людéй преселéния, егда хотя́ху
исходíти, 64

²Тебé подобáет песнь,
Бóже, в Сиóне, и Тебé воздá-
тся молíтва во Иерусали́ме.
³Услы́ши молíтву мою́, к
Тебé всяка плоть при́дет.
⁴Словеса́ беззакóнник пре-
мого́ша нас, и нечéстия на́-
ша Ты очíстиши. ⁵Блажéн,

его́же избра́л еси́ и прия́л, вселится́ во двóрех Твои́х. Испóлнимся во благи́х до́му Твоего́, свят храм Твой, ⁶ди́вен в пра́вде. Услы́ши ны, Бо́же, Спаси́телю наш, упова́ние всех концев земли́, и су́щих в мо́ри далече, ⁷уготовля́яй го́ры крѣпостию Своєю́, препоя́сан си́лою, ⁸смуща́яй глубинú морскую́, шу́му волн его́ кто постои́т? Смяту́тся язы́цы, ⁹и убо́ятся живу́щие в конца́х от зна́мений Твои́х, исхо́ды у́тра и ве́чера украси́ши. ¹⁰Посети́л еси́ зе́млю и упои́л еси́ ю́, умно́жил еси́ обогати́ти ю́. Река́ Бо́жия на-

по́лнися вод. Угото́вал еси́ пи́щу им, я́ко та́ко [есть] уго́тование. ¹¹Бразды́ ея́ упо́й, умно́жи жи́та ея́, в ка́плях ея́ возвеселится́ возсия́ющи. ¹²Благослови́ши венéц ле́та бла́гости Твоея́, и поля́ Твоя́ исполняются ту́ка, ¹³разботе́ют кра́сная пусты́ни, и ра́достию хо́лми препоя́шутся. ¹⁴Оде́яшася о́вни о́вчии, и удо́лия умно́жат пше́ницу, воззову́т, и́бо воспою́т.

¹В конце́,
песнь псалма́ воскресения, 65

²Воскли́кните Го́сподеви,
вся земля́, по́йте же и́мени

Его́, дадите́ сла́ву хвалé Его́.
³Рцѣ́те Бо́гу: коль стра́шна
делá Твоя́? Во мно́жестве си́-
лы Твоея́ со́лжут Тебе́ вра-
зи́ Твой. ⁴Вся земля́ да пок-
ло́нится Тебе́ и поёт Тебе́,
да поёт же́ имени Твоему́,
Вы́шний. ⁵Приидите́ и ви́-
дите делá Бо́жия, коль стра́-
шен в совéтах па́че сыно́в че-
ловéческих. ⁶Обра́щай мо́ре
в су́шу, в реце́ про́йдут но-
га́ми, та́мо возвесели́мся о
Нем, ⁷влады́чествующем си́-
люю Своёю ве́ком. Очи́ Его́ на
язы́ки призира́ете, преогор-
чевáющи да не возно́сятся
в себе́. ⁸Благослови́те, язы́цы,

Бо́га на́шего и услы́шан со-
твори́те глас хвалы́ Его́, ⁹по-
ло́жшаго ду́шу мою́ в живóт
и не да́вшаго во смятéние ног
мои́х. ¹⁰Я́ко искусил ны еси́,
Бо́же, разже́гл ны еси́, я́коже
разжизáется сребро́. ¹¹Ввел ны
еси́ в сеть, положи́л еси́ скóр-
би на хребтé на́шем. ¹²Возвёл
еси́ челове́ки на главы́ на́ша,
проидóхом сквозé огонь и во́-
ду, и извёл еси́ ны в поко́й.
¹³Вни́ду в дом Твой со́ всесо-
жже́нием, возда́м Тебе́ моли́т-
вы моя́, ¹⁴я́же изрекóсте устне́
мои́, и глаго́лаша уста́ моя́ в
скóрби моёй, ¹⁵всесожже́ния
ту́чна вознесу́ Тебе́ с кади́лом,

и овны́, вознесу́ Тебе́ во́лы с козлы́. ¹⁶Прииді́те, услы́шите, и повѣ́м вам, вси бо́ящіися Бо́га, е́лика сотвори́ души́ моѣ́й. ¹⁷К Нему́ усты́ мо́ими воззва́х и вознесо́х под язы́ком мо́им. ¹⁸Непра́вду а́ще узрѣх в се́рдце мо́ем, да не услы́шит мене́ Госпо́дь. ¹⁹Сего́ ра́ди услы́ша мя Бог, внят гла́су моле́ния моего́. ²⁰Благослове́н Бог, И́же не отста́ви моли́тву мою́ и ми́лость Свою́ от мене́.

**¹В ко́нec, в пе́снec,
псалом пе́сни Дави́ду, 66**

²Бо́же, ущедри ны и благослови́ ны, просвети́ ли-

це́ Твое́ на ны и поми́луй ны. ³Позна́ти на землі́ путь Твой, во всех язы́цех спасе́ние Твое́. ⁴Да испове́дятся Тебе́ лю́дие, Бо́же, да испове́дятся Тебе́ лю́дие вси. ⁵Да возвеселя́тся и да возра́дуются язы́цы, я́ко су́диши лю́дем правото́ю и язы́ки на землі́ наста́виши. ⁶Да испове́дятся Тебе́ лю́дие, Бо́же, да испове́дятся Тебе́ лю́дие вси. ⁷Земля́ даде́ плод свой, благослови́ ны, Бо́же, Бо́же наш, ⁸благослови́ ны, Бо́же, и да убоятся Его́ вси концы́ землі́.

Слава:

**¹В концѣ,
псалом пѣсни Давиду, 67**

²Да воскреснет Бог, и расточатся вразѣ Его, и да бѣжат от лица Его ненавидящии Его. ³Яко исчезает дым, да исчезнут, яко тает воск от лица огня, тако да погибнут грѣшницы от лица Божия, ⁴а праведницы да возвеселятся, да возрадуются пред Богом, да насладятся в веселии. ⁵Воспойте Богу, пойте имени Его, путешествуйте возшедшему на запады; Господь имя Ему, и радуйтесь пред Ним. ⁶Да смятутся от лица Его, Отца сирых

и Судий вдовиц: Бог в месте святем Своѣм. ⁷Бог вселяет единомысленныя в дом, изводя окованныя мужеством, такожде преогорчающыя живущыя во гробѣх. ⁸Бже, внигда исходити Тебѣ пред людьми Твоими, внигда мимоходити Тебѣ в пустыни, ⁹земля потрясѣся, ибо небеса кануша от лица Бога Синаина, от лица Бога Израилева. ¹⁰Дождь волен отлучиши, Бже, достоянию Твоему и изнеможе, Ты же совершил еси ѣ. ¹¹Животная Твоя живут на ней, уготовал еси благодостию Твоею

нищему, Бо́же. ¹²Госпо́дь даст глаго́л благовествующим си́лою мно́гою. ¹³Царь сил возлю́бленнаго, красото́ю до́му разделити коры́сти. ¹⁴Аще поспите́ посреде́ предѣл, криле́ голубине́ посре́брене, и междора́мия ея́ в блещáнии зláта. ¹⁵Внегда́ разнствит Небесный ца́ри на ней, оснежа́тся в Селмо́не. ¹⁶Гора́ Бо́жия, гора́ тучная, гора́ усyreнная, гора́ тучная. ¹⁷Вску́ю непщуете́ горы усyreнныя? Гора́, ю́же благово́ли Бог жи́ти в ней, и́бо Госпо́дь вселится́ до конца́. ¹⁸Колесни́ца Бо́жия тма́-

ми тем, ты́сяща гобзую́щих, Госпо́дь в них в Сина́и во святѣм. ¹⁹Возше́л еси́ на вы́соту, плени́л еси́ плен, при́ял еси́ дая́ния в челове́цах, и́бо не покаря́ющыяся, е́же вселити́ся. ²⁰Госпо́дь Бог благослове́н, благослове́н Госпо́дь день дне, поспешит́ нам Бог спасе́ний на́ших. ²¹Бог наш, Бог е́же спаса́ти, и Госпо́дня, Госпо́дня исхо́дища сме́ртная. ²²Оба́че Бог сокруши́т главы́ враго́в Свои́х, верх влас прехо́дящих в прегреше́ниях свои́х. ²³Рече́ Госпо́дь: от Васана́ обращу́, обращу́ во глубина́х

морских. ²⁴Яко да омочится нога Твоя в крови, язык пес твоих, от враг от него. ²⁵Видена была шествия Твоя, Боже, шествия Бога моего Царя, Иже во Святом, ²⁶предваряша князи близ поющих, посреде дев тимпанниц. ²⁷В церквах благословите Бога, Господа от источник Израилевых. ²⁸Тамо Вениамин юнейший во ужасе, князи Иудовы владыки их, князи Завулони, князи Неффалимли. ²⁹Заповеждь, Боже, силою Твоею, укрепи, Боже, сие, еже соделал еси в нас. ³⁰От храма Твоего

во Иерусалим Тебе принесут царие дары. ³¹Запретит зверем тростным, сонм юнец в юницах людских, еже затворити искушенные серебром, расточит языки хотящия бранем. ³²Придут молитвенницы от Египта, Ефиопиа предварит руку свою к Богу. ³³Царства земная, пойте Богу, воспойте Господеву, ³⁴возшедшему на Небо небесе на востоки, се даст гласу Своему глас силы. ³⁵Дадите славу Богу, на Израили велелепота Его, и сила Его на облацех. ³⁶Дивен Бог во святых Своих, Бог Израилев:

Той даст силу и державу людем Своим, благословен Бог.

Слава:

**¹В конц,
о изменшихся,
псалом Давиду, 68**

²Спаси, мя, Бóже, яко внидоша воды до души моея.
³Углебох в тимении глубины, и несть постояния. Приидох во глубины морския, и буря потопи мя.
⁴Утрудихся зовый, измолче гортань мой, исчезоште очи мой, от еже уповати ми на Бóга моего.
⁵Умножишася паче влас главы моея ненавидящии мя ту-

не, укрепишася врази мой, изгонящии мя неправедно: яже не восхихах, тогда воздах.
⁶Бóже, Ты уведел еси безумие мое, и прегрешения моя от Тебе не утайшася.
⁷Да не постыдятся о мне терпящии Тебе, Гóсподи, Гóсподи сил, ниже да посрамятся о мне ищущии Тебе, Бóже Израилев.
⁸Яко Тебе ради претерпех поношение, покры срамота лице мое.
⁹Чуждь бых братии моей, и странен сыновом матери моея.
¹⁰Яко ревность дому Твоего снede мя, и поношения поносящих Ти на-

падоша на мя. ¹¹И покрѣх постомъ дѹшу мою, и бысть в поношеніе мне, ¹²и положѣх одеяніе мое врѣтище, и бых им в прѣтчу. ¹³О мне глумляхуся седящи во вратѣх, и о мне пояху пиющи вино. ¹⁴Аз же молитвою моею к Тебѣ, Бѣже, время благоволенія, Бѣже, во множестве мѣлости Твоея услыши мя, во истинѣ спасенія Твоего. ¹⁵Спаси мя от брѣнїя, да не углѣбну, да избавлюся от ненавѣдящих мя и от глубоких вод. ¹⁶Да не потопит мене буря водная, ниже да пожрет мене глубина, ниже сведет

о мне ровѣнник уст своих. ¹⁷Услыши мя, Господи, яко блага мѣлость Твоя, по множеству щедрот Твоихъ прѣзри на мя. ¹⁸Не отврати лица Твоего от отрока Твоего, яко скорблю, скоро услыши мя. ¹⁹Вонми души моей, и избави ю, враг моихъ ради избави мя. ²⁰Ты бо веси поношеніе мое и студ мой, и срамоту мою: пред Тобою вси оскорбляющїи мя. ²¹Поношеніе чаяше душа моя, и страсть и ждахъ соскорбящаго, и не бѣ, и утешающихъ, и не обретохъ. ²²И даша в снедь мою желчь, и в жажду мою напоиша мя

о́цта. ²³Да б́удет трапéза их пред н́ими в сеть, и в возда́ние, и в собла́зн. ²⁴Да помрача́тся о́чи их, е́же не ви́дети, и хребéт их в́ину сляцý. ²⁵Пролéй на ня гнев Твой, и я́рость гнéва Твоегó да пости́гнет их. ²⁶Да б́удет двор их пуст, и в жили́щах их да не б́удет живýй. ²⁷Занé егóже Ты порази́л еси́, т́ии погна́ша, и к болéзни язв мо́их приложи́ша. ²⁸Приложи́ беззакóние к беззакóнию их, и да не вни́дут в правду Твою́. ²⁹Да потреба́тся от кн́иги живýх и с праведными да не напи́шутся. ³⁰Нищ

и боля́й есмь аз: спасéние Твое́, Бóже, да при́мет мя. ³¹Восхвалю́ и́мя Бóга моего́ с пéснию, возвели́чу Егó во хвалéнии: ³²и угóдно б́удет Бóгу па́че тельца́ ю́на, ро́ги износя́ща и па́знокти. ³³Да у́зрят ни́щии и возвеселя́тся: взыщ́ите Бóга, и жива́ б́удет душа́ ва́ша. ³⁴Яко услы́ша убо́гия Господь и оковáнныя Сво́я не уничи́жи. ³⁵Да восхва́лят Егó небеса́ и земля́, мо́ре и вся живу́щая в нем. ³⁶Яко Бог спасéт Си́она, и сози́ждутся гра́ди Иудéйстии, и вселя́тся та́мо, и насле́дят и́, ³⁷и се́мя рабо́в

Твоих удержит и, и любящими
имя Твое вселятся в нем.

¹ В концѣ,

Давиду в воспоминание,
во еже спасти мя Господу, 69

²Бóже, в по́мощь мою вон-
ми, Господи, помощі ми по-
тщися. ³Да постыдятся и по-
срамятся ищущи дúшу мою,
да возвратятся вспять и пос-
тыдятся хотящии ми злая.
⁴Да возвратятся áбие стыдя-
щиеся глаголющии ми: бла-
гоже, благоже. ⁵Да возраду-
ются и возвеселятся о Тебѣ
вси ищущи Тебѣ, Бóже, и
да глаголют вѣну, да воз-

величится Господь, любя-
щими спасение Твое. ⁶Аз же
нищ есмь и убог, Бóже, по-
мози ми; Помощник мой
и Избавитель мой еси Ты,
Господи, не закосни.

Слава:

По 9-й кафисме:

Трисвятое. Пресвятая
Троице... Отче наш...

Таже тропари, глас 6: По-
мышляю день страшный и
плачу деяний моих лукавых,
како отвещаю Безсмертному
Царю? Или коим дерзнове-
нием воззрю на Судию, блуд-

ный аз? Благоутрѣбный Отче, Сыне Единородный, Душе Святыи, помилуй мя.

Слава: Во юдоли плачевне, на месте, еже завещал еси, егда сядеши, Милостиве, сотвори ти праведный суд, не обличи моя сокровенная, ниже посрами мене пред Ангелы, но пощади мя, Боже, и помилуй мя.

И ныне: Упование и покров державный к Тебе притекающих, Богородительнице, благое предстательство мира, моли со безплотными прилежно, Егоже родила еси человеколюбнейшаго Бога, из-

бавитися душам нашим от всякаго прещенія, едина Благословенная.

Господи, помилуй (40)
и молитва:

Владыко Господи, Боже наш, Иже един окаянныя моея души недуг и сея исцеление ведый, исцели ю, якоже веси, ради множества милости Твоея и щедрот Твоих, понеже от дел моих несть пластыря приложити ей, ниже елеа, ни обязанности, но Ты, пришедый не праведныя призвати, но грешныя в

покаяние, помилуй, ущедри, прости ю, раздери рукописание многих моих и студных деяний и настави мя на правый путь Твой, да, ходяй во истине Твоей, возмогу избежати стрел лукаваго и сице предстану неосужденно пред страшным Престолом Твоим, славя и воспевая Пресвятое Твое имя во веки, аминь.

∨ 7∨

Кафисма десятая

Давиду псалом,
сынóв Ионадавовых и пёрвых
плёншихся, не надписан
у еврей, 70

¹На Тя, Господи, уповах, да не постыжуся в век.
²Правдою Твоею избави мя и изми мя, приклони ко мне ухо Твое и спаси мя.
³Буди ми в Бога Защитителя и в место крепко спасти мя, яко утверждение мое и прибежище мое

еси Ты. ⁴Бóже мой, избáви мя из рúки грéшнаго, из рúки законопрестúпнаго и обидящаго, ⁵яко Ты еси терпéние моé, Гóсподи, Гóсподи, уповáние моé от юности моея. ⁶В Тебé утвердихся от утрóбы, от чрэва мáтере моея Ты еси мой покровитель: о Тебé пéние моé вьну. ⁷Яко чúдо бых мнóгим, и Ты помóщник мой крéпок. ⁸Да испóлнятся уста моя хвалéния, яко да воспою славу Твою, весь день великолéпии Твоé. ⁹Не отвéржи менé во врéмя стáрости, внигда оскудевати крéпости моéй, не оста́ви менé. ¹⁰Яко

рéша врази́ мойí мне, и стрегу́щии дúшу мою́ совещáша вку́пе, ¹¹глагóлюще: Бог оста́вил есть егó, пожените и имите егó, яко несть избавляяй. ¹²Бóже мой, не удалися от менé, Бóже мой, в помóщь мою́ вонми. ¹³Да постыдятся и исчéзнут оклеветáющии дúшу мою́, да облекýтся в студ и срам ищущии злáя мне. ¹⁴Аз же всегда́ возуповаю на Тя и приложу́ на всяку похвалу́ Твою. ¹⁵Уста́ моя́ возвестя́т правду Твою́, весь день спасéние Твоé, яко не познáх книжная. ¹⁶Вниду в силе Госпóдни, Гóсподи, помяну́

правду Тебѣ Единаго. ¹⁷Бóже мой, ѿмже научилъ мя еси отъ юности моея, и до ныне возвещу чудеса Твоя, ¹⁸и даже до старости и престарѣния, Бóже мой, не остави мене, дондеже возвещу мышцу Твою роду всему грядущему, ¹⁹силу Твою и правду Твою, Бóже, даже до вышнихъ, яже сотворилъ ми еси величия. Бóже, кто подобенъ Тебѣ? ²⁰Елики явилъ ми еси скорби многи и злы, и обращаяся оживотворилъ мя еси, и отъ безднъ земли возвелъ мя еси. ²¹Умножилъ еси на мене величествіе Твое, и обращаяся утѣшилъ мя еси, и отъ безднъ

земли паки возвелъ мя еси. ²²Ибо азъ исповѣмся Тебѣ в людехъ, Гóсподи, в сосудехъ псаломскихъ истину Твою, Бóже, воспую Тебѣ в гуслехъ, Святыи Израилев. ²³Возрадуется устне мои, егда воспую Тебѣ, и душа моя, юже еси избавилъ. ²⁴Еще же и языкъ мой весь день поучится правде Твоей, егда постыдятся и посрамятся ищущи злая мне.

**О Соломоне,
псаломъ Давиду, 71**

¹Бóже, судъ Твой цареви даждь, и правду Твою сыну цареву: ²судити людемъ Твоимъ

в правде, и нищим Твоим в суде. ³Да восприимут горы мир людем, и холми правду. ⁴Судит нищим людским, и спасет сыны убогих и смирит клеветника. ⁵И пребудет с солнцем, и прежде луны рода родов. ⁶Снидет яко дождь на руно, и яко капля, каплющая на землю. ⁷Воссияет во днех его правда и множество мира, дондеже отымет-ся луна. ⁸И обладает от моря до моря, и от рек до конец вселенных. ⁹Пред ним припадут Ефиопляне, и врази его персть полижут. ¹⁰Царие Фарсийстии и острови дары

принесут, царие Аравстии и Сава дары приведут: ¹¹и поклонятся ему вси царие земсти, вси языцы поработают ему. ¹²Яко избави нища от сильна, и убога, емуже не бе помощника. ¹³Пощадит нища и убога, и души убогих спасет: ¹⁴от лихвы и от неправды избавит души их, и честно имя его пред ними. ¹⁵И жив будет, и дастся ему от злата Аравийска, и помолятся о нем вину, весь день благословят его. ¹⁶Будет утверждение на земли на версех гор, превознесется паче Ливана плод его: и процветут от града яко

травá земная. ¹⁷Будет имя его́ благословено во веки, прежде солнца пребывает имя его́, и благословятся в нем вся колена земная, вси языцы ублажат его́. ¹⁸Благословен Господь Бог Израилев, творяй чудеса́ еди́н. ¹⁹И благословено имя славы Его́ во век и в век века, и исполнится славы Его́ вся земля: буди, буди.

Слава:

Оскудеша пѣсни Дави́да, сына Иессеова. Псалом Аса́фу, 72

¹Коль благ Бог Израилев, правым сердцем. ²Мой же вма́ле не подвижа́стеся но́зе:

вма́ле не проли́яшася стопы́ моя. ³Яко возревновáх на беззаконныя, мир грѣшников зря. ⁴Яко несть восклонения в смѣрти их, и утверждения в ране их, ⁵в трудѣх человѣческих не суть, и с челове́ки не примут ран. ⁶Сего́ ради удержа́ я горды́ня их до конца́: одѣяшася неправдою и нечестием своим. ⁷Изыдет́ яко из ту́ка неправда их, преидо́ша в любовь́ сердца. ⁸Помыслиша и глаго́лаша в лукавстве, неправду в высоту́ глаго́лаша. ⁹Положи́ша на небеси́ уста́ своя, и язык их прѣйде по землі. ¹⁰Сего́ ра-

ди обратятся людие мой се-
мо, и дние исполнени обря-
щутся в них. ¹¹И рѣша: како
увѣде Бог? И аще есть разум
в Вышнем? ¹²Се сии грѣшни-
цы и гобзующии в век, удерж-
жаша богатство. ¹³И рех: еда
всѹе оправдих сердце мое
и умых в неповинных руке
мой, ¹⁴и бых язвен весь день,
и обличение мое на утрен-
них. ¹⁵Аще глаголах, повѣм
тако: се роду сынов Твоих,
емуже обещахся, ¹⁶и непще-
вах разумети: сие труд есть
предо мною, ¹⁷дондеже вниду
во святило Божие и разумѣю
в послѣдняя их. ¹⁸Обаче за

льщения их положил еси им
злая, низложил еси я, внегда
разгордѣшася. ¹⁹Како быша в
запустение? Внезапу исчезо-
ша, погибоша за беззаконие
свое. ²⁰Яко соние востающа-
го, Господи, во граде Твоём
образ их уничижиши. ²¹Яко
разжжѣся сердце мое, и утробы
моя изменишася. ²²И аз
уничижен и не разумѣх, скотен
бых у Тебѣ. ²³И аз вы-
ну с Тобю, удержал еси руку
десную мою, ²⁴и советом
Твоим наставил мя еси, и со
славою приял мя еси. ²⁵Что
бо ми есть на небесѣ? И от
Тебѣ что восхотѣх на зем-

ли? ²⁶Исчезе сердце мое и плоть моя, Боже сердца моего, и часть моя, Боже, во век. ²⁷Яко се удаляющие себе от Тебе, погибнут; потребил еси всякаго любодёущаго от Тебе. ²⁸Мне же прилепятся Богу благо есть, полага́ти на Господа упование мое, возвестити ми вся хвалы Твоя во вратех дщере Сиони.

Разума Асафу, 73

¹Вскую, Боже, отринул еси до конца? Разгневался ярость Твоя на овцы пажити Твоея? ²Помяни сонм Твой, его же стяжал еси исперва, из-

бавил еси жезлом достояния Твоего, гора Сион сия, в ней же вселился еси. ³Воздвигни рuce Твой на гордыни их в конец, елика лукавнова враг во святем Твоем. ⁴И восхвалишася ненавидящие Тя посреде праздника Твоего, положиша знамения своя, знамения, и не познаша, ⁵яко во исходе превыше, яко в дубра́ве древяне секирами разсекоша. ⁶Двери его вкупе: сечивом и оскордом разрушиша и. ⁷Возгoша огнем святило Твое, на земли оскверниша жилище имене Твоего. ⁸Реша в сердце сво-

ём южики их вкупе: приидите и отставим вся праздники Божия от земли. ⁹Знамения их не видехом: несть кому пророка, и нас не познает ктому. ¹⁰Докóле, Бóже, понóсит враг? Раздражит противный имя Твое до конца? ¹¹Вскую отвращаеши руку Твою и десницу Твою от среды недра Твоего в конец? ¹²Бог же Царь наш прежде века содела спасение посреде земли. ¹³Ты утвердил еси силу Твоею море, Ты стерл еси главы змиев в воде, ¹⁴Ты сокрушил еси главу змиеву, дал еси того бращ-

но людем Ефиопским. ¹⁵Ты расторгл еси источники и потоки, Ты изсушил еси реки Ифамския. ¹⁶Твой есть день, и Твоя есть ночь: Ты совершил еси зарю и солнце. ¹⁷Ты сотворил еси вся пределы земли, жатву и весну Ты создал еси я. ¹⁸Помяни сия: враг поноси Господеви, и людие безумнии раздражиша имя Твое. ¹⁹Не предаждь зверем душу, исповедающуюся Тебе, душ убогих Твоих не забуди до конца. ²⁰Призри на завет Твой, яко исполнишася помраченнии земли домов беззаконий. ²¹Да не возвратит-

ся смиренный посрамлен,
нищ и убог восхвалита имя
Твое. ²²Востани, Боже, суди
прю Твою, помяни поноше-
ние Твое, еже от безумнаго
весь день. ²³Не забуди гласа
молитвенник Твоих, гордыня
ненавидящих Тя взыде выну.

Слава:

**¹В конец, да не растлиши,
псалом песни Асафу, 74**

²Исповемся Тебе, Боже,
исповемся Тебе, и призовем
имя Твое; повем вся чудеса
Твоя. ³Егда прииму время, аз
правоты возсужду. ⁴Растаяся
земля и вси живущии на ней,

аз утвердих столпы ея. ⁵Рех
беззаконующим, не безза-
конуйте: и согрешающим,
не возносите рога, ⁶не воз-
двизайте на высоту рога ва-
шего, и не глаголите на Бога
неправду: ⁷яко ниже от исход,
ниже от запад, ниже от пус-
тых гор. ⁸Яко Бог Судия есть:
сего смиряет, и сего возносит.
⁹Яко чаша в руке Господни,
вина не растворена, исполнь
растворения, и уклони от сея
в сию: обаче дрождие его не
истощися, испиют вси греш-
нии земли. ¹⁰аз же возра-
дуюся в век, воспою Богу
Иаковлю: ¹¹и вся роги греш-

ных сломлю́, и вознесётся рог
пра́веднаго.

**¹В концѣ,
в пѣснях, псаломъ Асафу,
песнь ко ассирианину, 75**

²Вѣдом во Иудѣи Бог: во
Израи́ли вѣлие́ имя́ Его́.
³И бысть в ми́ре мѣсто́ Его́
и жили́ще Его́ в Сио́не.
⁴Та́мо сокруши́ крѣпости лу-
ко́в, ору́жие и мечъ и брань.
⁵Просвѣща́еши Ты дѣ́вно от
гор вѣ́чных. ⁶Смято́шася вси
неразу́мнии се́рдцем: усну́ша
сномъ сво́им, и ничто́же об-
рето́ша вси му́жие богáтства
в рука́х сво́их. ⁷От запрещѣ-

ния Твоего́, Бо́же Иа́ковль,
воздрема́ша всѣдшии на ко́-
ни. ⁸Ты стра́шен еси́, и кто
противоста́нет Тебе́? Отто́ле
гнев Твой. ⁹С Небесе́ слы́-
шан сотвори́л еси́ суд: землѣ́
убо́яся, и умолча́, ¹⁰внегда́
воста́ти на суд Бо́гу, спас-
ти́ вся крѣ́ткія землі́. ¹¹Я́ко
помышлѣ́ние челове́ческое
исповѣ́тся Тебе́: и оста́нок
помышлѣ́ния прáзднует Ти.
¹²Помо́литесь и возда́дите
Го́сподеви Богу́ на́шему. Вси́
и́же о́крест Его́ прине́суть да́-
ры, ¹³стра́шному и отъѣмлю-
щему ду́хи князе́й, стра́шно-
му па́че царей́ земных́.

**¹В концѣ,
о Идифуме, псалом Асафу, 76**

²Гласом моим ко Господу
возвах, гласом моим к Богу,
и внят ми. ³В день скорби
моея Бога взысках рукама
моима, нощию пред
Ним, и не прельщен бых.
Отвержесе утешитися душа
мая. ⁴Помянух Бога и возвесе-
лихся, поглумляхся и ма-
лодушествоваше дух мой.
⁵Предваристе стражбы очи
мой: смятохся и не глагола-
х. ⁶Помыслих дни первыя,
и лета вечная помянух, и по-
учахся: ⁷нощию сердцем мо-
им глумляхся, и тужаше дух

мой: ⁸едá во веки отрнет
Господь, и не приложит бла-
говолити паки? ⁹Или до кон-
ца милость Свою отсечет,
сконча глагол от рода в род?
¹⁰Едá забудет ущедрити Бог?
Или удержит во гнѣве Своѣм
щедроты Своя? ¹¹И рех, ны-
не начах: сия измена десни-
цы Вышняго. ¹²Помянух дела
Господня, яко помяну от на-
чала чудеса Твоя, ¹³и поучуся
во всех делех Твоих, и в на-
чинаниих Твоих поглумлюся.
¹⁴Боже, во святем путь Твой:
кто бог велий яко Бог наш?
¹⁵Ты еси Бог творяй чудеса:
сказал еси в людех силу Твою,

¹⁶избáвил еси́ мýшцею Твоёю лю́ди Твоя́, сы́ны Иа́ковли и Ио́сифовы. ¹⁷Ви́деша Тя во́ды, Бо́же, ви́деша Тя во́ды, и убо́яшася: смято́шася бездны́, ¹⁸мно́жество шу́ма вод, глас да́ша о́блацы, и́бо стрéлы Твоя́ прехо́дят. ¹⁹Глас грóма Твоего́ в колесí, освети́ша мо́лния Твоя́ вселённуу: подви́жеся и трéпетна бысть земля́. ²⁰В мо́ри путиé Твой, и стези́ Твоя́ в вода́х мно́гих, и следы́ Твой не позна́ются. ²¹Настáвил еси́ я́ко о́вцы лю́ди Твоя́ руко́ю Моисе́овою и Аарóнею.

Слава:

По 10-й кафисме:

Трисвятоѣ. Пресвятаѣ
Троице... О́тче наш...

Таже тропари, глас 6:
Стра́шнаго дне прише́ствия Твоего́ ужаса́юся, Христé, и, неумы́тнаго суди́лища бо́ййся, Го́споди, ужаса́юся и трепéщу, я́ко имый мно́жество согрешéний, но прéжде конца́, я́ко мило́стив Бог, обрати́ и спаси́ мя, Спа́се мой много́милостиве.

Слава: Егда́ престóли на суд поста́вятся, Го́споди, и суди́лищу Твоему́ предстанут челове́цы, не предпочтётся

царь воина, не преимущест-
вит владыка раба: кийждо бо
от своих дел или прославит-
ся, или постыдится.

И ныне: Великих дарова-
ний, чистая Дѣво Богомати,
Ты сподобилася еси, яко ро-
дила еси плотию единого от
Троицы, Христа Жизнодавца,
во спасение душ наших.

Господи, помилуй (40)

и молитва:

Господи Боже наш, в ми-
лости богатый и в щедротах
непостижимый, единый по ес-
теству безгрешен, и нас ради

кромѣ грѣха быв Человѣк, ус-
лыши в час сей болѣзненное
моѣ сие молѣние, яко нищ
и убог есмь от дел благих, и
сѣрдце моѣ смятѣся внутрь
менѣ. Ты бо вѣси, Вышний
Царю, Господи небесѣ и зем-
ли, яко всю мою юность во
гресѣх иждих и в след похо-
тѣй плоти моея ходив, весь
смех демонов бых, весь диа-
волу послѣдовах, вину в ти-
мѣнии сластѣй валяяйся, ом-
рачився бо помышлѣнием от
младѣнства, даже и до ны-
не, никогдаже восхотѣх со-
творити волю Твою свя-
тую, но весь от наветующих

мя страстѣй пленѣвша, смех и поруганіе дѣмонов бых, никакоже во умѣ помышляяй, яко нестерпимый гнев еже на грѣшники прещенія Твоего, и лежащую геенну огненную. Якоже отсюду во отчаяніе впадѣй, и никакоже в чувствѣ обращенія быв, пуст и наг еже от Твоея дружбы бых. Кий бо вид грѣха не соделах? Кое дѣло дѣмонское не соделах? Кое деяніе студное и блудное не с преимуществом и тщаніем совершихъ? Ум воспоминаньями плотскими осквернихъ, тѣло смешеньми окаляхъ, дух сосложением

осквернихъ, всяк уд окаянный моея плоти служити и работати грѣхомъ возлюбихъ. И кто прочее не возрыдаетъ мя, окаяннаго? Кто не восплачетъ мя, осужденнаго? Аз бо единъ, Владыко, ярость Твою прогневахъ, аз единъ гнев Твой на мя разжегохъ, аз единъ лукавое предъ Тобою сотворихъ, превозшедъ и препобедивъ вся от вѣка грѣшники, несравненно погрешивый и непрощенно. Но понѣже многомилостивый, благоутробный еси, Человечколюбче, и ожидаеши человекаческаго обращенія, се и аз ввергаю себя предъ страш-

ное и нестерпимое Твое судище, и якоже пречистым Твоим ногам касаясь, из глубины души взываю Ти: очисти, Господи, прости, Благопременителю, помилуй немощь мою, приклонися недоумению моему, вонми молению моему и слез моих не премолчи, прими мя, кающагося, и заблуждаго обрати, обращающагося объими и молящагося прости. Не бо положил еси покаяние праведным, не положил еси прощения не согрешающим, но положил еси покаяние мне, грешному, в нихже в

негодование Твое содеях, наг и обнажен пред Тобою предстою, Сердцеведче Господи, исповедаяй моя грехи: не бо могу воззрети и видети высоту небесную, от тяжести грехов моих сляцаемь. Просвети убо очи сердца моего и даждь ми умиление к покаянию, и сокрушение сердца ко исправлению, да со благою надеждою и истинным уверением, к тамошнему миру пойду, хваля и благословя выину всесвятое имя Твое, Отца и Сына и Святаго Духа, ныне и присно, и во веки веков, аминь.

Кафисма перваянадесять

Разума Асафу, 77

¹Внемлите, лю́дие мой, закóну моему́, приклоните у́хо ва́ше во глаго́лы уст мо́их. ²Отвѣрзу в прѣтчѣх устѣ моѣ, провещѣю ганѣния испѣрва. ³Елика слы́шахом и познѣхом я́, и отцы́ на́ши повѣдаша нам: ⁴не утайшася от чад их в род ин, возвещѣюще хвалы́ Господни и сѣлы Егó, и чудеса́ Егó, яже сотво-

ри. ⁵И воздвѣже свидѣние во Иа́кове, и закóн положи́ во Изра́или: елика заповѣда отце́м на́шим, сказа́ти я́ сыновомъ сво́им, ⁶я́ко да позна́ет род ин, сы́нове родя́щиися, и востѣнут и повѣдят я́ сыновомъ сво́им: ⁷да положѣт на Бóга уповѣние своѣ, и не забудут дел Бóжиих, и заповѣди Егó взы́шут. ⁸Да не будут я́коже отцы́ их, род строптѣв и преогорчевѣяй, род я́же не испра́ви сѣрдца своѣго́, и не увѣри с Бóгом дýха своѣго́. ⁹Сы́нове Ефрѣмли наляца́юще и стреля́юще лúки, возвратѣшася в день брѣни: ¹⁰не

сохрани́ша завета́ Божия, и в законе́ Его́ не восхотѣша ходи́ти. ¹¹И забы́ша благодея́ния Его́, и чудеса́ Его́, яже показа́ им ¹²перед отцы́ их, яже сотвори́ чудеса́ в земли́ Египетстей, на по́ли Тана́исе. ¹³Разве́рзе мо́ре, и проведе́ их, предста́ви во́ды я́ко мех. ¹⁴И наста́ви я́ о́блаком во дни, и всю но́щь просвеще́нием огня́. ¹⁵Разве́рзе ка́мень в пусты́ни, и напои́ я́ я́ко в бе́здне мно́зе, ¹⁶и изведе́ во́ду из ка́мене, и низведе́ я́ко ре́ки во́ды. ¹⁷И приложи́ша е́ще согре́шати Е́му, преогорчи́ша Вы́шняго в безво́дней; ¹⁸и ис-

куси́ша Бо́га в сердца́х свои́х, воспроси́ти бра́шна ду́шам свои́м. ¹⁹И клеветáша на Бо́га, и рѣша: еда́ возмо́жет Бог угото́вати трапѣзу в пусты́ни? ²⁰Понѣже порази́ ка́мень, и потекóша во́ды, и пото́цы наводни́шася: еда́ и хлеб мо́жет да́ти, или́ угото́вати трапѣзу лю́дем Свои́м? ²¹Сего́ ра́ди слы́ша Господь и презре́: и огонь возгоре́ся во Иа́кове, и гнев взы́де на Изра́иля, ²²я́ко не ве́рова́ша Бо́гови, ниже́ упова́ша на спасе́ние Его́. ²³И заповѣда́ о́блаком свы́ше, и двѣри небесе́ отвѣрзе, ²⁴и одожди́ им

манну ясти, и хлеб небесный даде им. ²⁵Хлеб ангельский яде человек, брашно посла им до сытости. ²⁶Воздвиге юг с небесе, и наведе силую Своєю лива, ²⁷и одожди на ня яко прах плоти, и яко песок морской птицы пернаты. ²⁸И нападоща посреде стана их, окрест жилищ их. ²⁹И ядоща и насытятся zelo, и желание их принесе им. ³⁰Не лишися от желания своего: еще брашну сущу во устех их: ³¹и гнев Божий взыде на ня, и уби множайшая их, и избранным Израилевым запят. ³²Во всех сих согрешиша еще,

и не вероваша чудесем Его. ³³И исчезоша в суете дние их, и лета их со тщанием. ³⁴Егда убиваше я, тогда зыскаху Его, и обращахуся, и утреневаху к Богу: ³⁵и помянуша, яко Бог Помощник им есть, и Бог Вышний Избавитель им есть. ³⁶И возлюбилша Его усты своими, и языком своим солгаша Ему, ³⁷сердце же их не бе право с Ним, ниже уверишася в завете Его. ³⁸Тойже есть щедр, и очистит грехи их, и не растлит, и умножит отвратити ярость Свою, и не разжжет всего гнева Своего. ³⁹И помяну, яко плоть суть,

дух ходяй и не обраща́йся. ⁴⁰Колькра́ты преогорчи́ша Егó в пусты́ни, прогна́вша Егó в земли́ безводней? ⁴¹И обрати́шася, и искуси́ша Бо́га, и Свята́го Изра́илева раздражи́ша, ⁴²и не помяну́ша руки́ Егó в день, во́нь же изба́ви я́ из руки́ оскорбля́ющаго, ⁴³якоже положи́ во Египте зна́мения Своя́, и чудеса́ Своя́ на по́ли Тана́исе, ⁴⁴и преложи́ в кровь ре́ки их, и исто́чники их, я́ко да не пью́т. ⁴⁵Посла́ на ня пэ́сия му́хи и поядо́ша я́; и жа́бы, и растли́ я́. ⁴⁶И даде́ рже плоды́ их, и труды́ их пруго́м. ⁴⁷Уби́

гра́дом виногра́ды их, и черни́чие их сла́ною, ⁴⁸и предаде́ гра́ду скоты́ их, и имéние их огню́. ⁴⁹Посла́ на ня гнев я́рости Своея́, я́рость и гнев и скорбь, посла́ние а́нгелы лю́тыми. ⁵⁰Путесотвори́ стезю́ гне́ву Своему́, и не пощаде́ от сме́рти душ их, и скоты́ их в сме́рти заклю́чи, ⁵¹и порази́ всякое перворо́дное в земли́ Египетстей, нача́ток всякаго труда́ их в селéнииих Ха́мовых. ⁵²И воздви́же я́ко о́вцы лю́ди Своя́, и возведе́ я́ я́ко ста́до в пусты́ни, ⁵³и наста́ви я́ на упова́ние, и не убо́яшася, и враги́ их покры́ мо́ре.

⁵⁴И введё я в гóру свѣтыни Своея, гóру сию, юже стяжѣ десница Егó. ⁵⁵И изгнѣ от лица их язѣки, и по жребию даде им [зёмлю] ўже жребодайна, и вселѣ в селѣниях их колѣна Израїлева. ⁵⁶И искусиша и преогорчиша Бóга Вышняго, и свидѣний Егó не сохраниша, ⁵⁷и отвратишася, и отвергóшася, якоже и отцы их, превратишася в лук развращѣн, ⁵⁸и прогневаша Егó в холмех своих и во истуканых своих раздражиша Егó. ⁵⁹Слыша Бог и презрѣ, и уничижи зело Израїля, ⁶⁰и отрину скинию Силомскую,

селѣние, еже вселѣся в челоуѣцех. ⁶¹И предаде в плен крепость их, и доброту их в руки врагов, ⁶²и затвори во оружию люди Своя, и достояние Своё презрѣ. ⁶³Юношы их пояде огонь, и дѣвы их не осетованы быша; ⁶⁴священницы их мечем падóша, и вдовицы их не оплаканы будут. ⁶⁵И востѣ яко спѣ Господь, яко силен и шумен от вина, ⁶⁶и порази враги Своя вспѣть, поношенное вѣчное даде им. ⁶⁷И отрину селѣние Иоцифово, и колѣно Ефремово не избрѣ, ⁶⁸и избрѣ колѣно Иудово, гóру Сионю, юже возлюби, ⁶⁹и

созда́ яко единоро́га святы́-
лице Своё, на земли́ осно-
ва́ и в век. ⁷⁰И избра́ Дави́да
раба́ Своего́, и восприя́т его́
от стад о́вчих. ⁷¹От дойлиц
по́ят его́ пасты́ Иа́кова раба́
Своего́ и Изра́иля достоя́ние
Свое́. ⁷²И упасе́ я в незло́бии
се́рдца своего́, и в разу́мех ру-
ку́ своею́ наста́вил я́ есть.

Слава:

Псалом Аса́фу, 78

¹Бо́же, приидо́ша язы́цы в
достоя́ние Твое́, оскверни́ша
храм святы́й Твой, ²положи́-
ша Иерусали́м яко ово́щное
храни́лище, положи́ша тру́-

пия раб Твои́х бра́шно пти́-
цам небесным, плоти́ препо-
добных Твои́х зверём земным.
³Пролия́ша кровь их яко во́-
ду о́крест Иерусали́ма, и не
бе погребáяй. ⁴Бы́хом поно-
ше́ние сосе́дом на́шим, под-
ражне́ние и поругáние су́-
щым о́крест нас. ⁵Докóле,
Го́споди, прогне́ваеши́ся до
конца́? Разжётся́ яко огонь
рвене́ние Твое́? ⁶Пролéй гнев
Твой на язы́ки не зна́ющыя
Тебе́, и на ца́рствия, я́же име-
не Твоего́ не призва́ша, ⁷яко
поядо́ша Иа́кова, и ме́сто
его́ опустоши́ша. ⁸Не помяни́
на́ших беззако́ний пе́рвых:

скоро да предварят ны щедроты Твоя, Господи, яко обнищанием зело. ⁹Помози нам, Боже, Спасителю наш, славы ради имени Твоего, Господи, избави ны, и очисти грехи наша имени ради Твоего. ¹⁰Да не когда рекут языцы, где есть Бог их? И да увестся во языцех пред очима нашими отмщение крове раб Твоих пролития. ¹¹Да внидет пред Тя воздыхание окранных, по величию мышцы Твоея снабди сыны умерщвленных. ¹²Воздаждь соседом нашим седмерицею в недра их поношение их, имже по-

носиша Тя, Господи. ¹³Мы же, людие Твой и овцы пажити Твоея, исповемыся Тебе, Боже, во век, в род и род возвестим хвалу Твою.

¹В конец, о изменшихся, свидение Асафу, псалом 79

²Пасый Израиля вонми:ставляяй яко овча Иосифа, седяй на Херувимех, явися, ³пред Ефремом и Вениамином и Манассием, воздвигни силу Твою, и прииди во еже спасти нас. ⁴Боже, обрати ны, и просвети лице Твое, и спасемся. ⁵Господи Боже сил, доколе гневаешься на молитву

раб Твои́х? ⁶Напита́еши нас хле́бом слéзным, и напои́ши нас слеза́ми в ме́ру. ⁷Положи́л еси́ нас в пререка́ние сосе́дом на́шим, и врази́ на́ши подражни́ша ны. ⁸Го́споди Бо́же сил, обрати́ ны, и просвети́ лице́ Твое́, и спасе́мся. ⁹Виногра́д из Египта прине́сл еси́, изгна́л еси́ язы́ки, и насади́л еси́ и́. ¹⁰Путесотвори́л еси́ пред ним, и насади́л еси́ корения́ его́, и испо́лни зе́млю. ¹¹Покры́ го́ры сень его́, и ветви́я его́ ке́дры Бо́жия; ¹²простре́ ро́зги его́ до мо́ря, и да́же до рек о́трасли его́. ¹³Вску́ю низложи́л еси́ опло́т

его́, и объима́ют и́ вси мимоходя́щие путе́м? ¹⁴Озоба́ и вебрь от дубра́вы, и уедине́нный дивий пояде́ и́. ¹⁵Бо́же сил, обрати́ся у́бо, и при́зри с Небесе́ и виждь, и посети́ виногра́д сей, ¹⁶и соверши́ и́, его́же насади́ десни́ца Твоя́, и на сы́на челове́ческаго, его́же укрепил еси́ Себе́. ¹⁷Пожже́н огне́м и раско́пан, от запреще́ния лица́ Твоего́ поги́бнут. ¹⁸Да бу́дет рука́ Твоя́ на му́жа десни́цы Твоея́, и на сы́на челове́ческаго, его́же укрепил еси́ Себе́, ¹⁹и не отсту́пим от Тебе́; оживи́ши ны, и и́мя Твое́ призове́м. ²⁰Го́споди

Бо́же сил, обрати ны, и просвети́ лице́ Твое́, и спасе́мся.

**¹В конце́, о точи́лех,
псалом Аса́фу, 80**

²Ра́дуйтеся Бо́гу, Помо́щнику на́шему, воскли́кните Бо́гу Иа́ковлю, ³приими́те псалом и дади́те тимпа́н, псалти́рь красен с гу́сльми, ⁴воструби́те в новоме́сячии трубо́ю, во благознаме́ный день пра́здника ва́шего, ⁵я́ко повеле́ние Изра́илеви есть, и судьба́ Бо́гу Иа́ковлю. ⁶Свиде́ние во Ио́сифе положи́ е, внегда́ изы́ти ему́ от земли́ Египетския, язы́ка егóже

не ве́дяше услы́ша. ⁷Отъя́т от бре́мене хребе́т егó, ру́це егó в коши́ порабо́тасте. ⁸В ско́рби призва́л Мя еси́, и изба́вих тя, услы́шах тя в та́йне бу́рне, искуси́х тя на воде́ пререка́ния. ⁹Слы́шите, лю́дие Мои́, и засвиде́тельствую вам, Изра́илю, а́ще послу́шаеши Мене́. ¹⁰Не бу́дет Тебе́ бо нов, ниже́ поклони́шися бо́гу чужде́му. ¹¹Аз бо есмь Госпо́дь Бог твой, изведы́й тя от земли́ Египетския, расшири́ уста́ Твоя́, и испо́лню я́. ¹²И не послу́шаша лю́дие мой гла́са Моего́, и Изра́иль не внят Ми; ¹³и отпусти́х я́ по начина́-

нием сердец их, пойдут в начинаниих своих. ¹⁴Аще быша людие Мои послушали Мене, Израиль аще бы в пути Моя ходил, ¹⁵ни о чесом же убо враги его смирил бых, и на оскорбляющыя их возложил бых руку Мою. ¹⁶Врази Господни солгаша ему, и будет время их в век. ¹⁷И напитá их от тѹка пшенична, и от камене меда насыти их.

Слава:

Псалом Асафу, 81

¹Бог ста в сонме богов, посреде же боги разсудит. ²Докóле судите неправду, и

лица грешников прие́млете? ³Судите сѹру и убо́гу, смире́на и ни́ща оправда́йте. ⁴Измѹте ни́ща и убо́га, из руки́ грешничи изба́вите его́. ⁵Не позна́ша, ниже́ уразуме́ша, во тьме ходят: да подви́жатся вся основáния земли́. ⁶Аз рех: бóзи есте́, и сы́нове Вы́шняго вси. ⁷Вы же я́ко челове́цы умира́ете, и я́ко е́дин от князе́й падаете. ⁸Воскресни́, Бо́же, суди́ земли: я́ко Ты насле́диши во всех язы́цех.

¹Песнь псалма́ Аса́фу, 82

²Бо́же, кто уподо́бится Тебе́? Не премолчи́, ниже́ ук-

роті, Бóже. ³Яко се вразі Твої возшумéша, и ненави́дящи Тя воздвигóша главú. ⁴На лю́ди Твоя́ лукавноваша во́лею, и совещáша на святýя Твоя́. ⁵Рéша: приидіте и потребім я́ от язýк, и не помяне́тся імя Израїлево кому́. ⁶Яко совещáша единомышлэніем вкúпе, на Тя заветъ завещáша: ⁷селэнія Идумéйска, и Исмаїлите, Моав и Ага́ряне: ⁸Гевал и Аммон и Амалік, иноплемэницы с живúщими в Тіре, ⁹ібо и Ассур прииде с ними, б́ша в заступлэние сыновом Лóтовым.

¹⁰Сотвори́ им яко Мадиáму и Сисáре, яко Иавіму в потóце Кіссове. ¹¹Потребішася во Аендо́ре, б́ша яко гной земный. ¹²Положі князи их, яко Ори́ва и Зі́ва, и Зевéа и Салма́на, вся князи их, ¹³іже рéша: да наслéдим себé святілище Бóжие. ¹⁴Бóже мой, положи́ я́ яко ко́ло, яко трость пред лицéм вéтра. ¹⁵Яко огонь попада́яй дубра́вы, яко пла́мень пожига́яй го́ры, ¹⁶та́ко поженéши я́ бурею Твоею, и гнэвом Твоім смяте́ши я́. ¹⁷Исполни́ лица их безчэстия, и взы́шут імене Твоего́, Гóсподи. ¹⁸Да постыд́ятся и

смятутся в век века, и посрамятся и погибнут. ¹⁹И да познают, яко имя Тебе Господь, Ты един Вышний по всей земли.

**¹В конец, о точилех,
сынóm Корéовым, псалóm 83**

²Коль возлюбленна селения Твоя, Господи сил! ³Желает и скончается душа моя во дворы Господни, сердце мое и плоть моя возрадовастся о Бóже живе. ⁴Ибо птица обрете себе храмину, и горлица гнездо себе, идеже положит птенцы своя, олтари Твоя, Господи сил, Царю мой

и Бóже мой. ⁵Блажени живущии в дому Твоем, в веки веков восхвалят Тя. ⁶Блажен муж, емуже есть заступление его у Тебе; восхождение в сердце своем положи, ⁷во юдоль плачевную, в место еже положи, ибо благословение даст законополагаяй. ⁸Пойдут от силы в силу; явится Бог богов в Сионе. ⁹Господи Бóже сил, услыши молитву мою, внуши, Бóже Иаковль. ¹⁰Защитниче наш, виждь, Бóже, и призри на лице христа Твоего. ¹¹Яко лучше день один во двóрех Твоих паче тысящ: изволих приме-

тáтися в дому́ Бо́га моего́ па́че, не́же жи́ти ми в селе́ниих грéшничих. ¹²Я́ко ми́лость и и́стину лю́бит Госпо́дь, Бог благода́ть и сла́ву даст, Госпо́дь не лишít благи́х, ходя́щих незло́бием. ¹³Го́споди Бо́же Сил, блаже́н челове́к упова́яй на Тя.

**¹В ко́нec, сыно́м Корéовым,
псалом 84**

²Благоволи́л еси́, Го́споди, зéмлю Твою́, возврати́л еси́ плен Иа́ковль: ³оста́вил еси́ беззако́ния люде́й Твои́х, покрýл еси́ вся грехи́ их. ⁴Укроти́л еси́ весь гнев Твой,

возврати́лся еси́ от гнéва я́рости Твоея́. ⁵Возврати́ нас, Бо́же спасéний на́ших, и отврати́ я́рость Твою́ от нас. ⁶Еда́ во ве́ки прогне́ваеши́ся на ны? Или́ простре́ши гнев Твой от ро́да в род? ⁷Бо́же, Ты обра́щяся оживи́ши ны, и лю́дие Твои́ возвеселя́тся о Тебе́. ⁸Яви́ нам, Го́споди, ми́лость Твою́, и спасéние Твое́ даждь нам. ⁹Услы́шу, что рече́т о мне Госпо́дь Бог: я́ко рече́т мир на лю́ди Своя́, и на преподо́бныя Своя́, и на обра́щающыя сердца́ к Немú. ¹⁰Обáче близ боя́щихся Егó спасéние Егó, вселити́ сла́ву в зéмлю на́-

шу. ¹¹Милость и истина сретостеся, правда и мир облобызастеся. ¹²Истина от земли возсия, и правда с Небес приниче, ¹³ибо Господь даст благодать, и земля наша даст плод свой. ¹⁴Правда пред Ним предъидет, и положит в путь стопы своя.

Слава:

По 11-й кафисме:

Трисвятое. Пресвятая
Троице... Отче наш...

Также тропари, глас 7:
Имуще, душе моя, врачество покаяния, приступи слезя-

щи, воздыханием вопиющи: Врачу душ и телес, свободи мя, Человеколюбче, от многих согрешений, сопричти мя блуднице, и разбойнику, и мытарю, и даруй ми, Боже, беззаконий моих прощение, и спаси мя.

Слава: Мытареву покаянию не поревновах, и блудницы слез не стяжах; недоумеюся бо от ослепления о таком исправлении, но Твоим благоутробием спаси мя, Христе Боже, яко Человеколюбец.

И ныне: Богородице Дево нескверная, Сына Твоего моли с горними силами, просе-

ние прегрешений нам прежде
конца даровати и велию милость.

Господи, помилуй (40)
и молитва:

Возсияй в сердцах наших,
Человеколюбче Господи, Твоего
Боговедения нетленный свет,
и мысленная наша отвързи
очи, во евангельских Твоих
проповеданий разумение,
вложи в нас и блаженных
Твоих заповедей страх,
да плотския похоти вся поправше,
духовное жителство пройдем,
вся яже ко благоуго-

ждению Твоему и мудрствующе
и деюще. Ты бо еси просвещение
душ и телес наших, Христе Боже,
и Тебе славу возсылаем,
со Безначальным Твоим Отцом
и Всесвятым, и Благим,
и Животворящим Твоим Духом,
ныне и присно, и во веки веков,
аминь.

∨ 7∨

Кафисма втораяинадєсять

Моли́тва Дави́ду, 85

¹Приклони́, Го́споди, у́хо Твоё, и услы́ши мя, я́ко нищ и убо́г есмь аз. ²Сохрани́ ду́шу мою́, я́ко преподо́бен есмь: спаси́ раба́ Твоего́, Бо́же мой, упова́ющаго на Тя. ³Помилуй мя, Го́споди, я́ко к Тебе́ воззову́ весь день. ⁴Возвесели́ ду́шу раба́ Твоего́, я́ко к Тебе́ взях ду́шу мою́. ⁵Я́ко Ты, Го́споди,

благ и кро́ток, и многоми́лостив всем призыва́ющим Тя. ⁶Внуши́, Го́споди, моли́тву мою́, и вонми́ гла́су молéния моего́. ⁷В день ско́рби моея́ воззва́х к Тебе́, я́ко услы́шал мя еси́. ⁸Несть подо́бен Тебе́ в бозéх Го́споди, и несть по делóм Твои́м. ⁹Вси язы́цы, ели́ки сотвори́л еси́, прийдут и поклóнятся пред Тобо́ю, Го́споди, и просла́вят и́мя Твоё, ¹⁰я́ко вéлий еси́ Ты, и творя́й чудеса́, Ты еси́ Бог еди́н. ¹¹Наста́ви мя, Го́споди, на путь Твой, и пойду́ во и́стине Твоёй; да возвеселит́ся сёрдце моё́ боя́ться и́ме-

не Твоего. ¹²Исповёмся Тебё, Господи Бóже мой, всем сёрдцем моём, и прослávлю имя Твое в век: ¹³яко мýлость Твоя вéлия на мне, и избáвил еси́ дýшу мою́ от áда преиспóднейшаго. ¹⁴Бóже, законопрестúпницы востáша на мя, и сонм держáвных взыскáша дýшу мою́, и не предложíша Тебё пред собою́. ¹⁵И Ты, Господи Бóже мой, щёдрый и мýлостивый, долготерпелíвый, и многомýлостивый, и йстинный, ¹⁶прíзри на мя и помíлуй мя, даждь держáву Твою́ óтроку Твоему́, и спаси́ сына рабы́ Твоея́. ¹⁷Сотвори́

со мною́ зна́мение во блага́го, и да вíдят ненавídящий мя, и постыдýтся, я́ко Ты, Господи, помóгл ми и утёшил мя еси́.

**¹Сынóм Корéовым,
псалóм пёсни, 86**

²Основáния его́ на горáх святых; лóбит Госпóдь вратá Сиóня пáче всех селёний Иáковлих. ³Преслáвная глаго́лшася о тебе́, граде Бóжий. ⁴Помяну́ Раáв и Вавилóна вéдущим мя, и се иноплемённицы, и Тир, и лю́дие Ефиóпстии, сии́ бы́ша та́мо. ⁵Ма́ти Сиóн — ре-

чѣт человекъ, и Человекъ родися в нем, и, Той основá и́ Вы́шний. ⁶Госпóдь повѣсть в писáнии людѣй, и князѣй сих б́вших в нем. ⁷Яко веселящихся всех жилище в тебѣ.

**¹Песнь псалма́ сынóм
Корéовым, в концѣ, о Маелéфе
ѣже отвещáти, рáзума Еману
Изра́ильтянину, 87**

²Гóсподи Бóже спасѣния моего, во дни воззва́х, и в но́щѣ пред Тобóю. ³Да внидет пред Тя моли́тва моя, прикло́нѣнѣи́ у́хо Твоѣ к мо́лению моему́, ⁴яко испóлнися зол душá моя, и живóт мой áду при-

блѣжися. ⁵Привменѣн бых с низходящими в ров, бых яко человекъ без по́мощи, ⁶в мѣртвых свобóдѣ, яко я́звеннии спящи во грóбе, ихже не помяну́л еси́ ктому́, и тѣи от руки́ Твоея́ отринóвѣни б́ша. ⁷Положи́ша мя в рóве преиспóднем, в тѣмных и сѣни смѣртней. ⁸На мне утверди́ся я́рость Твоя́, и вся вóлны Твоя́ навѣл еси́ на мя. ⁹Удалил еси́ зна́емых мо́их от мене́, положи́ша мя мѣрзость себѣ: предан бых и не исхожда́х. ¹⁰О́чи мой изнемогóсте от нищѣты, воззва́х к Тебѣ, Гóсподи, весь день, воздѣх к

Тебѣ рѹце мой. ¹¹Едѧ мѣртвыми творѣши чудеса? Или врачеве воскресѧт, и исповѣдѧтся Тебѣ? ¹²Едѧ повесть кто во грѣбе мѣлость Твою, и истину Твою в погѣбели? ¹³Едѧ познана бѹдут во тме чудеса Твоя, и правда Твоя в земли забвенней? ¹⁴И аз к Тебѣ, Господи, возвах, и утро молитва моя предварит Тя. ¹⁵Вскѹю, Господи, отрѣеши дѹшу мою, отвращаеши лице Твое от менѣ? ¹⁶Нищ есмь аз, и в трудѣх от юности моея; вознес же ся, смирихся, и изнемогах. ¹⁷На мне преидѡша гнѣви Твои, устрашения Твоя

возмутѣша мя: ¹⁸обыдѡша мя яко вода, весь день одержаша мя вкупѣ. ¹⁹Удалил еси от менѣ друга и искренняго, и знаемых моих от страстей.

Слава:

**¹Разума Ефѧма Израильянина,
псалом 88**

²Мѣлости Твоя, Господи, во век воспѡю, в род и род возвещѹ истину Твою усты моими. ³Занѣ рекл еси: в век мѣлость созиждется, на Небесѣх уготовится истина Твоя. ⁴Завещѧх завет избранным Моим, кляхся Давѣду рабѹ Моем: ⁵до века уготоваю сѣмя твоѣ, и со-

зйжду в род и род престол твой. ⁶Исповедят Небеса чудеса Твоя, Господи, ибо истину Твою в церкви святых. ⁷Яко кто во облацех уравнился Господеви? Уподобится Господеви в сынех Божиих? ⁸Бог прославляемъ в совете святых, велий и страшен есть над всеми окрестными Его. ⁹Господи Боже Сил, кто подобен Тебе? Силен еси, Господи, и истина Твоя окрест Тебе. ¹⁰Ты владычествуеши державою морскою, возмущение же волн его Ты укрочаеши. ¹¹Ты смирил еси яко язвена гордаго, мышцею

силы Твоея расточил еси враги Твоя. ¹²Твоя суть небеса, и Твоя есть земля, вселенную и исполнения ея Ты основал еси. ¹³Север и море Ты создал еси, Фавор и Ермон о имени Твоем возрадуется. ¹⁴Твоя мышца с силою: да укрепится рука Твоя, и вознесется десница Твоя. ¹⁵Правда и судьба уготовление Престола Твоего: милость и истина предидет пред лицом Твоим. ¹⁶Блажени людие ведущии воскликновение: Господи, во свете лица Твоего пойдут, ¹⁷и о имени Твоем возрадуются весь день, и правдою Твоею вознесут-

ся. ¹⁸Яко похвала́ силы их Ты еси́, и во благово́лении Твоём вознесётся рог наш. ¹⁹Яко Господне есть заступле́ние, и Свята́го Изра́илева Царя́ на́шего. ²⁰Тогда́ глаго́лал еси́ в видении сыно́вом Твоём, и рекл еси́: положи́х по́мощь на си́льнаго, вознесо́х избра́ннаго от люде́й Мо́их, ²¹обре́то́х Дави́да раба́ Моего, е́лем святы́м Мо́им пома́зах его́. ²²И́бо рука́ Мо́я засту́пит его́, и мы́шца Мо́я укрепи́т его́, ²³ничто́же успе́ет враг на него́, и сын беззако́ния не приложи́т озло́бити его́; ²⁴и ссеку́ от лица́ его́ враги́ его́, и не-

нави́дящия его́ побежду́. ²⁵И исти́на Мо́я и ми́лость Мо́я с ним, и о́ имени Мо́ем вознесётся рог его́, ²⁶и положу́ на мо́ри ру́ку его́, и на река́х де́сницу его́. ²⁷Той призо́вет Мя: Оте́ц мой еси́ Ты, Бог мой и Засту́пник спасе́ния моего́. ²⁸И Аз пе́рвенца положу́ его́, высока́ па́че царей́ земных: ²⁹в век сохраню́ ему́ ми́лость Мою́, и завет́ Мой ве́рен ему́, ³⁰и положу́ в век ве́ка се́мя его́, и престо́л его́ я́ко дни́е не́ба. ³¹А́ще оста́вят сы́нове его́ зако́н Мой, и в судьба́х Мо́их не по́йдут, ³²а́ще оправда́ния Мо́я оскверня́т, и

заповедей Моих не сохранят, ³³посещу жезлом беззакония их, и ранами неправды их, ³⁴милость же Мою не разорю от них, ни преврежду во истине Моёй, ³⁵ниже оскверню завета Моего, и исходящих от уст Моих не отвергуся. ³⁶Единою кляхся о святом Моём, аще Давиду солжу? ³⁷Семя его во век пребудет, и престол его, яко солнце пред Мною, ³⁸и яко луна совершена в век, и Свидетель на Небеси верен. ³⁹Ты же отринул еси и уничижил, негодовал еси помазаннаго Твоего, ⁴⁰разорил еси завет раба

Твоего, осквернил еси на земли святыню его: ⁴¹разорил еси вся оплоты его, положил еси твердая его страх. ⁴²Расхищаху его вси мимоходящие путем, бысть поношение соседом своим. ⁴³Возвысил еси десницу стужающих ему, возвеселил еси вся враги его: ⁴⁴отвратил еси помощь меча его, и не заступил еси его во брани. ⁴⁵Разорил еси от очищения его, престол его на землю повергл еси, ⁴⁶умалил еси дни времени его, облил еси его студом. ⁴⁷Доколе, Господи, отвращаешься в конец? Разжжётся яко огонь гнев

Твой? ⁴⁸Помяни́, кий мой со-
ста́в, еда́ бо всу́е созда́л еси́
вся сѣны́ человѣческия? ⁴⁹Кто
есть челове́к, ѿже поживѣт
и не ўзрит смѣрти, изба́вит
ду́шу свою́ из руки́ а́довы?
⁵⁰Где суть мѣлости Твоя́ дрѣв-
няя, Го́споди, ѿмиже кля́лся
еси́ Давиду́ во ѿстине Твое́й?
⁵¹Помяни́, Го́споди, поно-
ше́ние раб Твоѣих, е́же удер-
жа́х в не́дре моѣм мно́гих
язы́к, ⁵²ѿмже поноси́ша врази́
Твоѣ, Го́споди, ѿмже поноси́-
ша изменѣнию хри́ста Твоего́.
⁵³Благословѣн Госпо́дь во век,
бу́ди, бу́ди.

Слава:

¹Моли́тва Моисѣа челове́ка Бо́жия, 89

²Го́споди, прибѣжище был
еси́ нам в род и род. ³Пре́жде
да́же горам не бы́ти и созда́-
тися землі и вселѣнней, и от
вѣка и до вѣка Ты еси́. ⁴Не от-
врати́ челове́ка во смире́ние,
и рекл еси́: обрати́тея, сѣ-
нове челове́чести. ⁵Я́ко ты́-
сяща лет пред очѣма Твоѣма,
Го́споди, я́ко день вчера́ш-
ний, ѿже мимо́иде, и стра́-
жа но́щная. ⁶Уничи́женія
их ле́та бу́дут: ўтро я́ко тра-
ва́ мимо́идет, ўтро процве-
те́т и пре́йдет, на ве́чер отпа-
де́т, ожестѣет и ѿзсхнет. ⁷Я́ко

исчезохом гнѣвом Твоѣм, и яростию Твоею смутѣхомся. ⁸Положил еси беззакония наша пред Тобою: век наш в просвещение лица Твоего. ⁹Яко вси днии наши оскудѣша, и гнѣвом Твоѣм исчезохом, ¹⁰лѣта наша яко паучина поучахуся. Днии лет наших, в нихже седьдесят лет, аще же в силах, осьмьдесят лет, и множае их труд и болѣзнь: яко прииде кротость на ны, и накажемся. ¹¹Кто вест державу гнѣва Твоего, и от страха Твоего, ярость Твою исчести? ¹²Десницу Твою тако скажи ми, и око-

ванные сердцем в мудрости. ¹³Обратися, Господи, доколе? И умолен буди на рабы Твоя. ¹⁴Исполнихомся зутра милости Твоея, Господи, и возрадовахомся, и возвеселихомся, ¹⁵во вся дни наша возвеселихомся, за дни в няже смирил ны еси, лѣта в няже видехом злая. ¹⁶И призри на рабы Твоя, и на дела Твоя, и настави сыны их. ¹⁷И буди свѣтлость Господа Бога нашего на нас, и дела рук наших исправи на нас, и дело рук наших исправи.

Хвалá пѣсни Давíдовы, не надпíсан у еврей, 90

¹Живы́й в по́мощи Вы́шняго, в кро́ве Бо́га Небе́снаго водворíтся. ²Рече́т Го́сподеви: Засту́пник мой еси́ и Прибе́жище моё, Бог мой, и упова́ю на Него́. ³Яко Той изба́вит тя от се́ти ловчи, и от словесе́ мятéжна, ⁴плещма́ Сво́йма осенíт тя, и под криле́ Его́ наде́ешися: ору́жием обы́дет тя и́стина Его́. ⁵Не убойши́ся от стра́ха но́щнаго, от стрелы́ летя́щая во дни, ⁶от ве́щи во тме преходя́щая, от сря́ща, и бе́са полу́деннаго. ⁷Падёт от страны́ твоея́ ты́ся-

ща, и тма одесну́ю тебе́, к тебе́ же не прибли́жится, ⁸оба́че очы́ма тво́йма смóтриши, и воздая́ние грéшников у́зриши. ⁹Яко Ты, Го́споди, упова́ние моё, Вы́шняго положи́л еси́ прибе́жище твоё. ¹⁰Не придет к тебе́ зло, и ра́на не прибли́жится телеси́ твоему́, ¹¹яко А́нгелом Сво́йм запове́сть о тебе́, сохранíти тя во всех путéх тво́их. ¹²На рукахъ вóзмут тя, да не когда́ преткне́ши о ка́мень но́гу твою́, ¹³на а́спида и васили́ска настúпиши, и попере́ши льва и зми́я. ¹⁴Яко на Мя упова́, и изба́влю и́: покрью́ и́, яко позна́ и́мя Моё.

¹⁵Воззовёт ко Мне, и услышу его: с ним есмь в скорби, изму его, и прославлю его, ¹⁶долго-тою дней исполню его, и явлю ему спасение Моё.

Слава:

По 12-й кафисме:

Трисвятоѣ. Пресвятая
Троице... Отче наш...

Таже тропари, глас 7: Блудницы слезы и Петровы приемы, Господи, и мытаря оправдавый из глубины воздохнувши, и мене во умилении припадающа ущедри, Спасе, и помилуй мя.

Слава: Приими яко мытаря, Господи, яко блудницу очисти мя, Владыко, яко хананею помилуй, по велицей Твоей милости.

И ныне: Мати света, благословенная Богородице, молися Христу Богу совозсияти утро, и велию милость душам нашим.

Господи, помилуй (40)
и молитва:

Господи Боже мой, един благий и человеколюбивый, един милостивый и краткий, един истинный и пра-

ведный, еди́н ще́дрый и ми́лостивый Бо́же наш: да приидет си́ла Твоя́ на мя, грѣшнаго и непотрѣбнаго раба́ Твоего́, и да укрепит мой храм Ева́нгелием Божѣственнаго учѣния Твоего́, Влады́ко и Человеколю́бче, Любобла́же, Любоблагоутрѣбне, просвети́ моя утрѣбы и вся́ уды́ Твоею во́лею. Очи́сти мя от вся́кия злѣбы и грехá: соблюди́ мя несквѣрна и непорѣчна от вся́каго на́ития и де́йства диáвола, и да́руй ми по Твое́й бла́гости, Твоя́ разумѣти, Твоя́ му́дрствовати, и в Твои́х хотѣниих жи́ти, Твоего́ стра́ха страши́-

тися, е́же творити Тебе́ благоугодная до послѣдняго моего́ издыхáния, я́ко да по неисповедимой Твое́й ми́лости соблюде́ши моѣ́ тѣло и ду́шу, ум же и мы́сли, не искуше́н вся́кия сопротиволежа́щая се́ти храм. Го́споди мой, Го́споди, покрый́ мя Твои́м благоутрѣбием, и не оста́ви мя, грѣшнаго, и нечи́стаго, и недостѣйнаго раба́ Твоего́; я́ко Ты еси́ Защи́титель мой, Го́споди, и о Тебе́ пѣние моѣ́ вѣну, и Тебе́ сла́ву возсы́лаем, Отцу́ и Сы́ну и Свято́му Ду́ху, ны́не и при́сно, и во ве́ки веко́в, ами́нь.

Кафисма тринадцатая

¹Псалом песни
в день субботный, 91

²Благо есть исповедатися Господеви, и пети имени Твоему, Вышний: ³возвещати заутра милость Твою и истину Твою на всяку ночь, ⁴в десятиструнном псалтыри с песнию в гуслах. ⁵Яко возвеселил мя еси, Господи, в творении Твоем, и в делах руку Твоею возрадуюся. ⁶Яко возвеличи-

шася дела Твоя, Господи, zelo углубишася помышления Твоя. ⁷Муж безумен не познает, и неразумив не разумет сих. ⁸Внегда прозябша грешницы яко трава, и проникоша вси делающие беззаконие, яко да потребятся в век века. ⁹Ты же Вышний во век, Господи. ¹⁰Яко се врази Твои, Господи, яко се врази Твои погибнут, и разйдутся вси делающие беззаконие. ¹¹И вознесется яко единорога рог мой, и старость моя в елени мастите. ¹²И воззрето око мое на враги моя, и востающыя на мя лукавнующыя ус-

лѣшит ѹхо моѣ. ¹³Праведник
 яко фѣникс процветѣт, яко
 кедр, иже в Ливанѣ, умно-
 жится. ¹⁴Насаждѣни в дому
 Господни, во двѣрех Бѣга на-
 шего процветѹт, ¹⁵ещѣ умно-
 жатся в старости мастите, и
 благоприѣмлюще бѹдут. ¹⁶Да
 возвестѣят, яко прав Господь
 Бог наш, и несть неправды в
 Нем.

**В день предсубботный,
 ввѣгда населѣся землѣ,
 хвалѣ пѣсни Давѣду, 92**

¹Господь воцарѣся, в лѣ-
 поту облечѣся: облечѣся
 Господь в силу и препояса-

ся, ибо утвердѣ вселѣнную,
 яже не подвижится. ²Готов
 Престол Твой оттоле: от вѣ-
 ка Ты еси. ³Воздвигѣша рѣ-
 ки, Господи, воздвигѣша
 рѣки гласы своя. ⁴Возмут рѣ-
 ки сотрѣния своя, от гла-
 сов вод многих. Дѣвны вы-
 соты морскѣя, дѣвен в
 высѣких Господь. ⁵Свидѣния
 Твоя увѣришася зело, дому
 Твоему подобѣет святѣя,
 Господи, в долготѹ дней.

**Псалом Давѣду,
 в четвѣртый субботы, 93**

¹Бог отмщѣний Господь,
 Бог отмщѣний не обинулся

есть. ²Вознесіся судяй земли, въздаждь въздаяніе гордым. ³Докóле грѣшницы, Гóсподи, докóле грѣшницы восхваля́тся? ⁴Провещают и възглаго́лют неправду, възглаго́лют вси дѣлающии беззакóние? ⁵Люди Твоя, Гóсподи, смири́ша и достояніе Твоѣ озло́биша. ⁶Вдови́цу и сира умори́ша и пришельца уби́ша, ⁷и рѣша: не ўзрит Гóсподь, ниже уразумѣет Бог Иа́ковль. ⁸Разумѣйте же безумнии в лю́дех и бѹии нѣкогда умудри́тесь. ⁹Насаждѣй ўхо, не слы́шит ли? Или́ созда́вый о́ко, не сматря́ет ли?

¹⁰Наказу́яй язы́ки, не обличит ли, уча́й челове́ка разуму? ¹¹Гóсподь вѣсть помышлѣнія челове́ческая, яко суть сѹетна. ¹²Блаже́н человек, е́гоже а́ще нака́жеша, Гóсподи, и от за́кона Твоѣго научи́ши е́го, ¹³укроти́ти е́го от дней лю́тых, до́ндеже изры́ется грѣшному́ яма. ¹⁴Яко не отри́нет Гóсподь люде́й Свои́х, и достоя́нія Своѣго не оста́вит, ¹⁵до́ндеже правда обрати́тся на суд, и держа́щися ея́ вси пра́вии се́рдцем. ¹⁶Кто воста́нет ми на лука́внующыя? Или́ кто спредста́нет ми на дѣлаю-

щья беззаконие? ¹⁷Аще не Господь помогл бы ми, в мале вселилася бы во ад душа моя. ¹⁸Аще глаголах, подвижеса нога моя, милость Твоя, Господи, помогаше ми. ¹⁹По множеству болезней моих в сердце моем, утешения Твоя возвеселиша душу мою. ²⁰Да не прибудет Тебе престол беззакония, созидаяй труд на повеление. ²¹Уловят на душу праведнику, и кровь неповинную осудят. ²²И бысть мне Господь в прибежище, и Бог мой в помощь упования моего. ²³И воздаст им Господь беззаконие их и по

лукавствию их погубит я Господь Бог.

Слава:

**Хвала песни Давиду,
не написан у еврей, 94**

¹Приидите, возрадуемся Господеву, воскликнем Богу Спасителю нашему: ²предварим лице Его во исповедании, и во псалмех воскликнем Ему. ³Яко Бог велий Господь, и Царь велий по всей земли, ⁴яко в руке Его вси концы земли, и высоты гор Того суть. ⁵Яко Того есть море, и Той сотвори е, и сушу руке Его создасте. ⁶Приидите, по-

клонímся и припадём Емú, и
восплачемся пред Гóсподем,
сотворшим нас: ⁷яко Той есть
Бог наш, и мы лю́дие пáжити
Егó, и óвцы руки́ Егó. Днесь
áще глас Егó услышите, ⁸не
ожесточíte сердце́ ва́ших,
яко в прогнёвании, по дни
искушёния в пустыни, ⁹вóнь-
же искуси́ша Мя отцы́ ва́ши,
искуси́ша Мя, и видеша де-
ла́ Моя. ¹⁰Четы́редесять лет
негодова́х рода́ того́, и рех:
присно заблужда́ют се́рдцем,
тии же не позна́ша путе́й
Мо́их, ¹¹яко кля́хся во гнё-
ве Моём, áще вни́дут в поко́й
Мой.

**Хвала́ пёсни Дави́ду,
внегда́ дом созида́шеся
по пленёнии, не надпи́сан
у евре́й, 95**

¹Воспо́йте Гóсподеви песнь
но́ву, воспóйте Гóсподеви вся
земля́, ²воспо́йте Гóсподеви,
благослови́те и́мя Егó, благо-
вести́те день от дне спасёние
Егó. ³Возвести́те во язы́цах
сла́ву Егó, во всех лю́дех чу-
деса́ Егó. ⁴Яко ве́лий Госпо́дь
и хва́лен зело́, стра́шен есть
над все́ми бо́ги. ⁵Яко вси бо́зи
язы́к бесове: Госпо́дь же не-
беса́ сотвори́. ⁶Испове́дание
и красота́ пред Ним, святы́-
ня и великолéпии во святы́ле

Егó. ⁷Принесите Гóсподеви отéчества язы́к, принесите Гóсподеви сла́ву и честь. ⁸Принесите Гóсподеви сла́ву и́мени Егó, возьмите же́рты, и входите во двори́ Егó. ⁹Поклонитеся Гóсподеви во дворе́ святém Егó, да подви́жится от лица́ Егó вся земл́я. ¹⁰Рцы́те во язы́цах, яко Гóспóдь воцарíся, и́бо испра́ви вселénную, я́же не подви́жится: сýдит лю́дем пра́востию. ¹¹Да возвеселя́тся небеса́, и радуется земля́, да подви́жится мо́ре и исполне́ние егó. ¹²Возра́дуются поля́, и вся я́же на них, тогда́ возра́-

дуются вся древа́ дубра́вная. ¹³От лица́ Гóспóдня, я́ко грядёт, я́ко грядёт суди́ти земл́и, суди́ти вселénней в пра́вду, и лю́дем и́стиною Своёю.

**Псалом Давиду,
егда земля его устроится,
не надписан у еврей, 96**

¹Гóспóдь воцарíся, да радуется земля́, да веселя́тся о́строви мно́зи. ²Облак и мрак о́крест Егó, пра́вда и судьба́ исправлénие Престо́ла Егó. ³Огнь пред Ним предъидет, и попа́лит о́крест враги́ Егó. ⁴Освети́ша мо́лния Егó вселénную: ви́де, и под-

ви́жесея земля. ⁵Гóры я́ко воск
растáяша от лица́ Госпóдня,
от лица́ Гóспода всея́ зем-
ли. ⁶Возвести́ша небеса́ прав-
ду Егó, и ви́деша вси лю́дие
сла́ву Егó. ⁷Да посты́дятся
вси клáняющиися истукáн-
ным, хва́лящиися о́ идолах
свои́х, поклоните́ся Ему́ вси
А́нгели Егó. ⁸Слы́ша и воз-
весели́ся Сио́н, и возра́дова-
шася дщэ́ри Иудéйския, су-
де́б ра́ди Твои́х, Гóсподи,
⁹я́ко Ты Госпóдь Вы́шний над
всею́ землею, зело́ превоз-
не́слся еси́ над все́ми бо́ги.
¹⁰Лю́бящии Гóспода, нена-
ви́дите зла́я, хранит́ Госпóдь

ду́шы преподо́бных Свои́х,
из ру́ки грéшници избáвит
я́. ¹¹Свет возсия́ праведнику,
и правым се́рдцем весéлие.
¹²Веселите́ся, праведнии, о
Гóсподе и испове́дайте па́-
мьять святы́ни Егó.

Слава:

Псалом Давиду, 97

¹Воспойте Гóсподеви песнь
но́ву, я́ко дивна сотво-
ри́ Госпóдь. Спасé Егó дес-
ни́ца Егó, и мышца святáя
Егó. ²Сказа́ Госпóдь спасé-
ние Своё, пред язы́ки откры́
правду Свою́. ³Помяну́ ми-
лость Свою́ Иа́кову, и и́стину

Свою́ до́му Изра́илеву, ви́деша вси концы́ земли́ спасэ́ние Бо́га на́шего. ⁴Восклицните Бо́гови вся земля́, воспойте, и ра́дуйтесь, и пойте. ⁵Пойте Го́сподеву в гу́слех, в гу́слех и гла́се псаломсте. ⁶В труба́х ко́ваных и гла́сом трубы́ ро́жаны вострубите́ пред Царём Го́сподем. ⁷Да подви́жится мо́ре и исполне́ние его́, все-ле́нная и вси живу́щи на ней. ⁸Ре́ки воспле́щут руко́ю вку́пе, го́ры возра́дуются. ⁹От лица́ Го́сподня, я́ко грядёт, я́ко идёт суди́ти земли́, суди́ти вселённой в пра́вду, и лю́дем пра́востию.

Псалом Давиду, 98

¹Го́сподь воцари́ся, да гне́ваются лю́дие: седя́й на Херувимех, да подви́жится земля́. ²Го́сподь в Сио́не вели́к, и высо́к есть над все́ми лю́дьми. ³Да испове́дятся и́мени Твоему́ вели́кому, я́ко стра́шно и свя́то есть. ⁴И честь́ царёва суд лю́бит: Ты угото́вал еси́ правоты́, суд и пра́вду во Иа́кове Ты сотвори́л еси́. ⁵Возно́сите Го́спода Бо́га на́шего, и поклоня́йтесь подно́жию но́гу Его́, я́ко свя́то есть. ⁶Моисе́й и Ааро́н в иере́ех Его́, и Самуи́л в призыва́ющих и́мя Его́: призыва́-

ху Гóспода, и Той послушаше их. ⁷В столпé óблачне глаголаше к ним: яко храня́ху свидéния Егó и повелéния Егó, яже даде́ им. ⁸Гóсподи Бóже наш, Ты послушал еси́ их: Бóже, Ты мýловитив бывáл еси́ им, и мщáя на вся начинáния их. ⁹Возносите́ Гóспода Бóга нáшего, и поклоня́йтеся в горé святéй Егó, яко свят Госпóдь Бог наш.

**Псалóм Дави́ду,
во исповéдание, 99**

¹Восклíкните Бóгови вся земля́, ²рабо́тайте Гóсподеви в весéлии, внíдите пред

Ним в рáдости. ³Увéдите, яко Госпóдь, Той есть Бог наш: Той сотвори́ нас, а не мы, мы же лю́дие Егó и óвцы пáжити Егó. ⁴Внíдите во врата́ Егó во исповéдании, во двору́ Егó в пéнииих: исповéдайтеся Емý, хвалíte я́мя Егó. ⁵Яко благ Госпóдь, в век мýловость Егó, и да́же до рóда и рóда истина Егó.

Псалóм Дави́ду, 100

¹Мýловость и суд воспою́ Тебе́, Гóсподи. ²Пою́ и разумéю в пути́ непорóчне, когда́ приидеши ко мне? Прехождáх в незлóбии сёрд-

ца моего посреде дому моего. ³Не предлагáх пред очима моима вещь законопреступную: творящия преступлѣние возненавидѣх. ⁴Не прильпѣ мне сердце строптиво, уклоняющагося от мене лукаваго не познах. ⁵Оклеветáющаго тай искренняго своего, сего изгонях: гордым оком, и несýтым сердцем, с сим не ядях. ⁶Очи мой на верныя земли, посаждати я со мною: ходяй по пути непорочну, сей ми служаше. ⁷Не живяше посреде дому моего творяй гордыню, глаголяй неправедная, не исправляше пред очима

моима. ⁸Во утрия избивáх вся грешныя земли, еже потребити от града Господня вся делающыя беззаконие.

Слава:

По 13-й кафисме:

Трисвятоѣ. Пресвятая
Троице... Отче наш...

Таже тропари, глас 8: Оком благоутробным, Господи, виждь мое смирение, яко по мале жизнь моя иждивается, и от дел несть мне спасения. Сего ради молюся: оком благоутробным, Господи, виждь мое смирение и спаси мя.

Слава: Яко Судий пред-
стоящу, попецься, душе, и
страшнаго дне час помыш-
ляй, суд бо немилостив есть
не сотворшым милости. Во-
зопий убо Христу Богу:
Сердцеведче, согреших, пре-
жде даже не осудиши, помилуй мя.

И ныне: Страшнаго Твоего
и грознаго, и неумытнаго
суда, Христе, во уме
прием день и час, трепещу,
яко злодей, студа дела
и деяния имеяй люта, яже
един аз содеях прилежно.
Темже страхом припадаю
Тебе, вопия болезнен-

но: молитвами рождшия Тя,
Многомилостиве, спаси мя.

Господи, помилуй (40)
и молитва:

Господи Святой, Иже в
вышних живый, и всевидя-
щим Твоим оком призираяй
на всю тварь. Тебе приклон-
ным вью души и телесе, и
Тебе молимся, Святой свя-
тых: простри руку Твою не-
видимую от святого жилища
Твоего, и благослови вся ны;
и аще что к Тебе согрешихом
волею и неволею, яко Благ и
Человеколюбец Бог, прости,

дáруяй нам и мíрная благáя Твоя. Твое́ бо есть, е́же мiловати и спаса́ти, Бо́же наш, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прiсно, и во ве́ки веко́в, ами́нь.

∨ 7∨

Кафисма четвертаянадесять

¹Моли́тва ни́шаго, егда́ уны́ет, и пред Го́сподем проли́ет моле́ние свое́, 101

²Го́споди, услы́ши моли́тву мою́, и вопль мой к Тебе́ да приидет. ³Не отврати́ лица́ Твоего́ от мене́: во́ньже а́ще день скорблю́, приклони́ ко мне́ у́хо Твое́: во́ньже а́ще день призову́ Тя, скоро услы́ши мя. ⁴Яко́ исчезо́ша яко́ дым днiе мои́, и ко́с-

ти моя яко сушіло сосхóша-
ся. ⁵Уязвен бых яко травá,
и íзсше сёрдце моё, яко за-
бых снёсти хлеб мой. ⁶От гла-
са воздыхáния моего при-
льпé кость моя плóти моёй.
⁷Уподобихся неясуги пус-
ты́нней, бых яко нощный
вран на ны́рищи. ⁸Бдех и бых
яко пти́ца осóбьящаяся на zde.
⁹Весь день поношáху ми вра-
зй мой, и хвáлящии мя мною
кленя́хуся. ¹⁰Занé пéпел яко
хлеб ядях, и питиé моё с пла-
чем растворя́х. ¹¹От лица́ гнё-
ва Твоего́ и ярости Твоея́:
яко вознёс низвёргл мя еси́.
¹²Дни́е мой яко сень уклони́-

шася, и аз яко сéно изсхóх.
¹³Ты же, Гóсподи, во век пре-
бывáеши, и пáмьять Твоя́ в род
и род. ¹⁴Ты воскрéc ущéдриши
Си́она, яко врéмя ущéдрити
его́, яко при́де врéмя. ¹⁵Яко
благоволи́ша рабй Твой ка́-
мение его́, и персть его́ ущéд-
рят. ¹⁶И убо́ятся язýцы й́мене
Госпóдня, и вси цáрие зéмст-
тии сла́вы Твоея́. ¹⁷Яко сози́-
ждет Госпóдь Си́она, и явít-
ся во сла́ве Своёй. ¹⁸Призрэ
на моли́тву смире́нных, и не
уничжи́ молéния их. ¹⁹Да
напи́шется сиé в род ин, и
лю́дие зи́ждемии восхва́лят
Гóспода. ²⁰Яко приниче с вы-

соты святыя Своея, Господь с Небесé на зéмлю призрé, ²¹услышати воздыхание окованных, разрешити сыны умерщвленных, ²²возвестити в Сионе имя Господне, и хвалу Его во Иерусалиме. ²³Внегда собратися людем вкупе, и царём, еже работати Господеви. ²⁴Отвещая ему на пути крепости его: умаление дней моих возвести ми. ²⁵Не возведи мене во преполовение дней моих: в роде родов лета Твоя. ²⁶В началех Ты, Господи, землю основал еси, и дела руку Твоею суть небеса. ²⁷Та погибнут, Ты же пребываеши: и

вся яко риза обетшают, и яко одежду свиеси я, и изменятся. ²⁸Ты же Тойжде еси, и лета Твоя не оскудеют. ²⁹Сынове раб Твоих вселятся, и семя их во век исправится.

Псалом Давиду, 102

¹Благослови, душе моя, Господа, и вся внутренняя моя имя святое Его. ²Благослови, душе моя, Господа, и не забывай всех воздаяний Его, ³очищающего вся беззакония твоя, исцеляющего вся недуги твоя, ⁴избавляющего от истления живот твой, венчающего тя милостию и щед-

ротами, ⁵исполняющаго во благих желаніе твоё: обновится яко орля юность твоя. ⁶Твори милостыни Господь, и судьбу всем обидимым. ⁷Сказá пути Своя Моисеови, сыновом Израилевым хотения Своя. ⁸Щедр и милостив Господь, долготерпелив и многомилостив. ⁹Не до конца прогневается, ниже во век враждует, ¹⁰не по беззаконіем нашим сотворил есть нам, ниже по грехом нашим воздал есть нам. ¹¹Яко по высотé небесней от земли, утвердил есть Господь милость Свою на боящихся Его. ¹²Елико отсто-

ят востоцы от запад, удалил есть от нас беззаконія наша. ¹³Якоже щедрит отец сыны, ущедри Господь боящихся Его. ¹⁴Яко той позна создание наше, помяну, яко персть есмь. ¹⁵Человек, яко трава дние его, яко цвет сельный, тако оцветет, ¹⁶яко дух пройде в нем, и не будет, и не познает ктому места своего. ¹⁷Милость же Господня от века и до века на боящихся Его, ¹⁸и правда Его на сынех сынов, хранящих завет Его, и помнящих заповеди Его творити я. ¹⁹Господь на Небеси уготова Престол Свой, и Царство Его все-

ми обладаёт. ²⁰Благословіте Господа вси Ангели Его, сильнии крепостию, творящии слово Его, услышати глас словес Его. ²¹Благословіте Господа вся силы Его, слуги Его, творящии волю Его. ²²Благословіте Господа вся дела Его, на всяком месте владычества Его, благослові, душе моя, Господа.

Слава:

**Псалом Давиду,
о мирстем бытий, 103**

¹Благослові, душе моя, Господа. Господи, Боже мой, возвеличился еси зело. Во ис-

поведание и в велелепоту облелся еси. ²Одейся светом, яко ризою, простираяй небо, яко кожу. ³Покрываяй водами превыспренняя Своя, полагаяй облаки на восхождение Свое, ходяй на крилу ветреню. ⁴Творяй Ангелы Своя духи и слуги Своя пламень огненный. ⁵Основаяй землю на тверди ея, не преклонится в век века. ⁶Бездна, яко риза, одеяние ея, на горах станут воды, ⁷от запрещенія Твоего побегнут, от гласа грома Твоего убоятся. ⁸Восходят горы и низходят поля в место, еже основал еси им.

⁹Предел положил еси, егже не прейдут, ниже обратятся покрыти землю. ¹⁰Посылай источники в дѣбрех, посреде гор пройдут воды. ¹¹Напаяют вся звери сельныя, ждут онагри в жажду свою. ¹²На тех птицы небесныя привитают, от среды камня дадут глас. ¹³Напаяя горы от превыспренних Своих, от плода дел Твоих насытится земля. ¹⁴Прозябая траву скотом, и злак на службу человеком, извести хлеб от земли. ¹⁵И вино веселит сердце человека, умастит лице елеем, и хлеб сердце человека укреп-

пит. ¹⁶Насытятся дрова польская, кедри Ливанстии, ихже еси насадил. ¹⁷Тамо птицы вогнездятся, еродиево жилище предводительствует ими. ¹⁸Горы высокие еленем, камень прибежище зайцем. ¹⁹Сотворил еси луну во времена, солнце позна запад свой. ²⁰Положил еси тму, и бысть ночь, в нейже пройдут вси зверие дубравнии. ²¹Скимвни рыкающие восхитити, и взыскати от Бога пищу себе. ²²Воссия солнце, и обраташа и в ложах своих лягут. ²³Изыдет человек на дело свое, и на делание свое

до вѣчера. ²⁴Яко возвеличи-
шася дела Твоя, Господи,
вся премудростию сотворил
еси, исполнися земля твари
Твоея. ²⁵Сие море великое и
пространное, тамо гади, их-
же несть числа, животная
малая с великими, ²⁶тамо ко-
рабли преплавают, змий сей,
егоже создал еси ругати-
ся ему. ²⁷Вся к Тебе чают, да-
ти пищу им во благо время.
²⁸Давшу Тебе им соберут, от-
верзшу Тебе руку, всяческая
исполнятся благодати, ²⁹от-
вращу же Тебе лице, воз-
мнутъся, отымеши дух их,
и исчезнут, и в персть свою

возвратятся. ³⁰Послеши Духа
Твоего, и созиждутся, и об-
новиши лице земли. ³¹Буди
слава Господня во веки, воз-
веселится Господь о делах
Своих, ³²призираяй на зем-
лю, и творяй ю трястися,
прикасайся горам, и дымят-
ся. ³³Воспою Господеву в жи-
воте моем, пою Богу моему,
дондеже есмь, ³⁴да усладит-
ся Ему беседа моя, аз же воз-
веселюся о Господе. ³⁵Да ис-
чезнут грешницы от земли, и
беззаконницы, якоже не бы-
ти им. Благослови, душе моя,
Господа.

Слава:

Аллилу́иа, 104

¹Исповедайтесь Гóсподеви, и призывайте́ имя́ Его́, возвестите́ во язы́цех дела́ Его́. ²Воспойте́ Ему́ и пойте́ Ему́, поведите́ вся чудеса́ Его́. ³Хвалитесь о имени́ святём́ Его́, да возвеселится́ сёрдце́ и́щущих Гóспода. ⁴Взыщитесь́ Гóспода, и утвердите́ся, взыщитесь́ лица́ Его́ вѣну. ⁵Помяните́ чудеса́ Его́, яже сотвори́, чудеса́ Его́, и судьбы́ уст Его́. ⁶Сѣмя́ Авраамле́ раби́ Его́, сынове́ Иа́ковли избранны́и Его́. ⁷Той Гóсподь Бог наш, по всей землѣ́ судьбы́ Его́. ⁸Помяну́ в век завет́

Свой, слово́, еже́ заповѣда в ты́сящы́х родо́в, ⁹еже́ заве́ща́ Аврааму́, и клятву́ Свою́ Исаа́ку. ¹⁰И поста́ви ю́ Иа́кову в повелѣ́ние, и Изра́илю в завет́ вѣчен, ¹¹глаго́ля: тебѣ́ дам зѣмлю́ Ханаа́ну, уже́ достоя́ния ва́шего, ¹²внегда́ бы́ти им ма́лым число́м, ма́лейшым и пришельце́м в ней. ¹³И преидо́ша от язы́ка в язы́к, и от ца́рствія в лю́ди и́ны. ¹⁴Не оста́ви челове́ка оби́дети их, и обли́чи о них ца́ри. ¹⁵Не прикаса́йтесь пома́занным Мо́им, и во проро́цех Мо́их не лука́вуйте. ¹⁶И призва́ глад на зѣмлю́, вся́ко утвержде́ние

хлѣбное сотры. ¹⁷Посла пред
ними человека: в раба про-
дан бысть Иосиф. ¹⁸Смирisha
во оковах но́зе его́, желе́-
зо про́йде ду́ша его́, ¹⁹до́нде-
же при́де сло́во Его́, сло́во
Госпо́дне разжже́ его́. ²⁰Посла́
царь и разреши́ его́: князь лю-
де́й, и оста́ви его́. ²¹Поста́ви
его́ госпо́дина до́му своему́,
и кня́зя все́му стяжа́нию сво-
ему́, ²²наказа́ти кня́зи его́ я́ко
себе́, и ста́рцы его́ умудри́ти.
²³И вни́де Изра́иль во Египет,
и Иа́ков пришельствова в зе́м-
лю Ха́мову. ²⁴И возрасти́ лю́-
ди своя́ зело́, и укрепí я́ па́че
враго́в их. ²⁵Преврати́ се́рдце

их возненавидети лю́ди Его́,
лесть сотвори́ти в рабе́х Его́.
²⁶Посла́ Моисе́а раба́ Своего́,
Ааро́на, его́же избра́ Себе́.
²⁷Положи́ в них словеса́ зна́-
мений Свои́х, и чудес Свои́х
в землі Ха́мове. ²⁸Посла́ тму
и помрачи́, я́ко преогорчи́ша
словеса́ Его́. ²⁹Преложí во́-
ды их в кровь, и изморí ры́-
бы их. ³⁰Воскипе́ земля́ их жа́-
бами в сокро́вищницах царей́
их. ³¹Рече́, и приидо́ша песья
му́хи, и скни́пы во вся пре-
де́лы их. ³²Положи́ дожди́ их
гра́ды, огонь попаля́ющ в зем-
ли́ их, ³³и порази́ виногра́ды
их и смо́квы их, и сотры́ вся́-

кое древо предел их. ³⁴Рече, и приидоша прүзи и гүсеницы, їмже не бе числа. ³⁵И снедоша всяку траву в земли их, и поядоша всяк плод земли их. ³⁶И поразї всякаго первенца в земли их, начаток всякаго труда их, ³⁷и изведе я с серебром и златом, и не бе в колѣнах их боляй. ³⁸Возвеселїся Егїпет во исхождѣнии их, яко нападѣ страх их на ня. ³⁹Распрострѣ облак в покров им и огонь, еже просветїти им нощию. ⁴⁰Просїша и приидоша крастели, и хлѣба небеснаго насыти я, ⁴¹разверзе камень и потекоша воды, потекоша в

безводных реки, ⁴²яко помяну слово святое Своѣ, еже ко Аврааму, рабу Своему. ⁴³И изведе люди Своя в радости, и избранныя Своя в веселии. ⁴⁴И даде им страны язык, и труды людей наследоваша, ⁴⁵яко да сохранят оправдания Его и закона Его възьмут.

Слава:

По 14-й кафисме:

Трисвятое. Пресвятая
Троице... Отче наш...

Таже тропари, глас 8: Яко блудница припадаю Ти, да приму оставление, и вместо

міра слёзы от сёрдца прино-
шú Ти, Христé Бóже: да яко
óную ущедриши мя, Спáсе,
и подáси очищénие грехóв.
Яко óная бо зовú Ти: избáви
мя от тимénия дел мо́их.

Слава: Почтó не помыш-
ляеши, душé моя, смёрти?
Почтó не обраща́ешься прó-
чее ко исправлénию, прé-
жде трубы́ глашénия на судé?
Тогда́ несть врéмя покая́ния.
Приими́ во умé мытаря́ и
блудни́цу зовúщыя: согрешíх
Ти, Гóсподи, помíлуй мя.

И ныне: Яко́ превосходя́-
щая войстинну́ рождест-
вóм Тво́им síлы Небéсныя,

Приснодéво Богорóдице, íже
Тобóю Божествóм обогатíв-
шися, непрестáнно Тя вели-
ча́ем.

Гóсподи, помíлуй (40)

и моли́тва:

Благодарím Тя, Гóсподи
Бóже спасénий нáших, яко
вся твори́ши во благодея́ния
жízни нáшея, яко́ упоко́ил
есí нас в прешéдшем но́щ-
нóм врéмени, и воздвígл есí
нас от лóжей нáших, и пос-
та́вил есí нас в поклонénие
честна́го и сла́внаго íмене
Твоегó. Тémже мо́лимся Тебé,

Господи: даждь нам благодать и силу, да сподобимся Тебе пети разумно, и молиться непрестанно, и вину к Тебе зрети, Спасителю и Благодетелю наших душ, страхом и трепетом свое спасение действующе. Услыши убо и помилуй, Благоутробне, нас: сокруши под ноги наша невидимыя ратники и враги, приими яже по силе нашей благодарения, даждь нам благодать и силу во отверзение уст наших, и научи нас оправданием Твоим. Яко что помолимся, якоже подобает, не вемы, аще не Ты, Господи, Духом Твоим

Святым наставиши ны. Аще же что согрешихом даже до настоящего часа, словом, или делом, или помышлением, волею, или неволею, ослаби, остави, прости. Аще бо беззакония назириши, Господи, Господи, кто постоит? Яко у Тебе очищение есть, у Тебе избавление. Ты еси един свят, Помощник крепкий, и Защититель жизни нашея, и Ты благословим во вся веки, аминь.

Кафисма пятаянадесять

Аллилу́иа, 105

¹Исповедайтесь Гóсподеви, яко благ, яко в век мѣлость Егó. ²Кто возглаголет сѣлы Гóспóдни? Слѣшаны сотворѣт вся хвалы Егó? ³Блажѣни хранящии суд и творящии правду во всякое время. ⁴Помяни нас, Гóсподи, во благоволѣнии людѣй Твоѣх, посети нас спасѣнием Твоѣм. ⁵Видети во бла-

гости избранныя Твоѣ, возвеселѣтся в весѣлии язѣка Твоегó, хвалѣтся с достоянием Твоѣм. ⁶Согрѣшихом со отцы нашими, беззаконновою, неправдовоухом. ⁷Отцы наши во Егѣпте не разумѣша чудес Твоѣх, ни помянуша мнóжества мѣлости Твоеѣ и преогорчѣша восходяще в Чермное море. ⁸И спасѣ их ѣмене Своегó ради, сказати сѣлу Свою, ⁹и запрѣти Чермному морю, и изсяче, и настаѣи я в бѣздне, яко в пустыни. ¹⁰И спасѣ я из руки ненавѣдящих, и избави я из руки врагов. ¹¹Покры во-

да стужающыя им, ни един от них избысть. ¹²И вероваша словеси Егo, и воспеша хвалу Егo. ¹³Ускорйша, забыша дела Егo, не стерпеша совета Егo ¹⁴и похотеша желанию в пустыни, и искусйша Бoга в безводней. ¹⁵И даде им прошение их, посла сьтость в души их. ¹⁶И прогневаша Моисеа в стану, Аарона святаго Господня. ¹⁷Отверзеса земля и пожре Дафана, и покры на сонмищи Авирона, ¹⁸и разжжеса огонь в сонме их, пламень попали грешники. ¹⁹И сотвориша тельца в Хориве, и поклонйшася исту-

канному, ²⁰и измениша славу Егo в подобие тельца ядущаго траву, ²¹и забыша Бoга, спасающаго их, сотворшаго велия во Египте, ²²чудеса в земли Хамове, страшная в мори Чермнем. ²³И рече потребити их, аще не бы Моисей, избранный Егo, стал в сокрушении пред Ним, возвратити ярость Егo, да не погубит их. ²⁴И уничижиша землю желанную, не яша веры словеси Егo, ²⁵и поропташа в селениих своих, не услышаша гласа Господня. ²⁶И воздвиге руку Свою на ня, низложити я в пустыни. ²⁷И низложити се-

мя их во языцех, и расточити я в страны. ²⁸И причастішася Веельфегору, и снѣдоша жерты мертвых. ²⁹И раздражаша Его в начинаниих своих, и умножися в них падение. ³⁰И ста Финеес, и умилостиви, и престá сечь. ³¹И вменися ему в правду, в род и род до века. ³²И прогневаша Его на водѣ пререканія, и озлоблен бысть Моисей их ради, ³³яко преогорчаша дух его и разнствова устнами своима. ³⁴Не потребиша языки, яже рече Господь им, ³⁵и смесяшася во языцех, и навикоша делом их. ³⁶И поработаша

истуканным их, и бысть им в соблазн, ³⁷и пожроша сыны своя и дщери своя бесовом, ³⁸и пролияша кровь неповинную, кровь сынов своих и дщерей, яже пожроша истуканным ханаанским, и убиена бысть земля их кровьюми, ³⁹и осквернися в делех их, и соблудиша в начинаниих своих. ⁴⁰И разгневался яростию Господь на люди Своя, и омерзи достояние Своѣ, ⁴¹и предаде я в руки врагов, и обладаша ими ненавидящии их. ⁴²И стужаша им врази их, и смиришася под руками их. ⁴³Множицею избави я,

тии же преогорчиша Его советом своим и смиришася в беззакониях своих. ⁴⁴И виде Господь, внегда скорбети им, внегда услышаше моление их. ⁴⁵И помяну завет Свой, и раскаяся по множеству милости Своея, ⁴⁶и даде я в щедроты пред всеми пленившими я. ⁴⁷Спаси ны, Господи Боже наш, и собери ны от языка исповедатися имени Твоему святому, хвалитися во хвалу Твоею. ⁴⁸Благословен Господь Бог Израилев от века и до века. И рекут вси людие: буди, буди.

Слава:

Аллилуиа, 106

¹Исповедайтесь Господеву, яко благ, яко в век милость Его. ²Да рекут избавленнии Господем, ихже избави из руки врага ³и от стран собраних, от восток и запад, и севера, и моря. ⁴Заблудиша в пустыни безводней, пути града обительнаго не обретоша. ⁵Алчуще и жаждуще, душа их в них исчезе. ⁶И воззваша ко Господу, внегда скорбети им, и от нужд их избави я, ⁷и настави я на путь прав, внити во град обительный. ⁸Да исповедятся Господеву милости Его, и чудеса Его сыновом

человѣческим, ⁹яко насытил
есть дѹшу тщу и дѹшу ѡлчу-
щу испѡлни благ. ¹⁰Седящыя
во тьме и сѣни смѣртней,
окованныя нищетѡю и желѣ-
зом, ¹¹яко преогорчиша сло-
весѡ Бѡжия и совѣт Вышняго
раздражиша. ¹²И смирися в
трудѣх сѣрдце их, и изнемо-
гоша, и не бе помогаѣяй. ¹³И
воззвѣаша ко Гѡсподу, вне-
гда скорбѣти им, и от нужд
их спасе я, ¹⁴и изведе я из
тьмы и сѣни смѣртныя, и ўзы
их растерзѡ. ¹⁵Да исповѣдят-
ся Гѡсподевѣ мѡлости Егѡ, и
чудеса Егѡ сыновѡм чело-
вѣческим, ¹⁶яко сокруши вра-

та мѣдная и вереѣ желѣзныя
сломи. ¹⁷Восприят я от пути
беззакония их, беззаконий
бо ради своих смиришася.
¹⁸Всякаго брашна возгнуша-
ся душѡ их, и приближишася
до врат смѣртных. ¹⁹И воззвѣ-
ша ко Гѡсподу, внегда скор-
бѣти им, и от нужд их спасе я,
²⁰послѡ слово Своѣ и исцели
я, и избави я от растлений их.
²¹Да исповѣдятся Гѡсподевѣ
мѡлости Егѡ, и чудеса Егѡ
сыновѡм чело-
вѣческим, ²²и
да пожрут Ему жѣртву хва-
лы, и да возвестят дела Егѡ
в радости. ²³Сходящии в мѡ-
ре в кораблѣх, творящии дѣ-

лания в водах многих, ²⁴тии видеша дела Господня и чудеса Его во глубине. ²⁵Рече, и ста дух бурен, и вознесошася волны его, ²⁶восходят до небес и низходят до бездн, душа их в злых таяше: ²⁷смятошася, подвигошася, яко пияный, и вся мудрость их поглощена бысть. ²⁸И воззваша ко Господу, внегда скорбети им, и от нужд их изведе я, ²⁹и повеле бури, и ста в тишину, и умолкоша волны его. ³⁰И возвеселишася, яко умолкоша, и настави я в пристанище хотения своего. ³¹Да исповедятся Господеви ми-

лости Его, и чудеса Его сыновом человеческим: ³²да вознесут Его в церкви людстей и на седилищи старец восхвалят Его. ³³Положил есть реки в пустыню, и исходища водная в жажду, ³⁴землю плодородную в сланость, от злобы живущих на ней. ³⁵Положил есть пустыню во езера водная и землю безводную во исходища водная. ³⁶И населит тамо алчущия, и составиша грады обительны, ³⁷и насеяша села, и насадиша винограды, и сотвориша плод житен. ³⁸И благослови я, и умножишася зело, и скоты их не

умали. ³⁹И умалишася, и озлобишася от скорби зол и болезни. ⁴⁰Излияся уничижение на князи их, и облазнь я по непроходней, а не по пути. ⁴¹И поможет убогу от нищеты и положи яко овцы отечествия. ⁴²Узрят правии и возвесеются, и всякое беззаконие заградит уста своя. ⁴³Кто премудр и сохранит сия? И уразумеют милости Господни.

Слава:

¹**Песнь, псалом Давиду, 107**

²Готово сердце мое, Боже, готово сердце мое: воспою и пою во славе моей. ³Востани

слава моя, востани псалтирю и гусли, востану рано. ⁴Исповемся Тебе в людех, Господи, пою Тебе во языцех. ⁵Яко велия верху небес милость Твоя и до облак истина Твоя. ⁶Вознесися на Небеса, Боже, и по всей земли слава Твоя, ⁷яко да избавятся возлюбленнии Твои: спаси десницею Твоею и услыши мя. ⁸Бог возглагола во святем Своём: вознесуся и разделю Сикиму, и удоль селений размеру. ⁹Мой есть Галаад и Мой есть Манассий, и Ефрем заступление главы Моея, Иуда царь Мой. ¹⁰Моав ко-

но́б упова́ния Моего́, на
Идумею́ наложу́ сапо́г Мой:
Мне инопле́мнницы поко-
ри́шася. ¹¹Кто введёт мя во
град огражде́ния? Или́ кто
наста́вит мя до Идуме́и? ¹²Не
Ты ли, Бо́же, отри́нувый нас?
И не изы́деши, Бо́же, в си́лах
на́ших? ¹³Даждь нам по́мощь
от ско́рби, и су́етно спасе́-
ние челове́ческо. ¹⁴О Бо́зе со-
твори́м си́лу, и Той уничи́жит
враги́ наша.

В ко́нec, псалом Дави́ду, 108

¹Бо́же, хвалы́ моея́ не пре-
молчи́, ²яко уста́ грешнича
и уста́ льсти́ваго на мя от-

верзо́шася, глаго́лаша на мя
язы́ком льсти́вым, ³и словеси́
ненави́стными обыдо́ша
мя, и бра́шася со мно́ю ту́-
не. ⁴Вме́сто е́же люби́ти мя,
оболга́ху мя, аз же моля́хся,
⁵и положи́ша на мя зла́я за
блага́я, и ненави́сть за воз-
любле́ние мое́. ⁶Поста́ви на
него́ грешника, и диа́вол да
ста́нет одесну́ю его́. ⁷Внегда́
судити́ся ему́, да изы́дет
осужде́н, и моли́тва его́ да
бу́дет в грех. ⁸Да бу́дут дни́е
его́ ма́ли, и епи́скопство его́
да при́имет ин: ⁹да бу́дут сы́-
нове его́ си́ри, и жена́ его́
вдова́: ¹⁰двигу́щеся да пре-

селятся сынове его и воспросят, да изгнани будут из домов своих. ¹¹Да възыщет заимодавец вся, елика суть его, и да восхитят чуждии труды его. ¹²Да не будет ему заступника, ниже да будет ущедряяй сироты его. ¹³Да будут чада его в погубление, в роде едином да потребится имя его. ¹⁴Да воспомянется беззаконие отец его пред Господем, и грех матери его да не очистится. ¹⁵Да будут пред Господем вину и да потребится от земли память их. ¹⁶Занеже не помяну сотворити милость, и пог-

на человека нища и убога, и умилена сердцем умервити. ¹⁷И возлюбил клятву, и придет ему, и не восхотел благословения, и удалится от него. ¹⁸И облечется в клятву яко в ризу, и вниде яко вода во утробу его, и яко елей в кости его. ¹⁹Да будет ему яко риза, в нюже облачится, и яко пояс, имже вину опоясуется. ²⁰Сие дело оболгающих мя у Господа и глаголющих лукавая на душу мою. ²¹И ты, Господи, Господи, сотвори со мною имене ради Твоего, яко блага милость Твоя. ²²Избави

мя, яко нищ и убог есмь аз, и сердце мое смятется внутрь мене. ²³Яко сень, внемда уклонитися ей, отяхся, страсохся яко пружи. ²⁴Колена моя изнемогоста от поста, и плоть моя изменися елеа ради. ²⁵И аз бых поношение им, видеша мя, покиваша главами своими. ²⁶Помози ми, Господи Боже мой, и спаси мя по милости Твоей, ²⁷и да разумеют, яко рука Твоя сия, и Ты, Господи, сотворил еси ю. ²⁸Прокленут тии, и Ты благословивши, встающии на мя да постыдятся, раб же Твой воз-

веселится. ²⁹Да облекутся оболгающие мя в срамоту, и оденутся, яко одеждею, студом своим. ³⁰Исповемся Господеви зело усты моими, и посреде многих восхвалю Его, ³¹яко предста одесную убогаго, еже спасти от гонящих душу мою.

Слава:

По 15-й кафисме:

Трисвятое. Пресвятая
Троице... Отче наш...

Таже тропари = глас 1: Яко пучина многа прегрешений моих, Спасе, и люте пог-

рузіхся согрешёнными мо-
їми: даждь ми руку́, яко
Петрoви, и спасі мя, Бoже,
и помілуй мя.

Слава: Яко помышлєнии
лукавыми и дєлы осудіхся,
Спасє, мысль ми даруй об-
ращєния, Бoже, да зову: спа-
сї мя, Благодєтелю благїй,
и помілуй мя.

И ныне: Богоблажєнная
Отроковїце и пренепороч-
ная, сквєрна мя суща и ока-
лянна от деяний безмєстных,
и сквєрных помышлєний,
очїсти мя, окаяннаго, не-
сквєрная и чїстая, всевятая
Мати Дєво.

Гoсподи, помілуй (40)

и молитва:

Владько Гoсподи Иисусє
Христє, Ты еси Помощник
мой, в руках Твоїх есмь аз,
помози ми, не остави менє
согрешїти к Тебє, яко заблу-
ждєн есмь, не остави мя по-
слєдовати воли плоти моея,
не презри мя, Гoсподи, яко
нємощен есмь. Ты вєси по-
лєзное мне, не остави мя по-
гїбнути грехї моїми, не ос-
тави мя, Гoсподи, не отступї
от менє, яко к Тебє прибегох,
научї мя творїти волю Твою,
яко Ты еси Бог мой. Исцели

дúшу мою, яко согрешíх Ти; спасí мя рáди мíлости Твоея, яко пред Тобóю суть вси стужáющие ми, и несть мне инóе прибéжище, тóкмо Ты, Гóсподи. Да постыдýт-ся úбо вси востаю́щие на мя и и́щущи дúшу мою, éже по-требíти ю́, яко Ты еси́ Едíн Сíльный, Гóсподи, во всех, и Твоя́ есть сла́ва во вéки ве-ко́в, амíнь.

∨ 7∨

Кафисма шестаянадесять

Псалом Давíду, 109

¹Рече́ Гóсподь Гóсподеви моему́: седи́ одесну́ю Менé, дóндеже положу́ врагí Твоя́ подно́жие ног Твои́х. ²Жезл сíлы по́слет Ти Гóсподь от Сиóна, и гóсподствуй посреде́ враго́в Твои́х. ³С Тобóю нача́ло в день сíлы Твоея́, во свéлостех святых́ Твои́х, из чре́ва прёжде денни́цы роди́х Тя. ⁴Кля́тсЯ Гóсподь и не раскá-

ется: Ты иерей во век, по чину Мелхиседекову. ⁵Господь одесную Тебе сокрушил есть в день гнева Своего царя. ⁶Судит во языцех, исполнит падения, сокрушит главы на земли многих. ⁷От потока на пути пиет, сего ради вознесет главу.

Аллилуиа, 110

¹Исповемся Тебе, Господи, всем сердцем моим в совете правых и сонме. ²Велия дела Господня, изыскана во всех волях Его. ³Исповедание и великолепие дело Его, и правда Его пребывает в

век века. ⁴Память сотворил есть чудес Своих, милостив и щедр Господь. ⁵Пищу даде боящимся Его, помянет в век завет Свой. ⁶Крепость дел Своих возвестит людем Своим, дати им достояние язык. ⁷Дела рук Его истина и суд, верны вся заповеди Его, ⁸утвержены в век века, сотворены во истине и правоте. ⁹Избавление посла людем Своим: заповеда в век завет Свой. Свято и страшно имя Его. ¹⁰Начало премудрости страх Господень, разум же благ всем творящим и. Хвала Его пребывает в век века.

Аллилу́иа, псалом 111

¹Блаже́н муж, бойся Го́спода, в за́поведех Его́ восхо́щет зело́. ²Си́льно на земли́ бу́дет се́мя его́, род пра́вых благослови́тся: ³сла́ва и бога́тство в дому́ его́, и пра́вда его́ пребыва́ет в век ве́ка. ⁴Возсия́ во тме свет пра́вым, ми́лостив и щедр, и пра́веден. ⁵Благ муж, ще́дря и да́я: устро́ит словеса́ своя́ на суде́, я́ко в век не подви́жится. ⁶В па́мять ве́чную бу́дет пра́ведник. ⁷От слуха́ зла не убои́тся, ⁸гото́во се́рдце его́ упова́ти на Го́спода. Утверди́ся се́рдце его́, не убои́тся, дон-

деже воззри́т на враги́ своя́. ⁹Расточи́, даде́ убо́гим, пра́вда его́ пребыва́ет во век ве́ка, рог его́ вознесётся в сла́ве. ¹⁰Гре́шник у́зрит и прогне́вается, зубы́ свои́ми поскреже́щет и раста́ет, жела́ние гре́шника поги́бнет.

Слава:

Аллилу́иа, 112

¹Хвали́те, о́троцы, Го́спода, хвали́те и́мя Госпо́дне. ²Бу́ди и́мя Госпо́дне благослове́но отны́не и до ве́ка. ³От восток со́лнца до за́пад хва́льно и́мя Госпо́дне. ⁴Высо́к над все́ми язы́ки Госпо́дь: над небесе́

сла́ва Его́. ⁵Кто́ я́ко Госпо́дь Бог наш? На вы́соких жи-
вѣй ⁶и на смире́нныя призи-
ра́й на небеси́ и на земли́,
⁷воздвиза́й от земли́ ни́ща и
от гно́ища возвыша́й убо́га,
⁸посади́ти его́ с князи, с кня-
зи люде́й Свои́х, ⁹вселя́я не-
пло́довъ в дом ма́терь о ча́дах
веселя́щуся.

Аллилу́иа, 113

¹Во исхо́де Изра́илеве от
Египта, до́му Иа́ковля из лю-
де́й ва́рвар, ²бысть Иуде́а свя-
ты́ня Его́, Изра́иль о́бласть
Его́. ³Мо́ре ви́де и побеже́,
Иорда́н возврати́ся вспя́ть,

⁴го́ры възгра́шася, я́ко о́вни,
и хо́лми, я́ко а́гнцы о́вчии.
⁵Что́ ти есть, мо́ре, я́ко по-
бе́гло еси́? И тебе́, Иорда́не,
я́ко возврати́лся еси́ вспя́ть?
⁶Го́ры, я́ко възгра́стеся, я́ко
овни́, и хо́лми, я́ко а́гнцы о́в-
чии? ⁷От лица́ Госпо́дня под-
ви́жеся земля́, от лица́ Бо́га
Иа́ковля, ⁸обра́щшаго ка́-
мень во езе́ра водна́я и несе-
ко́мый во исто́чники водны́я.
⁹Не нам, Го́споди, не нам,
но и́мени Твоему́ даждь сла́-
ву, о ми́лости Твое́й и и́сти-
не Твое́й. ¹⁰Да не когда́ реку́т
язы́цы: где́ есть Бог их? ¹¹Бог
же наш на небеси́ и на земли́,

вся елика восхотé, сотвори.
¹²Идоли язык сребро и злато,
делá рук человеческих. ¹³Уста
имут, и не возглаголют, очи
имут и не узрят, ¹⁴уши имут,
и не услышат, ноздри имут, и
не обоняют, ¹⁵руце имут, и не
осяжут, нозе имут, и не пойдут,
не возгласят гортанем
своим. ¹⁶Подобни им да будут
творящий я, и вси надею-
щийся на ня. ¹⁷Дом Израилев
упова на Господа: Помощник
и Защититель им есть. ¹⁸Дом
Ааронь упова на Господа:
Помощник и Защититель им
есть. ¹⁹Боящийся Господа
уповаша на Господа: Помощ-

ник и Защититель им есть.
²⁰Господь помянув ны благословил
есть нас, благословил
есть дом Израилев, благословил
есть дом Ааронь,
²¹благословил есть боящияся
Господа, малыя с великими.
²²Да приложит Господь
на вы, на вы и на сыны ваша.
²³Благословени вы Господеви,
сотворшему небо и землю.
²⁴Небо небесé Господеви,
землю же даде сыновом
человеческим. ²⁵Не мертвии вос-
хвалят Тя, Господи, ниже вси
низходящий во ад, ²⁶но мы,
живии, благословим Господа
отныне и до века.

Аллилуиа, 114

¹Возлюбих, яко услышит Господь глас моления моего, ²яко приклоню ухо Своё мне, и во дни моя призову. ³Объяша мя болезни смертные, беды адовы обретоша мя, скорбь и болезнь обретох, и имя Господне призвах: ⁴о, Господи, избави душу мою. Милостив Господь и праведен, и Бог наш милует. ⁵Храняй младенцы Господь: смирихся, и спасе мя. ⁶Обратися, душе моя, в покой твой, яко Господь благодествова тя. ⁷Яко изыят душу мою

от смерти, очи мой от слез и нозе мой от поползновения. ⁸Благоугожду пред Господем во стране живых.

Слава:

Аллилуиа, 115

¹Вёровах, темже возглаголах, аз же смирихся зело. ²Аз же рех во изступлении моём: всяк человек ложь. ³Что воздам Господеву о всех, яже воздаде ми? ⁴Чашу спасения прииму и имя Господне призову, ⁵молитвы моя Господеву воздам пред всеми людьми Его. ⁶Честна пред Господем смерть преподоб-

ных Его. ⁷О, Господи, аз раб Твой, аз раб Твой и сын рабыни Твоея; растерзал еси узы моя. ⁸Тебе пожру жертву хвалы, и во имя Господне призову. ⁹Молитвы моя Господеву воздам пред всеми людьми Его, ¹⁰во дворах дому Господня, посреде тебе, Иерусалиме.

Аллилуиа, 116

¹Хвалите Господа вси языцы, похвалите Его вси людие, ²яко утвердися милость Его на нас, и истина Господня пребывает во век.

Аллилуиа, 117

¹Исповедаетесь Господеву, яко благ, яко в век милость Его. ²Да речет убо дом Израилев: яко благ, яко в век милость Его. ³Да речет убо дом Ааронь: яко благ, яко в век милость Его. ⁴Да рекут убо вси боящиеся Господа: яко благ, яко в век милость Его. ⁵От скорби призвах Господа, и услыша мя в пространство. ⁶Господь мне Помощник, и не убоюсь, что сотворит мне человек. ⁷Господь мне Помощник, и аз воззрю на враги моя. ⁸Благо есть надеяться на Господа,

нежели надѣяться на человека.⁹ Благо есть уповати на Господа, нежели уповати на князи.¹⁰ Все языцы обыдоша мя, и именем Господним противляхся им,¹¹ обышедше обыдоша мя, и именем Господним противляхся им,¹² обыдоша мя, яко пчелы сот, и разгорѣшася, яко огонь в тернии, и именем Господним противляхся им.¹³ Отриновѣн превратихся пасти, и Господь прият мя.¹⁴ Крепость моя и пение мое Господь, и бысть ми во спасение.¹⁵ Глас радости и спасения в селениих праведных: десни-

ца Господня сотвори силу.¹⁶ Десница Господня вознесе мя, десница Господня сотвори силу.¹⁷ Не умру, но жив буду, и повѣм дела Господня.¹⁸ Наказуя наказá мя Господь, смерти же не предаде мя.¹⁹ Отверзите мне врата правды, вшед в ня исповѣмся Господеви.²⁰ Сия врата Господня, праведнии внидут в ня.²¹ Исповѣмся Тебѣ, яко услышал мя еси, и был еси мне во спасение.²² Камень, егже небрегóша зиждущии, сей бысть во главу угла: ²³от Господа бысть сей, и есть дивен во очесех наших.²⁴ Сей

день, егѡже сотвори Господь, возрадуемся и возвеселимся вонь. ²⁵О, Господи, спаси же, о Господи, поспеши же. ²⁶Благословен грядый во имя Господне, благословихом вы из дому Господня. ²⁷Бог Господь, и явился нам: составите праздник во учающих до рог олтаревых. ²⁸Бог мой еси Ты, и исповемся Тебе, Бог мой еси Ты, и вознесу Тя. Исповемся Тебе, яко услышал мя еси, и был еси мне во спасение. ²⁹Исповедайтесь Господеву, яко благ, яко в век милость Его.

Слава:

По 16-й кафисме:

Трисвятое. Пресвятая
Троице... Отче наш...

Таже тропари, глас 1: Ин мир тебе, душе, ожидает, и Судия хощет Твоя обличити тайная и лютая. Не пребуди убо в здешних, но предвари вопиющи Судий: Боже, очисти мя и спаси мя.

Слава: Яко прегрешеньми многими и язвами безмерными облежимь есмь, Спасе, согрешаяй молю Твое благоутробие, Христе: врачу недугующих, посети, и исцели, и спаси мя.

И ныне: Душе́ моя, что не-
ради́во живёши лентящи-
ся? Что не печёшися о злых,
ихже содеяла еси́ в жити́й?
Потщися́ испра́виться пре́-
жде да́же дверь не заключи́т
Тебе́ Господь. Богородице
притецы́, припадí и возопи́й:
упова́ние ненаде́емых, спаси́
мя, мно́го к Тебе́ прегрешив-
ша, Влады́чице пречы́стая.

Господи, помилуй (40)

и молитва:

Господи Святы́й, в Вы́шних
живы́й, и всеви́дящим Твои́м
о́ком призира́яй на всю тварь,

Тебе́ приклоня́ем вѣю ду-
ши́ и телесе́, и Тебе́ мо́лимся,
Святы́й святы́х: простри́ ру́-
ку Твою́ невидимую от свята́-
го жили́ща Твоего́, и благосло-
ви́ вся ны, и прости́ нам всякое
согреше́ние, во́льное же и не-
во́льное, сло́вом или́ де́лом.
Да́руй нам, Го́споди, умиле́-
ние, да́руй слёзы духо́вныя от
души́, во очище́ние мно́гих на́-
ших грехо́в, да́руй ве́лию Твою́
ми́лость на мир Твой и на ны
недостойныя рабы́ Твоя́. Яко
благослове́но и препросла́влено
есть и́мя Твое́, Отца́ и Сы́на
и Свята́го Ду́ха, ны́не и при-
сно, и во ве́ки веко́в, ами́нь.

Кафисма седьмаянадесять

Аллилу́иа, 118

¹Блаже́ни непоро́чнии в путь, ходя́щие в зако́не Господни. ²Блаже́ни испыта́ющие свидения́ Его́, всем се́рдцем взы́шут Его́, ³не де́лающие бо беззако́ния, в путех́ Его́ ходи́ша. ⁴Ты запове́дал еси́ заповеди́ Твоя́ сохра́нити зело́. ⁵Дабы́ исправи́лися пути́е мо́й, сохра́нити оправда́ния Твоя́. ⁶Тогда́ не постыжу́-

ся, внегда́ призре́ти ми на вся за́поведи Твоя́. ⁷Испове́мся Тебе́ в пра́вости се́рдца, внегда́ научи́ти ми ся судьба́м пра́вды Твоея́. ⁸Оправда́ния Твоя́ сохраню́, не оста́ви мене́ до зела́. ⁹В чесо́м испра́вит юне́йший путь свой? Внегда́ сохра́нити словеса́ Твоя́. ¹⁰Всем се́рдцем мо́им взыска́х Тебе́, не отру́ни мене́ от за́поведей Твои́х. ¹¹В се́рдце мо́ем скрых словеса́ Твоя́, яко́ да не согрешу́ Тебе́. ¹²Благослове́н еси́ Го́споди, научи́ мя оправда́нием Твои́м. ¹³Устна́ма мо́има возвестих́ вся судьбы́ уст Твои́х. ¹⁴На пути́ свидений

Твои́х наслади́хся, я́ко о вся́ком бога́тстве. ¹⁵В за́поведех Твои́х поглумлю́ся, и уразу́мею пути́ Твоя́. ¹⁶Во оправда́ниих Твои́х поучу́ся, не забу́ду словес́ Твои́х. ¹⁷Возда́ждь рабу́ Твоему́: живи́ мя, и сохрани́ю словеса́ Твоя́. ¹⁸Откры́й о́чи мои́, и уразу́мею чудеса́ от зако́на Твоего́. ¹⁹Пришле́ц аз есмь на земли́, не скрый от мене́ за́поведи Твоя́. ²⁰Возлюби́ душа́ моя́ возжелати́ судьбы́ Твоя́ на всякое вре́мя. ²¹Запрети́л еси́ гóрдым, про́кляти уклоня́ющиися от за́поведей Твои́х. ²²Отыми́ от мене́ поно́с и уничиже́-

ние, я́ко свидений́ Твои́х взыска́х. ²³И́бо седо́ша князи́ и на мя клеветáху, раб же Твой глумля́шеся во оправда́ниих Твои́х: ²⁴И́бо свидения́ Твоя́ поучение́ мое́ есть, и сове́ти мои́ оправда́ния Твоя́. ²⁵Прильпе́ земли́ душа́ моя́, живи́ мя по словеси́ Твоему́. ²⁶Пути́ моя́ возвестих́, и услы́шал мя еси́, научи́ мя оправда́нием Твоим: ²⁷Путь оправда́ний Твои́х вразуми́ ми, и поглумлю́ся в чудесех́ Твои́х. ²⁸Воздрема́ душа́ моя́ от уны́ния, утверди́ мя в словесех́ Твои́х. ²⁹Путь неправды́ отста́ви от мене́, и зако́ном Твоим

помилуй мя. ³⁰Путь истины изволих, и судьбы Твоя не забых. ³¹Прилепихся свидением Твоим, Господи, не посрами мене. ³²Путь заповедей Твоих текох, егда расширил еси сердце мое. ³³Законоположи мне, Господи, путь оправданий Твоих, и взыщу и вину. ³⁴Вразуми мя, и испытаю закон Твой, и сохраню и всем сердцем моим. ³⁵Настави мя на стезю заповедей Твоих, яко тую восхотех. ³⁶Приклони сердце мое во свидения Твоя, а не в лихоимство. ³⁷Отврати очи мои, еже не видети суеты, в пути Твоём живи мя.

³⁸Постави рабу Твоему слово Твое в страх Твой. ³⁹Отними поношение мое, еже непщеваях, яко судьбы Твоя благи. ⁴⁰Се возжелых заповеди Твоя, в правде Твоей живи мя. ⁴¹И да придет на мя милость Твоя, Господи, спасение Твое по словеси Твоему, ⁴²и отвечаю поношающим ми слово, яко уповах на словеса Твоя. ⁴³И не отними от уст моих словесе истинна до зела, яко на судьбы Твоя уповах. ⁴⁴И сохраню закон Твой вину, в век и в век века. ⁴⁵И хождах в широте, яко заповеди Твоя взысках. ⁴⁶И глаголах о сви-

дэниих Твои́х пред царі́, и не стыдя́хся, ⁴⁷и поуча́хся в за́поведех Твои́х, я́же возлюбі́х зело́: ⁴⁸и воздвиго́х рү́це мой к за́поведем Твои́м, я́же возлюбі́х, и глумля́хся во оправда́ниих Твои́х. ⁴⁹Помяни́ словеса́ Твоя́ рабу́ Твоему́, и́хже упова́ние дал ми еси́. ⁵⁰То мя утэ́ши во смире́нии моём, я́ко сло́во Твое́ живи́ мя. ⁵¹Го́рдии законопреступова́ху до зела́, от зако́на же Твоего́ не уклони́хся. ⁵²Помяну́х судьбы́ Твоя́ от ве́ка, Го́споди, и утэ́шихся. ⁵³Печа́ль прия́т мя от грэ́шник, оставля́ющих зако́н Твой. ⁵⁴Пе́та бя-

ху мне оправда́ния Твоя́ на ме́сте пришельства́ моего́. ⁵⁵Помяну́х в но́щи и́мя Твое́, Го́споди, и сохрани́х зако́н Твой. ⁵⁶Сей бысть мне, я́ко оправда́ний Твои́х взыска́х. ⁵⁷Часть моя́ еси́, Го́споди, рех сохра́нити зако́н Твой. ⁵⁸Помоли́хся лицу́ Твоему́ всем се́рдцем моим: поми́луй мя по словеси́ Твоему́. ⁵⁹Помы́слих пути́ Твоя́, и возврати́х но́зе мой во свиде́ния Твоя́. ⁶⁰Угото́вихся и не смути́хся сохра́нити за́поведи Твоя́. ⁶¹У́жя грэ́шник обяза́шася мне, и зако́на Твоего́ не забы́х. ⁶²Полу́нощи воста́х

исповѣдатися Тебѣ о судьбахъ правды Твоея. ⁶³Причастник аз есмь всемъ боящимся Тебѣ и хранящимъ заповѣди Твоя. ⁶⁴Милости Твоея, Господи, исполнь земля, оправданиемъ Твоимъ научи мя. ⁶⁵Благость сотворилъ еси с рабомъ Твоимъ, Господи, по словеси Твоему. ⁶⁶Благости и наказанію, и разуму научи мя, яко заповѣдемъ Твоимъ вѣровахъ. ⁶⁷Прѣжде да же не смирити ми ся, азъ прегрѣшихъ, сего ради слово Твое сохранихъ. ⁶⁸Благ еси Ты, Господи, и благостию Твоею научи мя оправданиемъ Твоимъ. ⁶⁹Умножися на мя

неправда гордыхъ, азъ же всемъ сердцемъ моимъ испытаю заповѣди Твоя. ⁷⁰Усырися яко млеко сердце ихъ, азъ же закону Твоему поучихся. ⁷¹Благо мне, яко смирилъ мя еси, яко да научуся оправданиемъ Твоимъ. ⁷²Благъ мне законъ устъ твоихъ, паче тысячи злата и сребра.

Слава:

⁷³Руце Твоя сотвориште мя, и создасте мя, вразуми мя, и научуся заповѣдемъ Твоимъ. ⁷⁴Боящиися Тебѣ узрятъ мя и возвеселятся, яко на словеса Твоя уповахъ. ⁷⁵Разумехъ,

Господи, яко правда судьбы Твоя, и воистинну смирил мя еси. ⁷⁶Буди же милость Твоя, да утешит мя по словеси Твоему рабу Твоему. ⁷⁷Да придут мне щедроты Твоя, и жив буду, яко закон Твой поучение мое есть. ⁷⁸Да постыдятся гордии, яко неправедно беззаконноваша на мя, аз же поглумлюся в заповедех Твоих. ⁷⁹Да обратят мя боящиеся Тебе, и ведящие свидения Твоя. ⁸⁰Буди сердце мое непорочно во оправданиях Твоих, яко да не постыжуся. ⁸¹Исчезает во спасение Твое душа моя, на словеса Твоя

уповах. ⁸²Исчезоша очи мой в слово Твое, глаголюще: когда утешиши мя? ⁸³Зане бых яко мех на слане, оправданий Твоих не забуду. ⁸⁴Колико есть дней раба Твоего? Когда сотвориши ми от гонящих мя суд? ⁸⁵Поведаша мне законопреступницы глумления, но не яко закон Твой, Господи. ⁸⁶Вся заповеди Твоя истина, неправедно погнаша мя, помози ми. ⁸⁷Вмале не скончаша мене на земли, аз же не оставих заповедей Твоих. ⁸⁸По милости Твоей живи мя, и сохраню свидения уст Твоих. ⁸⁹Во век, Господи, сло-

во Твоё пребывает на Небеси.
⁹⁰В род и род истина Твоя.
Основал еси землю, и пребывает.
⁹¹Учинением Твоим пребывает день, яко всяческая работна Тебе.
⁹²Яко аще бы не закон Твой поучение моё был, тогда убо погибл бых во смирении моём.
⁹³Во век не забуду оправданий Твоих, яко в них оживил мя еси.

[Средя:]

⁹⁴Твой есмь аз, спаси мя, яко оправданий Твоих взысках.
⁹⁵Менé ждáша грéшницы погубити мя, свидения Твоя разумех.
⁹⁶Всякия

кончины видех конец, широка заповедь Твоя зело.
⁹⁷Коль возлюбил закон Твой, Господи, весь день поучение моё есть.
⁹⁸Паче враг моих умудрил мя еси заповедию Твоею, яко в век моя есть.
⁹⁹Паче всех учащих мя разумех, яко свидения Твоя поучение моё есть.
¹⁰⁰Паче старец разумех, яко заповеди Твоя взысках.
¹⁰¹От всякаго пути лукава возбранил ногам моим, яко да сохраню словеса Твоя.
¹⁰²От судьб Твоих не уклонился, яко Ты законоположил ми еси.
¹⁰³Коль сладка гортани моему сло-

весá Твоя, пáче мéда устóм моим. ¹⁰⁴От заповедей Твоих разумéх, сего ради возненавидéх всяк путь неправды. ¹⁰⁵Светильник ногáма мойма закóн Твой, и свет стезя́м моим. ¹⁰⁶Кля́хся и поста́вих сохранити судьбы́ правды Твоея. ¹⁰⁷Смирíхся до зела́, Го́споди, живи́ мя по словесí Твоему́. ¹⁰⁸Во́льная уст моих благоволи́ же, Го́споди, и судьба́м Твоим научи́ мя. ¹⁰⁹Душа́ моя в руку́ Твоею вьну, и закóна Твоего́ не забых. ¹¹⁰Положи́ша грéшницы сеть мне, и от заповедей Твоих не заблудих.

¹¹¹Наслédовах свидéния Твоя́ во век, я́ко ра́дование сёрдца моего́ суть. ¹¹²Приклоних сёрдце моё сотвори́ти оправда́ния Твоя́ в век за воздая́ние. ¹¹³Законопресту́пныя возненавидéх, закóн же Твой возлюбих. ¹¹⁴Помощник мой и Засту́пник мой еси́ Ты, на словеса́ Твоя́ упова́х. ¹¹⁵Уклонитесь от мене́ лукавнующи, и испытаю́ заповеди́ Бо́га моего́. ¹¹⁶Заступи́ мя по словесí Твоему́, и жив бу́ду, и не посрамí мене́ от чая́ния моего́, ¹¹⁷помози́ ми, и спасу́ся, и поучу́ся во оправда́ниях

Твоих вѣну. ¹¹⁸Уничижил еси
 вся отступающія от оп-
 раваданий Твоих, яко не-
 праведно помышление их.
¹¹⁹Преступающія непщевахъ
 вся грѣшныя земли, сего ра-
 ди возлюбихъ свидѣния Твоя.
¹²⁰Пригвозди страху Твоему
 плоти моя, от судѣб бо Твоихъ
 убояхся. ¹²¹Сотворихъ суд и
 правду, не предаждь менѣ
 обидящимъ мя. ¹²²Восприими
 раба Твоего во благо, да не
 оклеветаютъ менѣ горди.
¹²³Очи мои исчезосте во спа-
 сеніе Твое, и в слово прав-
 ды Твоея. ¹²⁴Сотвори с рабомъ
 Твоимъ по милости Твоей,

и оправданиемъ Твоимъ научи
 мя. ¹²⁵Рабъ Твой есмь азъ:
 вразуми мя, и увѣмъ свидѣ-
 ния Твоя. ¹²⁶Время сотвори ти
 Господеву: разориша законъ
 Твой. ¹²⁷Сего ради возлюбихъ
 заповѣди Твоя паче злата и
 топазія. ¹²⁸Сего ради ко всемъ
 заповѣдемъ Твоимъ направляхъ-
 ся, всякъ путь неправды воз-
 ненавидѣхъ. ¹²⁹Дивна свидѣ-
 ния Твоя, сего ради испытала
 душа моя. ¹³⁰Явленіе словесъ
 Твоихъ просвѣщаетъ и вразум-
 ляетъ младенцы. ¹³¹Уста моя
 отверзохъ и привлекохъ духъ,
 яко заповѣдей Твоихъ желаяхъ.

Слава:

¹³²Призри на мя и помилуй мя, по суду любящих имя Твое. ¹³³Стопы моя направи по словеси Твоему, и да не обладает мною всякое беззаконие. ¹³⁴Избави мя от клеветы человеческия, и сохраню заповеди Твоя. ¹³⁵Лице Твое просвети на раба Твоего, и научи мя оправданием Твоим. ¹³⁶Исходища водная изведосте очи мои, понеже не сохраних закона Твоего. ¹³⁷Праведен еси, Господи, и прави суди Твой. ¹³⁸Заповедал еси правду свидения Твоя и истину зело. ¹³⁹Истаяла мя есть ревность Твоя, яко забы-

ша словеса Твоя врази мои. ¹⁴⁰Разжжено слово Твое зело, и раб Твой возлюбил е. ¹⁴¹Юнейший аз есмь и уничижен, оправданий Твоих не забых. ¹⁴²Правда Твоя правда во век, и закон Твой истина. ¹⁴³Скорби и нужды обретоша мя, заповеди Твоя поучение мое. ¹⁴⁴Правда свидения Твоя в век, вразуми мя, и жив буду. ¹⁴⁵Возвах всем сердцем моим, услыши мя, Господи, оправдания Твоя взыщу. ¹⁴⁶Возвах Ти, спаси мя, и сохраню свидения Твоя. ¹⁴⁷Предварих в безгонии и возвах, на словеса

Твоя уповах. ¹⁴⁸Предваристе очи мой ко утру, поучитися словесем Твоим. ¹⁴⁹Глас мой услыши, Господи, по милости Твоей: по судьбе Твоей живи мя. ¹⁵⁰Приблужишася гонящие мя беззаконием, от закона же Твоего удалишася. ¹⁵¹Близ еси Ты, Господи, и вси пути Твоя истина. ¹⁵²Исперва познах от свидений Твоих, яко в век основал я еси. ¹⁵³Видь смирение мое и изми мя, яко закона Твоего не забых. ¹⁵⁴Суди суд мой и избави мя, словесе ради Твоего живи мя. ¹⁵⁵Далече от грешник спасение, яко

оправданий Твоих не взыскаша. ¹⁵⁶Щедроты Твоя многи, Господи, по судьбе Твоей живи мя. ¹⁵⁷Мнози изгонящие мя и стужающие ми, от свидений Твоих не уклонихся. ¹⁵⁸Видех неразумеваящие и истаях, яко словес Твоих не сохраниша. ¹⁵⁹Видь, яко заповеди Твоя возлюбих, Господи, по милости Твоей живи мя. ¹⁶⁰Начало словес Твоих истина, и во век вся судьбы правды Твоея. ¹⁶¹Князи погнаша мя туне, и от словес Твоих убояся сердце мое. ¹⁶²Возрадуяся аз о словесех Твоих, яко обретаю

корысть многу. ¹⁶³Неправду возненавидех и омерзих, закон же Твой возлюбих. ¹⁶⁴Седмерицею днем хвалих Тя о судьбах правды Твоея. ¹⁶⁵Мир мног любящим закон Твой, и несть им соблазна. ¹⁶⁶Чаях спасения Твоего, Господи, и заповеди Твоя возлюбих. ¹⁶⁷Сохрани душа моя свидения Твоя и возлюбий я зело. ¹⁶⁸Сохраних заповеди Твоя и свидения Твоя, яко вси путие мой пред Тобою, Господи. ¹⁶⁹Да приблизится моление мое пред Тя, Господи, по словеси Твоему вразуми мя. ¹⁷⁰Да внидет про-

шение мое пред Тя, Господи, по словеси Твоему избави мя. ¹⁷¹Отрыгнут устне мой пение, егда научиши мя оправданием Твоим. ¹⁷²Провещает язык мой словеса Твоя, яко вся заповеди Твоя правда. ¹⁷³Да будет рука Твоя еже спасти мя, яко заповеди Твоя изволих. ¹⁷⁴Возжелалх спасение Твое, Господи, и закон Твой обучение мое есть. ¹⁷⁵Жива будет душа моя и восхвалит Тя, и судьбы Твоя помогут мне. ¹⁷⁶Заблудих, яко овча погубшее, взыщи раба Твоего, яко заповедей Твоих не забых.

Слава:

По 17-й кафисме:

Трисвятое. Пресвятая
Троице... Отче наш...

Таже тропари, глас 2: Согреших к Тебе, Спасе, яко блудный сын: приими мя, Отче, кающагося, и помилуй мя, Боже.

Слава: Зову к Тебе, Христе Спасе, мытаревым гласом: очисти мя якоже онаго и помилуй мя, Боже.

И ныне: Богородице, не презри мя требующа заступления Твоего: на Тя бо упова душа моя, и помилуй мя.

Господи, помилуй (40)

и молитва:

Владыко Господи Вседержителю и Творче всех, щедрот Отец и милости Бог, от земли создавый человека и показавый его по образу Твоему и по подобию, да и тем прославится великое имя Твое на земли, и исторгнена убо преступлением Твоих заповедей, паки на лучшее возсздавый его во Христе Твоем, и возведый на небеса; благодарю Тя, яко умножил еси на мне величие Твое, и не предал мя еси вра-

гѡм моѡм в концѣ, истѡргнути
мя ѡищущим в прѡпасть адову,
ниже оставил мя еси погѣб-
нути со беззакѡнии моѡми.
Ныне убо, Многомѡлостиве
и Любоблаже Гѡсподи, не хо-
тяй смѣрти грѣшнаго, но об-
ращѣния ожидаяй, и при-
ѣмляй; Иже низвѣрженныя
исправляяй, сокрушенныя ис-
целяяй, обрати и менѣ к по-
каянню, и низвѣрженнаго
исправи, и сокрушеннаго ис-
цели; помяни Твоя щедрѡты
и яже от вѣка Твою непости-
жимую благодать и моя без-
мѣрная забуди беззакѡния,
яже дѣлом и слѡвом, и мѡс-

лию соверших; разреши ос-
леплѣние сѣрдца моего, и
даждь ми слѣзы умилѣния
на очищѣние сквѣрны мѡс-
ли моея. Услыши, Гѡсподи,
вонми, Человеколюбче, очѣ-
сти, Благоутрѡбне, и от му-
чительства во мне царствующ-
щих страстей окаянную мою
дѡшу свободи. И не ктому
да содержит мя грех, ниже
да возможет на мя боритель
дѣмон, ниже к своему хотѣ-
нню да ведѣт мя, но держав-
ною Твоею рукою, его вла-
дѣчества исхитивый мя, Ты
царствуй во мне, благий и
человеколюбивый Гѡсподи,

и всего Твоего быти, и жити мне прочее по Твоей благоволи воли. И подаждь ми неизреченною благостию сердца очищение, уст хранение, правоту деяний, мудрование смиренное, мир помыслов, тишину душевных моих сил, радость духовную, любовь истинную, долготерпение, благость, кротость, веру нелицемерну, воздержание обдержательное, и всех мя благих плодов исполни дарованием Святаго Твоего Духа. И не возведи мене в преполовение дней моих, ниже неисправлену и негото-

ву душу мою восхитиши, но соверши мя Твоим совершенством, и тако мя настоящего жития изведи, яко да невозбранно прошед начала и власти тьмы, Твоею благодатию узрю и аз неприступная Твоея славы доброту неизреченную со всеми святыми Твоими, в нихже освятися и прославися всечестное и великолепое имя Твое, Отца и Сына и Святаго Духа, ныне и присно, и во веки веков, аминь.

Кафисма осмаянадесять

Песнь степеней, 119

¹Ко Гóсподу, внегда скорбѣти ми, возвахъ, и услыша мя. ²Гóсподи, избáви дúшу мою́ от устѣн неправедныхъ и от язýка льстíва. ³Что да́стся тебѣ, или́ что приложíтся тебѣ к язýку льстíву? ⁴Стрѣлы сýльнаго изошрѣны, со úгльми пусты́нными. ⁵Увы́ мне, я́ко пришѣльствие мое́ продолж́ися, вселих́ся с селѣнии

Кидáрскими. ⁶Мно́го пришѣльствова душа́ моя́, с ненав́идящими мíра бех мíрен: ⁷егдá глаго́лах имъ, боря́ху мя тúне.

Песнь степеней, 120

¹Возведóх óчи мой в гóры, отню́ду же прíдет пóмощь моя́. ²Пóмощь моя́ от Гóспода, сотвóршаго нéбо и зéмлю. ³Не даждь во смятѣние ногí твоея́, ниже́ воздрѣмлет храня́й тя, ⁴се не воздрѣмлет, ниже́ уснет храня́й Изра́иля. ⁵Госпóдь сохранíт тя, Госпóдь покрóв твой на рúку десnúю твою́. ⁶Во дни

сѡлнце не ожжет тебѣ, ни-
же луна нощиу. ⁷Господь со-
хранит тя от всякаго зла, со-
хранит душу твою Господь.
⁸Господь сохранит вхожде-
ние твоѣ и исхождѣние твоѣ,
отныне и до вѣка.

Песнь степеней, 121

¹Возвеселихся о рѣкших
мне: в дом Господень пой-
дем. ²Стояще бяху нѡги наша
во двѡрех твоих, Иерусалиме.
³Иерусалим зиждемый яко
град, емуже причастье его
вкупѣ. ⁴Тамо бо въздоша ко-
лена, колена Господня, сви-
дѣние Израилево, испове-

даться имени Господню,
⁵яко тамо седоша престѡ-
ли на суд, престѡли в до-
му Давидове. ⁶Вопросите же
яже о мире Иерусалима: и
обилие любящим тя. ⁷Буди
же мир в силе твоѣй и оби-
лие в столпостенѡх твоих.
⁸Ради братьий моих и ближ-
них моих глаголах убо мир
о тебѣ. ⁹Дому ради Господа
Бога нашего зысках благая
тебѣ.

Песнь степеней, 122

¹К Тебѣ возведох ѡчи мой,
живущему на Небесѣ. ²Се
яко ѡчи раб в руку господий

своих, яко очи рабыни в руку госпожи своея, тако очи наши ко Господу Богу нашему, дондеже ущедрит ны. ³Помилуй нас, Господи, помилуй нас, яко по многу исполнихомся уничижения, ⁴наипаче наполнися душа наша поношения гобзующих и уничижения гордых.

Песнь степеней, 123

¹Яко аще не Господь бы был в нас, да речет убо Израиль, ²яко аще не Господь бы был в нас, внегда востати человеком на ны, убо живых пожер-

ли быша нас, ³внегда прогневаться ярости их на ны, убо вода потопила бы нас. ⁴Поток прейде душа наша, ⁵убо прейде душа наша воду непостоянную. ⁶Благословен Господь, Иже не даде нас в ловитву зубом их. ⁷Душа наша, яко птица, избавися от сети ловящих: сеть сокрушися, и мы избавлени быхом. ⁸Помощь наша во имя Господа, сотворшаго небо и землю.

Слава:

Песнь степеней, 124

¹Надеющиеся на Господа, яко гора Сион: не под-

вѣжится в век живѣй во Иерусалиме. ²Горы окрест его, и Господь окрест людей Своих отныне и до века. ³Яко не оставит Господь жезла грешных на жребий праведных, яко да не прострут праведнии в беззакония рук своих. ⁴Ублажи, Господи, благія и правыя сердцем. ⁵Уклоняющыяся же в развращения отведет Господь с делующими беззаконие. Мир на Израіля.

Песнь степеней, 125

¹Внегда возвратити Господу плен Сионь, бѣхом

яко утѣшени. ²Тогда исполнися радости уста наша и язык наш веселія, тогда рекут во языцех: возвеличил есть Господь сотворити с ними. ³Возвеличил есть Господь сотворити с нами: бѣхом веселящеса. ⁴Возврати, Господи, пленение наше, яко потоки югом. ⁵Сѣющии слезами радостію пожнут. ⁶Ходящии хождяху и плакахуся, метяюще семена своя, грядуще же придут радостію, вземлюще рукояти своя.

Песнь степёней, 126

¹Аще не Господь созиждет дом, все трудящиеся зиждущии. Аще не Господь сохранит град, все бедохранити. ²Все вам есть утревати, востанете по седении, ядущии хлеб болезни, егда даст возлюбленным Своим сон. ³Се достояние Господне сынове, мзда плода чревяго. ⁴Яко стрелы в руке сильного, тако сынове отрясенных. ⁵Блажен, иже исполнит желание свое от них. Не постыдятся, егда глаголют врагом своим во вратех.

Песнь степёней, 127

¹Блажени вси боящиеся Господа, ходящие в путех Его. ²Труды плодов Твоих снеси: блажен еси, и добро тебе будет. ³Жена твоя, яко лоза, плодита в странах дому твоего, ⁴сынове твой, яко новосаждения масличная, окрест трапезы твоея. ⁵Се тако благословится человек бояйся Господа. ⁶Благословит тя Господь от Сиона, и узриши благая Иерусалима вся дни живота твоего, ⁷и узриши сыны сынов твоих. Мир на Израиля.

Песнь степеней, 128

¹Мно́жицею бра́шася со мно́ю от ю́ности моея́, да речёт у́бо Изра́иль: ²мно́жицею бра́шася со мно́ю от ю́ности моея́, и́бо не пре-могóша мя. ³На хребтѣ мо-ём дѣлаша грѣшницы, про-должи́ша беззакóние своѣ. ⁴Госпóдь праведен ссечѣ вѣя грѣшников. ⁵Да постыдѣтся и возвратѣтся вспять вси не-навѣдящии Си́она. ⁶Да бѹдут, я́ко трава́ на здох, я́же прѣжде восторжѣния и́зше, ⁷е́юже не испóлни руки́ своея́ жнѣй, и нѣдра свое-го́ рукоя́ти собира́яй, ⁸и не

рѣша мимоходя́щии: благо-словѣние Госпóдне на вы, благословѣ́хом вы во и́мя Госпóдне.

Слава:

Песнь степеней, 129

¹Из глубины́ воззва́х к Тебѣ, Гóсподи, Гóсподи, ус-лы́ши глас мой. ²Да бѹдут у́ши Твоѣ́ внѣмлюще гла́су молѣ́ния моего́. ³А́ще безза-кóния на́зриши, Гóсподи, Гóсподи, кто посто́ит? Я́ко у Тебѣ очи́щение есть. ⁴И́мене ра́ди Твоего́ потерпѣх Тя, Гóсподи, потерпѣ́ душа́ моя́ в сло́во Твоѣ́, упова́ душа́

моя на Гóспода. ⁵От стра́жи ўтренния до но́щи, от стра́жи ўтренния да упова́ет Изра́иль на Гóспода. ⁶Яко у Гóспода мýлость, и мно́гое у Него́ избавлѣние, и Той избáвит Изра́иля от всех беззакóний его́.

Песнь степéней, 130

¹Гóсподи, не вознесѣся сѣрдце моѣ, ниже́ вознесóстеся о́чи мой, ниже́ ходíх в вели́ких, ниже́ в дíвных пáче менé. ²Аще не смиреномýдрствовах, но вознесóх дýшу мою́, яко отдоѣное на мáтерь свою́, тáко воздá-

си на дýшу мою́. ³Да упова́ет Изра́иль на Гóспода, отны́не и до вѣка.

Песнь степéней, 131

¹Помяни́, Гóсподи, Давíда и всю крóтость его́: ²яко кля́тсЯ Гóсподеви, обеща́сЯ Бóгу Иáковлю: ³аще вни́ду в селѣние до́му моего́, или взы́ду на одр постѣли моѣя, ⁴аще дам сон очíма мойма и вѣждома мойма дремáние, и поко́й скраниáма мойма, ⁵дóндеже обря́щу мѣсто Гóсподеви, селѣние Бóгу Иáковлю. ⁶Се слы́шахом я́ во Евфра́фе, обретóхом

я в полях дубравы. ⁷Внидем в селения Его, поклонимся на место, идеже стоясте нозе Его. ⁸Воскресни, Господи, в покой Твой, Ты и кивот святыни Твоея. ⁹Священницы Твой облечутся правдою, и преподобнии Твой возрадуются. ¹⁰Давида ради раба Твоего не отврати лице помазанного Твоего. ¹¹Клятсся Господь Давиду истиною и не отвержется ея: от плода чрева твоего посажду на престолу твоём. ¹²Аще сохранят сынове твой завет Мой, и свидения Моя сия, имже

научу я, и сынове их до века сядут на престолу твоём. ¹³Яко избра Господь Сиона, изволи и в жилище Себе. ¹⁴Сей покой Мой во век века, zde вселюся, яко изволих и. ¹⁵Ловитву его благословляяй благословлю, нищия его насыщу хлебы, ¹⁶священники его облечу во спасение, и преподобнии его радостию возрадуются. ¹⁷Тамо возвращу рог Давидови, уготовах светильник помазанному Моему. ¹⁸Враги его облечу студом, на немже процветет святыня Моя.

Песнь степеней, 132

¹Се что́ добро́, или́ что́ красно́, но́ еже́ жи́ти бра́тии вку́пе? ²Яко́ ми́ро на гла́вѣ, сходя́щее на браду́, браду́ Ааро́ню, сходя́щее на оме́ты оде́жды егó, ³яко́ роса́ Аермо́нская, сходя́щая на го́ры Сио́нская, я́ко та́мо заповѣда́ Госпо́дь благослове́ние и живóт до ве́ка.

Песнь степеней, 133

¹Се ны́не благослови́те Го́спода вси раба́ Госпо́дни, стоя́щие в хра́ме Госпо́дни, во двóрех до́му Бо́га на́шего. ²В но́щех воздежи́те ру́ки ва́-

ша во свята́я, и благослови́те Го́спода. ³Благослови́т тя Госпо́дь от Сио́на, сотвори́вый не́бо и зе́млю.

Слава:

По 18-й кафисме:

Трисвятоѣ. Пресвятая
Троице... О́тче наш...

Таже тропари, глас 2:
Пре́жде да́же не осу́диши мя, Го́споди мой, Го́споди, даждь ми обра́щение, и исправле́ние мно́гих мо́их грехо́в, даждь ми умиле́ние духо́вное, я́ко да возопию́ к Тебе́: Благоутро́бне,

Человеколю́бче Бо́же мой,
спаси́ мя.

Слава: Несмы́сленным ското́м уподо́бивыйся аз, блу́дный, приложихся им; обращéние ми да́руй, Христé, я́ко да прииму́ у Тебé вéлию мило́сть.

И ныне: Не отврати́, Влады́чице, лица́ Твоего́ от мене́, моля́щагося Тебé, но, я́ко благоутро́бная Ма́ти ще́драго Бо́га, потщи́ся прэ́жде конца́ обращéние мне дарова́ти, я́ко да спáсся Тобо́ю, воспою́ Тя, я́ко спасéние и упова́ние моé, непосрамлénное, Госпоже́ моя́.

Го́споди, помíлуй (40)

и моли́тва:

Го́споди, да не я́ростию Твоею́ обличи́ши мене́, ниже́ гнэ́вом Твои́м нака́жеши мя. Влады́ко Го́споди Иисусе́ Христé, Сы́не Бо́га Жива́го, помíлуй мя, грéшнаго, ни́щаго, обнажénнаго, лени́ваго, неради́ваго, прекосло́внаго, окая́ннаго, блудника́, прелюбодéя, малакия́, мужелóжника, сквэрнаго, блу́днаго, неблагода́рнаго, немíлостиваго, жесто́каго, пия́ницу, сожжénнаго со́вестию, безли́чнаго, бездерзновénнаго,

безотвѣтнаго, недостойнаго Твоего человеколюбія, и достойна всякаго мучѣнія, и геѣнны, и мѹки. И не ради множества толиких моих согрешѣній множеству подложіши, Избавителю мук; но помилуй мя, яко немощен есмь, и душею, и плотию, и разумом, и помышлѣніем, и ѳмиже вѣси судьбами спасі мя, недостойнаго раба Твоего, молитвами Пречістыя Владычицы нашея Богородицы, и всех святых, от вѣка Тебѣ благоугождших, яко благословѣн еси во вѣки веков, аминь.

Кафисма девятнадцатая

Аллилуиа, 134

¹Хвалите ѳмя Господне, хвалите, раби Господа, ²стоящии во храмѣ Господни, во двѳрех дому Бѳга нашего. ³Хвалите Господа, яко благ Господь, пойте ѳмени Его, яко добро: ⁴яко Иакова избра Себѣ Господь, Израиля в достояніе Себѣ. ⁵Яко аз познах, яко велий Господь, и Господь наш над всеми бѳги.

⁶Вся елика восхотé Господь, сотвори на небесí и на земли, в морях и во всех бédнах. ⁷Возводя óблаки от послéдних земли, мóлнии в дождь сотвори, изводяй вéтры от сокровищ Своих. ⁸Иже поразí пёрвенцы Егíпетския, от человека до скотá. ⁹Послá знамения и чудеса посреде тебе, Егíпте, на фараóна и на вся рабы егó. ¹⁰Иже поразí языки многи и избí царí крѣпки: ¹¹Сиона, царя Аморреýска, и Óга, царя Васáнска, и вся царствия Ханаáнска, ¹²и даде зéмлю их достояние, достояние Израíлю, людем Своим.

¹³Гóсподи, имя Твое в век и пáмьть Твоя в род и род: ¹⁴яко судити íмать Господь людем Своим, и о рабѣх Своих умо́лится. ¹⁵Идоли язык, сребро́ и зláто, дела рук челове́ческих. ¹⁶Уста́ íмут, и не возлагóлют, óчи íмут, и не úзрят, ¹⁷уши́ íмут, и не услы́шат, ниже́ бо есть дух во устѣх их. ¹⁸Подóбни им да бóдут творящи́ я, и вси надéющиися на ня. ¹⁹Дóме Израíлев, благословíte Гóспода, дóме Аарóнь, благословíte Гóспода, дóме Левíин, благословíte Гóспода. ²⁰Боящиися Гóспода, благословíte Гóс-

пода. ²¹Благословѣн Господь от Сиона, живый во Иерусалиме.

Аллилуиа, 135

¹Исповѣдайтесь Господеви, яко благ, яко в век милость Его. ²Исповѣдайтесь Богу богов, яко в век милость Его. ³Исповѣдайтесь Господеви господей, яко в век милость Его. ⁴Сотворшему чудеса велия единому, яко в век милость Его. ⁵Сотворшему небеса разумом, яко в век милость Его. ⁶Утвердившему землю на водах, яко в век милость Его. ⁷Сотворшему све-

тила велия единому, яко в век милость Его. ⁸Солнце во область дне, яко в век милость Его. ⁹Луну и звезды во область ночи, яко в век милость Его. ¹⁰Поразившему Египта с первенцы его, яко в век милость Его, ¹¹и изведшему Израиля от среды их, яко в век милость Его. ¹²Рукою крепкою и мышцею высокою, яко в век милость Его. ¹³Раздѣльшему Черное море в разделения, яко в век милость Его. ¹⁴И проведшему Израиля посреде его, яко в век милость Его. ¹⁵И истрясшему фараона и силу его в

море Чермное, яко в век милость Его. ¹⁶Проведшему люди Своя в пустыни, яко в век милость Его. ¹⁷Поразившему царя вѣлия, яко в век милость Его, ¹⁸и убившему царя крепкия, яко в век милость Его: ¹⁹Сиона, царя Аморрейска, яко в век милость Его, ²⁰и Ога, царя Васанска, яко в век милость Его. ²¹И давшему землю их достояние, яко в век милость Его. ²²Достояние Израилю, рабу Своему, яко в век милость Его. ²³Яко во смирении нашем помяну ны Господь, яко в век милость Его. ²⁴И избавил ны есть от

врагов наших, яко в век милость Его. ²⁵Дай пищу всякой плоти, яко в век милость Его. ²⁶Исповѣдайтесь Богу Небесному, яко в век милость Его.

Давиду Иеремием, 136

¹На реках Вавилонских, тамо седохом и плакахом, внегда помянути нам Сиона. ²На вербиих посреде его обесихом органы наша. ³Яко тамо вопросиша ны пленшии нас о словесех песней и ведшии нас о пении: воспойте нам от песней Сионских. ⁴Како воспоем песнь Господню на зем-

ли чуждѣй? ⁵Аще забѹду тебѣ, Иерусалиме, забвѣна буди десница моя. ⁶Прильпни язык мой гортани моему, аще не помяну тебѣ, аще не предложу Иерусалима, яко в началѣ весѣлія моего. ⁷Помяни, Господи, сыны Едомския, в день Иерусалимль глаголющия: истощайте, истощайте до основаній его. ⁸Дщи Вавилоня окаянная, блажен иже воздаст тебѣ воздаяніе твоѣ, еже воздала еси нам. ⁹Блажен, иже имет и разбиет младенцы твоѣ о камень.

Слава:

Псалом Давиду, Аггеа и Захарии, 137

¹Исповѣмся Тебѣ, Господи, всем сердцем моим, и пред Ангелы воспою Тебѣ, яко слышал еси вся глаголы уст моих. ²Поклонюся ко храму святому Твоему и исповѣмся имени Твоему о милости Твоѣй и истине Твоѣй, яко возвеличил еси над всем имя Твоѣ святое. ³Воньже аще день призову Тя, скоро услыши мя: умножиши мя в души моѣй силою Твоѣю. ⁴Да исповѣдятся Тебѣ, Господи, вси царие зѣмстии, яко услышаша вся глаголы уст Твоих, ⁵и да

воспою́т в путѣхъ Господнихъ,
 яко велия слава Господня,
⁶яко высо́къ Госпо́дь, и сми-
 рѣнныя призира́ет, и высо́кая
 издалѣча вѣсть. ⁷Аще пойду́
 посреде́ скорби, живи́ши мя,
 на гневъ врагъ мо́ихъ простѣрл
 еси́ руку́ Твою́, и спасе́ мя
 десни́ца Твоя́. ⁸Госпо́дь воз-
 да́ст за мя. Го́споди, ми́лость
 Твоя́ во век, делъ руку́ Твоею́
 не прѣзри.

**В конецъ Давиду, псаломъ
 Захарии в разсѣянии, 138**

¹Го́споди, искуси́л мя еси́ и
 позна́л мя еси́. Ты позна́л еси́
 седание моё и востание моё.

²Ты разумѣ́л еси́ помышле́-
 ния моя́ издалѣча: ³сте́зю мою́
 и уже́ моё Ты еси́ изсле́довал,
 и вся пути́ моя́ прови́дел еси́.
⁴Яко несть лъсти в язы́це мо-
 ём: се, Го́споди, Ты позна́л
 еси́. ⁵Вся послѣдняя и дрѣв-
 ная: Ты созда́л еси́ мя, и по-
 ложилъ еси́ на мене́ руку́ Твою́.
⁶Удиви́ся разу́м Твой от мене́,
 утверди́ся, не возмогу́ к
 нему́. ⁷Ка́мо пойду́ от Ду́ха
 Твоего́? И от лица́ Твоего́ ка́-
 мо бежу́? ⁸Аще взы́ду на не́-
 бо — Ты та́мо еси́, аще сни́ду
 во ад — та́мо еси́. ⁹Аще возму́
 криле́ моё рано́ и вселю́ся в
 послѣднихъ мо́ря — ¹⁰и та́мо бо

рука́ Твоя́ наставит мя и удержит мя десница́ Твоя́. ¹¹И рех: еда́ тма поперёт мя, и ночь просвещёние в сладости моёй? ¹²Яко тма не помрачится от Тебё, и ночь, яко день, просветится, яко тма ея́, тако и свет ея́. ¹³Яко Ты создал еси́ утробы́ моя́, восприял мя еси́ из чрева́ матере моея́. ¹⁴Исповёмся Тебё, яко страшно удивился еси́: чудна дела́ Твоя́, и душа́ моя́ знаёт зело́. ¹⁵Не утайся кость моя́ от Тебё, юже сотворил еси́ в тайне, и состав мой в преисподних земли́. ¹⁶Несодёланное моё видесте очи́ Твои́, и в кни-

зе Твоёй вси напишутся, во днех сози́дуются и никто́же в них. ¹⁷Мне же зело́ чёстни бы́ша друзи́ Твои́, Бо́же, зело́ утверди́шася влады́чества их. ¹⁸Изочту́ их, и па́че песка́ умно́жатся; воста́х, и ещё есмь с Тобо́ю. ¹⁹Аще изби́еши грёшники, Бо́же, му́жие кровёй, уклоните́ся от мене́. ²⁰Яко ревни́ви естё в помышлениих, при́мут в суету́ грады́ Твоя́. ²¹Не ненави́дящыя ли Тя, Го́споди, возненави́дех, и о вразёх Твои́х истаях? ²²Соверше́нною ненави́стию возненави́дех я́, во враги́ бы́ша ми. ²³Иску́си́ мя, Бо́же, и

увéждь сёрдце моé, истяжи́ мя и разумéй стези́ моя, ²⁴и виждь, áще путь беззакóния во мне, и настáви мя на путь вéчен.

В конéц, псалóм Дави́ду, 139

¹Изми́ мя, Гóсподи, от чело́века лука́ва, от му́жа непра́ведна изба́ви мя, ²и́же помы́слиша непра́вду в сёрдце, весь день ополча́ху бра́ни, ³изостри́ша язы́к свой, я́ко зми́йн, яд а́спидов под устна́ми их. ⁴Сохрани́ мя, Гóсподи, из ру́ки грéшници, от чело́век непра́ведных изми́ мя, и́же помы́слиша запя́-

ти стопы́ моя. ⁵Скры́ша гóрдии сеть мне, и у́жы препя́ша сеть нога́ма мойма. ⁶При стези́ собла́зны положи́ша ми. ⁷Рех Гóсподеви: Бог мой еси́ Ты, внуши́, Гóсподи, глас молéния моего́! ⁸Гóсподи, Гóсподи, си́ло спасéния моего́, осенил еси́ над главо́ю моею́ в день бра́ни. ⁹Не преда́ждь менé, Гóсподи, от желáния моего́ грéшнику: помы́слиша на мя, не оста́ви менé, да не когда́ вознесу́тся. ¹⁰Глава́ окру́жения их, труд устен их покрýет я́. ¹¹Паду́т на них у́гля о́гненная, низложи́ши я́ в страстéх, и не по-

стоят. ¹²Муж язýчен не исправится на земли: мужа неправедна злая уловят во ислéние. ¹³Познах, яко сотворит Господь суд нищим и мечь убогим. ¹⁴Обаче праведнии исповедятся имени Твоему, и вселятся правии с лицем Твоим.

Слава:

Псалом Давиду, 140

¹Господи, возвах к Тебе, услыши мя: вонми гласу молéния моего, вегда возвати ми к Тебе. ²Да исправится молитва моя, яко кадило пред Тобою, воздеяние ру-

ку мою — жертва вечерняя. ³Положи, Господи, хранение устом моим, и дверь ограждения о устнах моих. ⁴Не уклони сердце мое в словеса лукавствия, не щевати вины о гресех, с человеки делающими беззаконие, и не сочтуса со избранными их. ⁵Накажет мя праведник милостию и обличит мя, елей же грешного да не намастит главы моея, яко еще и молитва моя во благоволениях их. ⁶Пожертвы быша при камени судий их: услышатся глаголы мой, яко возмогоса. ⁷Яко толща земли проседеса на земли, расточи-

шася кóсти их при áде. ⁸Яко к Тебé, Гóсподи, Гóсподи, óчи мой: на Тя упováх, не отъимí дúшу мою. ⁹Сохрани мя от сéти, юже соста́виша ми, и от собла́зн дéлающих беззакóние. ¹⁰Падúт во мрéжу свою грéшницы: ед́ин есмь аз, дóндеже прейдú.

¹Ра́зума Давíду, внегда́ б́ити ему́ в верте́пе моля́щемуся, 141

²Гла́сом мо́им ко Гóсподу воззва́х, гла́сом мо́им ко Гóсподу помоли́хся. ³Пролию́ пред Ним мо́ление моé, печáль мою́ пред Ним возвещу́. ⁴Внегда́ исчеза́ти от ме-

не́ дúху моему́: и Ты позна́л еси́ стези́ моя́: на пути́ сем, по немúже хождáх, скрýша сеть мне. ⁵Смотря́х одесну́ю и возгля́дах, и не бе зна́яй мене́: погíбе бéгство от мене́, и несть взыска́яй дúшу мою́. ⁶Воззва́х к Тебé, Гóсподи, рех: Ты еси́ упováние моé, часть моя́ еси́ на земли́ живы́х. ⁷Вонми́ мо́лению моему́, я́ко смири́хся зело́, изба́ви мя от гоня́щих мя, я́ко укрепи́шася па́че мене́. ⁸Изведи́ из темни́цы дúшу мою́, испове́датися и́мени Твоему́. Мене́ ждут пра́ведницы, дóндеже возда́си мне.

**Псалом Давиду, егда гоняше
его Авессалом, сын его, 142**

¹Господи, услыши молитву мою, внуши моление мое во истине Твоей, услыши мя в правде Твоей ²и не вниди в суд с рабом Твоим, яко не оправдится пред Тобою всяк живый. ³Яко погна враг душу мою, смирил есть в землю живот мой, посадил мя есть в темных, яко мертвыя века. ⁴И уны во мне дух мой, во мне смятеса сердце мое. ⁵Помянух дни древния, поучихся во всех делех Твоих, в творениих руку Твоею поучахся. ⁶Вздех к Тебе рuce

мой, душа моя, яко земля безводная Тебе. ⁷Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. ⁸Слышану сотвори мне заутра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. ⁹Изми мя от враг моих, Господи, к Тебе прибегах. ¹⁰Научи мя творити волю Твою, яко Ты еси Бог мой. Дух Твой благий наставит мя на землю праву. ¹¹Имене Твоего ради, Господи, живиши мя, правдою Твоею изве-

дѣши от печали дѹшу мою.
 12И милостию Твоею потребиши врагѣи моя и погубиши вся стужающыя души моеѣи, яко аз раб Твой есмь.

Слава:

По 19-й кафисме:

Трисвятоѣ. Пресвятая
 Троице... Отче наш...

Таже тропари, глас 7: Благодаря, славлю Тя, Боже мой, яко всем дал еси грѣшником покаяние; Спасе, не посрами мене, егда приидеши судити миру всему, срамная дела сотворшаго.

Слава: Безмѣрная Тебѣ прегрѣшив и безмѣрных мучений ожидаю; Боже мой, ущедрив, спаси мя.

И ныне: Ко множеству милости Твоеѣи ныне прибегаю: разреши вериги, Богородице, согрѣшений моих.

Господи, помилуй (40)

и молитва:

Владыко Христѣ Боже, Иже Страстьми Твоими страсти моя исцеливый и язвами Твоими язвы моя уврачевавый, даруй мне, много Тебѣ прегрѣшивше-

му, слёзы умиления; сраствори моему телу от обоняния животворящего Тела Твоего, и наслади душу мою Твоею Честною Кровию от горести, ёуже мя сопротивник напои; возвыси мой ум к Тебе, долу привлёкшийся, и возведи от пропасти погребели, яко не имам покаяния, не имам умиления, не имам слезы утешительныя, возводящая чада ко своему наследию. Омрачихся умом в житейских страстях, не могу возрети к Тебе в болезни, не могу согреться слезами, яже к Тебе, люб-

ве. Но, Владыко Господи, Иисусе Христе, Сокровище благих, даруй мне покаяние всецелое, и сердце люботрудное во взыскание Твое; даруй мне благодать Твою и обнови во мне зраки Твоего образа. Оставих Тя, не остави мене, изыди на взыскание мое; возведи к пажити Твоей, и сопричти мя овцам избраннаго Твоего стада; воспитай мя с ними от злака Божественных Твоих таинств, молитвами Пречистыя Твоея Матере и всех святых Твоих. Аминь.

Кафисма двадцятая

Псалом Давиду, к Голиафу, 143

¹Благословен Господь Бог мой, научаяй рuce мой на ополчение, персты моя на брань. ²Милость моя и прибежище мое, Заступник мой и Избавитель мой, Защититель мой, и на Него уповах: повинуйай люди моя под мя. ³Господи, что есть человек, яко познался еси ему? Или сын человекь, яко вменяши

его? ⁴Человек суете уподобися: дние его яко сень проходят. ⁵Господи, приклони небеса, и сниди, коснися горам, и воздымятся. ⁶Блесни молнию, и разженеши я, послй стрелы Твоя, и смятеши я. ⁷Посли руку Твою с высоты, изми мя и избави мя от вод многих, из руки сынов чуждих, ⁸ихже уста глаголаша суету, и десница их — десница неправды. ⁹Боже, песнь нову воспою Тебе, во псалтири десятиструннем пою Тебе, ¹⁰дающему спасение царем, избавляющему Давида, раба Своего, от меча люта.

¹¹Избáви мя, и измí мя из рú-
ки сынóв чуждíх, íхже ус-
тá глагóлаша суетú, и деснi-
ца их — деснiца неправды.
¹²Íхже сынове их я́ко но-
восаждéния водружéнная
в юности своéй. Дщéри их
удóбрены, преукрашены, я́ко
подóбие хра́ма. ¹³Храни́лища
их исполнена, отрыга́ющая
от сегó в сиé, óвцы их мно-
гоплóдны, мно́жащыяся во
исхо́дищах своíх, волóве их
то́лсти. ¹⁴Несть падéния оплó-
ту, ниже прохода, ниже во́пля
в стóгнах их. ¹⁵Ублажи́ша лю́-
ди, íмже сия́ суть. Блажéни
лю́дие, íмже Госпóдь Бог их.

Хвала́ Дави́ду, 144

¹Вознесу́ Тя, Бо́же мой,
Царю́ мой, и благословлю́
íмя Твоé в век и в век вéка.
²На всяк день благословлю́
Тя и восхвалю́ íмя Твоé в век
и в век вéка. ³Вéлий Госпóдь
и хва́лен зело́, и вели́чию Егó
несть конца́. ⁴Род и род вос-
хва́лят дела́ Твоя́ и си́лу Твою́
возвестя́т. ⁵Великолéпие сла́-
вы святы́ни Твоея́ возглаго́-
лют и чудеса́ Твоя́ пове́дят.
⁶И си́лу стра́шных Твои́х ре-
ку́т и вели́чие Твоé пове́дят.
⁷Па́мять мно́жества бла́гости
Твоея́ отры́гнут и правдою
Твоею́ возра́дуются. ⁸Щедр

и милостив Господь, долго-терпелив и многомилостив. ⁹Благ Господь всяческим, и щедроты Его на всех делах Его. ¹⁰Да исповедятся Тебе, Господи, вся дела Твоя, и преподобнии Твои да благословят Тя. ¹¹Славу Царствия Твоего рекут, и силу Твою возглаголют, ¹²сказати сыновом человеческим силу Твою, и славу великолепия Царствия Твоего. ¹³Царство Твое, Царство всех веков, и владычество Твое во всяком роде и роде. Верен Господь во всех словесах Своих и преподобен во всех делах

Своих. ¹⁴Утверждает Господь вся низпадающая и возставляет вся низверженные. ¹⁵Очи всех на Тя уповают, и Ты даеши им пищу во благовремени. ¹⁶Отверзаеши Ты руку Твою и исполняеши всякое животное благоволения. ¹⁷Праведен Господь во всех путях Своих и преподобен во всех делах Своих. ¹⁸Близ Господь всем призывающим Его, всем призывающим Его во истине. ¹⁹Волю боящихся Его сотворит и молитву их услышит и спасет я. ²⁰Хранит Господь вся любящая Его и вся

грѣшники потребѣт. ²¹Хвалу́ Господню́ возглаго́лют уста́ моя́, и да благословѣ́тъ вся́ка плоть́ и́мя свято́е Его́ в век и в век ве́ка.

Слава:

**Аллилу́иа,
Агге́а и Заха́рии, 145**

¹Хвали́, душе́ моя́, Го́спода.
²Восхваляю́ Го́спода в животе́ моёмъ, пою́ Бо́гу моему́, донде́же есмь. ³Не надѣ́йтесь на кня́зи, на сы́ны челове́чскія, в нѣ́хже несть спасе́нныя. ⁴Изы́дет духъ его́ и возврати́тся в зе́млю свою́. В той день поги́бнутъ вся помышле́-

нѣя его́. ⁵Блаже́н, е́му́же Богъ Иа́ковль Помо́щникъ его́, упова́нїе его́ на Го́спода Бо́га своего́, ⁶сотвори́шаго не́бо и зе́млю, мо́ре и вся, я́же в нихъ, храня́щаго и́стину в векъ, ⁷твори́щаго судъ оби́димымъ, даю́щаго пи́щу алчу́шымъ. Го́сподь реши́тъ око́ванныя. ⁸Го́сподь умудря́етъ слепцы́. Го́сподь возводи́тъ низве́рженныя. Го́сподь лю́битъ пра́ведники. ⁹Го́сподь хранѣ́тъ пришельцы́, си́ра и вдову́ приѣ́метъ и путь грѣ́шныхъ погуби́тъ. ¹⁰Воцари́тся Го́сподь во векъ, Богъ твой, Си́оне, в родъ и родъ.

Аллилу́иа, 146

¹Хвалі́те Го́спода, я́ко благ псалом. Бо́гови на́шему да усладі́тся хвале́ние. ²Зі́ждай Иерусали́ма Го́сподь, разсе́яня Израїлева соберёт. ³Исцеля́й сокруше́нныя се́рдцем и обяза́уй сокруше́ния их. ⁴Исчита́й мно́жество звезд и всем им имена́ нарица́й. ⁵Вели́й Го́сподь наш, и ве́лия кре́пость Его́, и ра́зума Его́ несть числа́. ⁶Прие́мляй кро́ткія Го́сподь, смиря́й же грешники до земли́. ⁷Начні́те Го́сподеві во испове́дании, по́йте Бо́гови на́шему в гу́слех. ⁸Одева́ющему не́бо об-

лаки, уготовля́ющему землі́ дождь, прозяба́ющему на гора́х траву́ и злак на службу́ челове́ком, ⁹даю́щему ското́м пи́щу их, и птенце́м вра́новым призыва́ющим Его́. ¹⁰Не в си́ле ко́нстей восхо́щет, ни́же в лы́стех му́жеских благово́лит. ¹¹Благово́лит Го́сподь в боя́щихся Его́ и во упова́ющих на ми́лость Его́.

Аллилу́иа, Агге́а и Заха́рии, 147

¹Похвали́, Иерусали́ме, Го́спода, хвали́ Бо́га твоего́, Сио́не, ²я́ко укрепі́ верей врат твои́х, благослови́ сы́ны твоя́ в тебе́. ³Полага́й

пределы твоё мир, и туча пшенична насыщаяй тя.
⁴Посылаяй слово Своё земли, до скорости течёт слово Его, ⁵дающего снег Свой, яко волну, мглу, яко пепел, посыпающего, ⁶метающего голоть Свой, яко хлеба. Противу лица мраза Его кто постоит? ⁷Послет слово Своё, и истает я, дхнет дух Его, и потекут воды. ⁸Возвещаяй слово Своё Иакову, оправдания и судьбы Своя Израилеви. ⁹Не сотвори тако всякому языку, и судьбы Своя не яви им.

Слава:

**Аллилуиа,
Аггеа и Захарии, 148**

¹Хвалите Господа с небес, хвалите Его в вышних. ²Хвалите Его, вси Ангели Его, хвалите Его, вся силы Его. ³Хвалите Его, солнце и луна, хвалите Его, вся звезды и свет. ⁴Хвалите Его Небеса небес и вода, яже превыше небес. ⁵Да восхвалят имя Господне: яко Той рече, и быша, Той повеле, и создашася. ⁶Постави я в век и в век века, повеление положи, и не мимо идет. ⁷Хвалите Господа от земли, змиеве и вся без-

дны: ⁸огнь, град, снег, гó-
лоть, дух б́урен, творя́щая
сло́во Егó, ⁹гóры и вси хóл-
ми, древа́ плодоно́сна и вси
ке́дри, ¹⁰звѣрие и вси скó-
ти, га́ди и пт́ицы перна́-
ты. ¹¹Ца́рие зѣмстии и вси
лю́дие, кня́зи и вси судий
зѣмстии, ¹²ю́ноши и дѣвы,
ста́рцы с ю́нотами ¹³да вос-
хва́лят ѳ́мя Господне, яко
вознесѣся ѳ́мя Того́ едина́-
го, исповѣдание Егó на зем-
л́и и на небесѣ́. ¹⁴И возне-
сѣт рог люде́й Свои́х, песнь
всем преподо́бным Егó, сы-
новом Изра́иловым, лю́дем,
приближа́ющимся Ему́.

Аллилу́иа, 149

¹Воспо́йте Го́сподеви песнь
но́ву, хвалѣ́ние Егó в це́ркви
преподо́бных. ²Да возвеселѣ́т-
ся Изра́иль о Сотво́ршем его́,
и сы́нове Сио́ни возра́дуются
о Царе́ своем. ³Да восхва́лят
ѳ́мя Егó в лице́, в тимпа́не и
псалти́ри да пою́т Ему́. ⁴Яко
благово́лит Господь в лю́дех
Свои́х, и вознесѣ́т кро́ткия
во спасѣ́ние. ⁵Восхва́лятся
преподо́бнии во сла́ве и воз-
ра́дуются на ло́жах свои́х.
⁶Возноше́ния Бо́жия в горта́-
ни их, и мечѣ́ обою́ду острѣ́ в
рука́х их: ⁷сотвори́ти отмще́-
ние во язы́цех, обличѣ́ния в

людех, ⁸связа́ти ца́ри их пу́ты, и сла́вныя их ручны́ми око́вы желе́зными, ⁹сотвори́ти в них суд на́писан. Сла́ва сия́ бу́дет всем преподо́бным Егó.

Аллилу́иа, 150

¹Хвали́те Бо́га во святы́х Егó, хвали́те Егó во утвержде́нии си́лы Егó. ²Хвали́те Егó на си́лах Егó, хвали́те Егó по мно́жеству вели́чества Егó. ³Хвали́те Егó во гла́се тру́бнем, хвали́те Егó во псалти́ри и гу́слех. ⁴Хвали́те Егó в тимпа́не и ли́це, хвали́те Егó во стру́нах и орга́не. ⁵Хвали́те Егó в кимва́лех доброглас-

ных, хвали́те Егó в кимва́лех восклицáния. ⁶Вся́кое дыха́ние да хва́лит Го́спода.

Слава, и ныне: Аллилу́иа.

Сей псалом осóбь пи́сан, Дави́дов, и вне числа́ 150 псалмо́в, внегда́ единобо́рствоваше на Го́лиафа

Мал бех в бра́тии мое́й и ю́нший в дому́ отца́ моего́, пасо́х о́вцы отца́ моего́. Ру́це мой сотвори́сте орга́н, и пе́рсты мой соста́виша псалти́рь. И кто возвестит Го́сподеви моему́? Сам Госпо́дь, Сам услы́шит. Сам посла́ А́нгела Своего́, и взят мя от овец от-

ца моего, и помаза мя елем помазания своего. Братия моя добри и велицы, и не благоволи в них Господь. Изыдох в сретение иноплеменику, и проклят мя идола своими. Аз же, исторгнув меч от него, обезглавих его, и отях поношение от сынов Израилевых.

По 20-й кафисме:

Трисвятое. Пресвятая
Троице... Отче наш...

Таже тропари, глас 8:
Исполнение всех благих Ты еси, Христэ мой, исполни радости и веселия душу мою, и

спаси мя, яко един многомилостив.

Слава: Аще и согреших, Христэ Спасе мой, пред Тобою, иного Бога разве Тебе не вем, дерзаю же на Твое благоутробие, обращающагося приими мя, Благоутробне Отче и Сыне Единородне и Душе Святей, яко блуднаго сына, и спаси мя.

И ныне: Иного прибежища и теплаго предстательства, разве Тебе, не вем, яко дерзновение имущи ко из Тебе рожденному, Владычице, помози и спаси мя, раба Твоего.

Господи, помилуй (40)
и молитва

Господи Иисусе Христе Боже мой, помилуй мя, грешнаго, и прости ми, недостойному рабу Твоему, елика Ти согреших чрез все животá моего время, и даже до днесь, и аще что яко человек согреших, вольная моя прегрешения и невольная, делом и словом, яже умом и мыслию, яже от совосхищения и невнимания, и многия моя лениности и небрежения. Аще же именем Твоим кляхся, аще же лжекляхся, или хулих мыс-

лию, или кого укорих, или оклеветах, или опечалих, или в нечесом прогневах, или окрадох, или блудствовах, или солгах, или тайно ядох, или друг достиже ко мне, и презрех его, или брата оскорбих и преогорчих, или стоящу ми на молитве и псалмопении, ум мой лукавый на лукавая обхождаше, или паче лепаго насладихся, или безумно смеяхся, или кощунно глаголах, или тщеславихся, или гордихся, или доброту суетную видех и от нея прельстихся, или нелепая мне поглумихся. Аще в чесом о молитве

моёй нерадѣх, или заповедей духовнаго моего отца не сохраних, или празднослових, или ино что лукавое сотворих, сия бо вся и вѣщшая сих содѣях, ихже ниже помню. Помилуй, Господи, и прости ми вся, да в мире усну и почию, поя, и благословя, и славя Тя, со Безначальным Твоим Отцем и с Пресвятым, и Благим, и Животворящим Твоим Духом, ныне и присно, и во веки веков. Аминь.

∨ 7∨

МОЛИТВЫ ПО ПРОЧТЕНИИ НЕСКОЛЬКИХ КАФИСМ ИЛИ ВСЕЙ ПСАЛТИРИ

Достойно есть: или О Тебѣ радуется... Трисвятѣе. И по Отче наш...

Тропарі, глас 6:

Помилуй нас, Господи, помилуй нас, всякаго бо ответа недоумѣюще, сию Ти молитву, яко Владыце, грѣшнии приносим: помилуй нас.

Слава: Честное пророка Твоего, Господи, торжество, Небо Церкви покажет, с человеки ликуют Ангели. Того молитвами, Христе Боже, в мире управи живот наш, да поем Ти: Аллилуиа.

И ныне: Многая множества моих, Богородице, прегрешений: к Тебе прибегах, Чистая, спасения требуя. Посети немощствующую мою душу и моли Сына Твоего и Бога нашего дати ми оставление, яже содеях лютых, едина Благословенная.

*Таже, Господи, помилуй (40).
И поклоню, елико мощно, с*

молитвою Господи и Владыко живота моего...

*Посем глаголи молитву сию
со вниманием:*

Многомилостиве и премилостиве Господи и всего добра дателю, Человеколюбче, и всея вселенная Царю, многоименный Владыко и Господи! Нищ и убог есмь аз, дерзаю призывати чудное и страшное, и святое имя Твое, егже вся тварь Небесных сил страхом трепещут. Низу на земли неизреченнаго Твоего челове-

колю́бия смотре́ние удиви́л еси́, посла́нием возлюбле́наго Твоего́ О́трока, Егóже от безнача́льных недр Твоея́ Оте́ческаго сла́вы, неразлу́чным Божество́м отры́гнул еси́, да челове́ки со Ангелы во еди́н соста́в устро́ит. Помяни́, Го́споди, моего́ уны́ния смире́ние, кал сый и персть, Тебе́, неизглаго́ланнаго Свёта призыва́ю, немо́щию плóти обложе́н, ю́же ми́лостивне сло́во Твоё по́несё, и сме́ртию Своёю от рабо́ты вра́жия свободи́л е́сть ду́шы на́ша, да о́бщники вся, и́же ве́рою ярем ра-

бо́ты Твоея́ на ся взёмшыя, сла́вы Твоея́ сподо́бит их, от нея́же сатана́ льсти́вый отпаде́. Помилуй мя, омраче́ннаго грехо́вными по́мыслы, возведи́ ум мой уда́вленный те́рнием ле́ности и ляди́ною непоко́рства. Утверди́ се́рдце моё по Тебе́ горе́ти, очима мо́йма исто́чник слез по́сли, и на ко́нec исхо́да ду́ши моея́ сотвори́ мя безпоро́чна Твоего́ уго́дника, наста́вляя мя к Тебе́ подвиза́тися усер́дно. Помяни́, Го́споди, роди́тели моя́ милосе́рдием Тво́им и вся бли́жняя моя́, и бра́тию, и дру́ги, и сосе́ды, и вся

правосла́вныя христи́аны,
и спаси́ мя моли́твами всех
святы́х. И приими́ в честь
сия псалмы́ и моли́твы, яже
глаго́лах пред Тобо́ю за ся, и
неме́рзко Ти бу́ди с воздыха́-
нием моле́ние сие́, яко ми́ло-
стив сый и Человеколю́бец,
и Тебе́ Безнача́льнаго Отца́
сла́вим со Единоро́дным
Твои́м Сы́ном и со Святы́м
Ду́хом, ныне и прісно, и во
вѣки веко́в. Ами́нь.

Посѣм Честне́йшую Хе-
руви́м... Сла́ва, и ны́не.
Го́споди, поми́луй (*трижды*).
Благослови́.

*Аще иерей, конча́ет священни-
чески, аще ли просты́й, конча́-
ет си́це:*

Го́споди Иису́се Христе́,
Сы́не Бо́жий, моли́тв ра́-
ди Пречи́стыя Твоея́ Ма́-
тере, си́лою Честна́го и Жи-
вотворя́щаго Креста́ и святы́х
Небе́сных сил безплотных, и
преподобных и богоносных
оте́ц на́ших, и свята́го проро́-
ка Дави́да, и всех святы́х, по-
ми́луй и спаси́ мя, грѣшнаго,
яко́ Благ и Человеколю́бец.

Ами́нь.

УКАЗАТЕЛЬ ПСАЛМОВ, ЧИТАЕМЫХ В РАЗЛИЧНЫХ НУЖДАХ

В защиту от врагов, в напастях, при кознях человеческих и вражиих читай псалмы: **90, 2, 3, 26, 36, 37, 39, 49, 53, 58, 139.**

В благодарность за победу над врагом читай псалом **17.**

Во время скорби и в несчастиях читай псалмы: **3, 12, 21, 68, 76, 82, 142.**

В смятении душевном читай псалом **30.**

В душевном уязвлении читай псалмы: **36, 39, 53, 59.**

При унынии и в безотчетной скорби читай псалмы: **90, 9, 26, 101.**

Когда видишь гордыню и злобу многих, когда не осталось у людей ничего святого, читай псалом **11.**

При обвинениях и клевете, воздвигающихся на тебя, читай псалмы: **4, 7, 36, 51.**

В гонениях читай псалмы: **53, 55, 56, 141.**

Если враги продолжают искать твоей гибели, читай псалмы: **34, 25, 42.**

В утешение угнетаемым читай псалом **19.**

Для смирения духа читай псалмы: **5, 27, 43, 54, 78, 79, 138.**

Когда имеешь потребность исповедания истинного Бога, читай псалмы: **9, 74, 104, 105, 106, 107, 117, 135, 137.**

О прощении грехов и в покаянии читай псалмы: **50, 6, 24, 56, 129.**

Чтобы уберечься от тяжких грехов, читай псалом **18.**

О даровании мирной кончины читай псалом **38.**

При желании переселиться в вечные селения читай псалом **83.**

В радости духовной читай псалмы: **103, 102.**

Перед выходом из дома читай псалом **31.**

В дороге читай псалмы: **41, 42, 62, 142.**

От порчи, колдунов и чародеев читай псалмы: **49, 53, 58, 139, 63.**

Против нападений бесовских читай псалмы: **45, 67.**

Когда слышишь, что хулят Промысл Божий, читай псалмы: **13, 52.**

Когда видишь, что нечестивые благоденствуют, а пра-

ведные терпят скорби, читай псалом **72**.

В болезнях читай псалмы: **29, 46, 69**.

В обстоятельствах, чтобы Господь услышал молитву твою, читай псалмы: **16, 85, 87, 140**.

Когда просишь милости и щедрот у Бога, читай псалом **66**.

Перед посевом читай псалом **64**.

От мороза читай псалом **147**.

От потопления читай псалом **68**.

От покраж читай псалом **51**.

Чтобы не скупиться и подавать милостыню, читай псалом **40**.

Если желаешь научиться, как должно приносить благодарение Господу, читай псалом **28**.

В благодарность за всякое благодеяние Божие читай псалмы: **33, 145, 149, 45, 47, 64, 65, 80, 84, 97, 115, 116, 123, 125, 134, 148**.

Восхваляя Господа, читай псалмы: **23, 88, 92, 95, 110, 112, 113, 114, 133, 138**.

По усопшим читай псалмы: **118, 50***.

* Указатель приводится по изданию: Полный православный молитвослов и Псалтирь. М., Издательство Сретенского м-ря, 2008.

СОДЕРЖАНИЕ

Молитвы перед началом
чтения Псалтири. 3

Давида царя и пророка песнь

Кафисма первая 10
Кафисма вторая 30
Кафисма третья 51
Кафисма четвертая. 78
Кафисма пятая 104
Кафисма шестая 128
Кафисма седмая 157
Кафисма осмая 183
Кафисма девятая. 205
Кафисма десятая. 229
Кафисма перваянадесять 258

Кафисма втораянадесять. 288
Кафисма третьянадесять. 312
Кафисма четвертаянадесять . . . 335
Кафисма пятаянадесять. 358
Кафисма шестаянадесять 381
Кафисма седмаянадесять 400
Кафисма осмаянадесять 430
Кафисма девятаянадесять. 451
Кафисма двадцатая. 476

Молитвы по прочтении
нескольких кафисм или всей
Псалтири. 497

*Указатель псалмов,
читаемых в различных нуждах. . 504*